

INJISYO

LYA- BBAIBBELE

LUFUTUKO

Kuzumina Jesu Kristo mbuli mufutuli wako nkokusala kwako kupati kwamuciindi coonse camubuumi bwako. Oku kusala nkutete mbuli lusyomo lwa mwana ujisi bwiiminizi butamani.

Ntaamu yabala yaciiyo eci:

CILONGWE

Ntaamu yamubuzyo wiingulwa muciiyo eci:

*Ino kuzyalululwa caamba nzi?
Lufutuko lugwasya buti cilogwe cangu a-Leza?*

Ntaamu yamakanze aciiyo eci:

Kukupandulwida cakabweza busena mubuumi bwaki coondi nuwaka zumina Jesu Kristo kuti abe mufutuli wako akuti kusala oko nkwakasandula buti kwiima kwako a-Leza.

Ntaamu mpati yaciiyo eci:

Cilogwe cesu aa Leza cakaba ca wisi amwana cilondolokede

TUPETO TWAKUBIKA MUMUTWE:

“Nkaambo kakuti luzyalo ndolutufutisizye nkaambo kalusyomo, nkabela makani taazwi kulindinye nubeni, ncipo buyo cizwa kuli-Leza. Teensi makani aancito zyesu, pe, kuti kutabi muntu ulikankaizya.” – Ba-Efeso 2:8-9

*“Ino boonse abamuzumina, nkokuti abasyoma zina lyakwe, wabaabila nguzu zyakusanduka akuba bana ba-Leza. Kutaamba bana abakazyalwa kubuntu, nokuba kukuyanda kwakuzyalana kwabantu, nokuba kukuyanda kwamwaalumi, pele mbana abakazyalwa kuli-Leza.”
– Johane 1:12-13*

UPONENA MUMUKWASYI OMWE ALI EYI YOBILE YAKUMUUYA.

A. Mukwasyi wa-saatani.

1. Muntu oonse munyika uzyalilwa mumukwasyi we-Saatani
Johane 8:31-44; Johane 3:10
2. Wakanjila mumukwasyi wa-Saatan kwiinda mukuzyalwa kwako kwakunyama kuzwa kuli uso waansi, walunyungu lwa-Adamu wakazyalwa mucinkonzya cacibi.
Matalikilo 5:3; Intembauzyo 51:5
3. Wakakona bube bwacibi kuzwa kuli uso, Adamu.
Ba-Roma 5:12; Ba-Efeso 2:1-3
4. Bbaibele lilasalazisya kuti nkaambo nkacibi cako, wakasalilwa kulufu.

“Nkaambo cakuvola cazibi ndufu...” - Ba-Efeso 6:23

LUGWASYO BWAPENZI LYACIBI CAKO BOMWE MBWAKUSYOMA JESU KRISTO KUTI ABE MUFUTULI WAKO.

“Jesu wakamwaambila kuti, Ndime nzila, Ndime bwini, Ndime buumi. Takukwe uuza kuli-Taata, pele muli-Ndimw.” - **Johane 14:6**

- Jesu nenzila...

Bbaibele lyaamba kuti muntu uyakufwa mucibi cakwe nakuti tafutulwi kucisubulo cimweelede kwiinda mubulowa bwakatika bwa-Jesu Kristo. Jesu nguwenya ngowakaba nzila yalufutuko kwiinda mukufwida busena bwako acingano, akuzikwa kumazuba otatwe amasiku otatwe alimwi akubuka alimwi akuzunda cibi alufu.

1 Ba-Korinto 15:1-4; Ba-Kolose 1:12-14

- Jesu ngobwini...

Kasimpe ka mbwabede Leza kalakakwa abantu kwiinda mukusala kwabo kulikomba beni azilengo. Jesu ngobwini mbobalangaula alimwi bantu beelede kumukomba mbuli Leza omwe wabwini.

Ba-Roma 1:20-25; 1 Johane 5:20

- Jesu ngobuumi...

Bantu boonse bazyalilwa mucibi, alimwi bakabetekwa kukupambuka kuzwa kuli-Leza mulufu lutamani lwa muziba lya-mulilo. Bayandikana buumi ubutamani obo bujanika muli Jesu Kristo.

Ciyubunuzyo 20:15; 2 Ba-Tesalonika 1:7-9

A. Mukwasyi wa-Leza

1. Uunjila mumukwasyi wa-Leza kwiinda mukuzyalwa kumuuya kuli uso wakujulu. Kwiinda mukusyoma muli-Jesu Kristo mbuli mufutuli wako, uba mwanaa-Leza kwiinda mukuzyalwa kumuuya. Nceeci ncelipandulula bala ya “kuzyalululwa”

Johane 3:3-7; 1 Petro 1:23

2. Kuzyalwa kupya nkotwaambilwa mukati ka **Johane 1:12-13**

“ino boonse abamuzumina..”

Nekuba kuti Jesu wakafwida boonse, weelede kusyoma Kristo mbuli mwami amufutuli wako, alimwi usale kuba sikwiiya wakwe.

“wabaabila nguzu zyakusanduka akuba bana ba-Leza”

Leza ulakwaabila kuti ube mwanaa-Leza akuti unjile mumukwasyi wakwe

“nkokuti abasyoma zina lyakwe”

Weelede kusyoma aluziyali kwiinda mukusyoma kuti Jesu wakabadelela cibi cako kwiinda mukutula bulowa bwakwe mulufu akubuka limwi akuzunda.

“kutaamba bana akazyalwa kubuntu, nokuba kukuyanda kwakuzyalana kwabantu, nokuba kukuyanda kwamwaalumi..”

Tonjili mumukwasyi wa-Leza kwiinda kukuzyalwa kwakunyama (bulowa), na munguzu zyako (kuyanda kwanyama), na nkaambo kakukuyandila kwaumwi (kuyanda kwamwaalumi)

“Pele mbana abakazyalwa kuli-Leza.”

Kunjila kwako mumukwasyi wa-Leza kwakwiinda kuzyalwa kumuuya.

3. Leza wakaba uso wakujulu ciindi nowakambula bwana mumukwasi wakwe

Ba-Roma 8:15

4. Musule yalufutuko lwako, Leza tayookulangi mbuli sizibi pe, pele mbuli Mwanaakwe

1 Johane 2:1; Ba-Efeso 5:1

NTAAMU MPATI YACIITO ECI!

Eno cilongwe cesu a-Leza cakaba ca wisi amwana cilondolokede. Kutaba mbuli uso waansi, Leza tayolubizyi ciindi nabeleka amwanaakwe.

“Lino mbuli mbumuzi kupa bana banu zintu zibotu, inywe nubabi, alakwe uso wanu uuli kujulu sa tazooindi loko kupa zintu kulibaabo bamukumbila?”

– **Matayo 7:11**

MUBANDI:

Ndelili nuwakanjila mumukwasyi wa-Leza?

Nzila ailike njokonzya kufutulwa akukala butamani a-Leza njakusyoma mulufu lwa-Jesu aa kuzikwa, akuti wakakubukila limwi. Utambula cipego eci cibotu kwiinda kwiita akukumbila Jesu Kristo kuti akufutule.

- Nakuti tokonzyi kwaamba busena na ciindi nuwakafutulwa, mpoonya, inga cabakuti toyeeeyi, na toninga kuzyalululwa.
- Bamwi bakamvwa buboni, pele tabana kuswiililisyana makani mabotu. Bamwi bakakomba, pele tabasinizyi.
- Na tozikabotu kuti wakafutulwa, ino nkaambo nzi tokumbili Leza kuti akufutule?

Ba-Roma 10:9-13

Ino Cilongwe cako auso waansi cigwasya buti mbocibede cilongwe cako a-Leza mbuli uso wakujulu?

CIYANDISI KUSWIILILISYA MBUBWAKASANDUKA BUUMI BWAKO KUZWA NUWAKAFUTULWA

A. Ujisi Muuya Uusalala ukukalilide mukati.

“cintu eco cibotu ncowakapegwa, kocibamba kabotu kunguzu zya-Muuya Uusalala uutukalilide mukati.”- **2 Timoteo 1:14**

“Sa tamuzi kuti ndinwe in’ganda yatempele ya-Leza, alimwi Muuya wa-Leza ulamukalila mukati.”- **1 Ba-Korinto 3:16**

B. Uli cilengo cipya muli-Kristo

“Aboobo kuti muntu waba muli-Kristo, waba mulenge mupya. Zintu zikulukulu zyamaninina, zyoonse zyaba zipya.” - **2 Ba-Korinto 5:17**

C. Ujisi buumi butamani

Cakaba cako; tocilindilili kucitambula kuciindi ciza kumbele. Tupeto tutobela twaamba kuti buumi bwaku muuya bwako mbwa ciindi caeneno.

“Oyo uusyoma Mwana nguuli abuumi ubutamani...” - **Johane 3:36**

“...Oyo uusyoma uli abuumi ubutamani.” - **Johane 6:47**

“Oyo ujisi Mwana ujisi buumi butamani.” - **1 Johane 5:12**

D. Ujisi bube bupya bwaku muuya.

1. Mbubonya mbowakakona bube bwako bwaku bwanyama, wakakona bube bwa buna Leza buzwa kuli Leza kwiinda mukuzyalululwa kwako kupya kwaku Muuya.

2 Petro 1:3-4

2. Eno nkaambo kakuti ujisi bube bupya bwamuli Jesu Kristo, Bbaibele lilakulailila kuti upone buumi bwiindene abwa bantu basweekede.

2 Ba-Korinto 6:14-18

CIZIBYO CIPATI:

Takukwe nuwakasweekelwa bube bwaku nyama ciindi nowaka zyalululwa ku muuya. Ujisi bube bobile mukati kako aciindi comwe. “Muntu mukulukulu” wako ngo bube bwa nyama, muntu sizibi wakalengelwa mucinkozya ca Adamu. “Muntu mupa” bube bwako bwa buntu bwaku muuya oyo wakalengwa omwe a-Kristo. Makani abasyomi oonse ngakusala bube bwaku manina milimo akulikozyanisya awalo. Bube mbosanina loko mbobuyaku kweendelezya.

Ba-Kolose 3:5-11; 2 Ba-Korinto 4:14-18

ZINTU ZIMWI ZITASWIILISIGWI AMAKANI ALUFUTUKO

A. Sena bantu boonse mbacibela camukwasyi omwe wa-Leza?

Pe. Muntu ukonzya buyo kuba mwana a-Leza kwiinda mukusyoma kubuka kwa-Jesu Kristo.

Ba-Galatia 3:26

B. Sena ndeedede kubelekela nzila yangu yakujulu?

Pe. Kucita milimo mibotu takukupi lufutuko lwako. Tucita milimo mibotu nkaambo kakuti twakafutulwa.

Ba-Efeso 2:8-10; Ba-Roma 4:4-5

C. Sena kuli nzila ziindene zyakusika kujulu?

Pe. Jesu nenzila ailike yakuyoba a-Leza

Ncito 4:12

MIBUZYO IMWI NJOKONZYA KUNOBUZYA

A. Sena ndiyo bisya ndamana kufutulwa?

ee. ciindi nofutulwa, bube bwa kale taabuzwi mukati kako, alimwi buyookutola kukubisya muciiindi ca buumi bwako boone.

Ba-Roma 7:18-25; Jakobo 1:14

B. Cilongwe cangu aa-Taata wakujulu cinyonyonwa buti akaambo kacibi?

cibi cako cilamwaya luswaanano lwako a-Leza, pele cilongwe cako mbuli mwanaakwe tacicinci. Aboobo, Leza uyakukusubula nkaambo uli mwanaakwe.

Ba-Hebrayo 12:5-11; Tusimpi 3:11-12

C. Cinzi nceelede kucita nda bisya?

Kukusanguna weelede kulyaamba cibi cako kuli Leza, akusyoma mubulowa bwa Kristo kuti bukusalazye. Wamana kulyaamba cibi cako, weelede ciindi coonse kweempwa kuzwa kucibi cako ikuti ukaangunuke kukutobela busalazi bwa-Leza. Ikuti ukakonzye kuzwa kutepaulo yakupiluka kucibi cako, weelede kukomba akukumbila Leza kuti akupe luzondo lwa cibi eco.

1 Johane 1:9; 2 Korinto 7:1; Tusimpi 8:13

MUBANDI:

Buumi bwako bwakasanduka buti kuzwa ciindi nuwakafutulwa?

Sena ulayeeyela kuti inga wakonzya kwaambila umwi muntu mbwakonzya kufutulwa akuba mwanaa-Leza? Inga wautalika buti mubandi?

Sena ujisi mubuzyo amakani aciiyo eci?

KWIINDULUKA AKUBANDIKA

1. Belesya kapeto ka 1 Ba-Korinto 15:1-4 kukwaamba Makani Mabotu nacinzi.

2. Inzila ailike yakunjila mumukwasyi njakwiinda mukuzyalwa. Koaamba muma bala ako mbuli bantu mbobanjila mumukwasyi wa-Saatan amukwasyi wa-Leza.

3. Bwakasanduka buti buumi bwako kuzwa nuwakazumina Jesu Kristo mbuli Mufutuli?

4. Inga wapandulula buti bube bobile mbojisi eno?



5. Lemba mbuli cilongwe cako auso wakujulu mbocikozyanisigwa auso waansi.

6. Ntaamu nzi yamakanze aciiyo eci, alimwi cakwiisya nzi?

KUBALA BBAIBELE ECIGAMININA

Bala Ba-Efeso 2:8-9 alimwi waambe nkaambo nzi muntu takonzyi kufutulwa kwiinda munguzu zyakwe.

Kweendelana aa Ba-Roma 10:9-10, mbuti muntu mbwasika kulufutuko?

Cilongwe cako a-Leza cibonwa kwiinda mucilongwe caansi akati ka Wisi amwanaakwe. Bala tupeto tutobela alimwi ulembe nzila zimwi Leza nzyasanina bana bakwe.

intembauzyo

Johane 14:26

Ba-kolose 3:21

Matayo 4:4

Ba-Roma 8:28-30

Ba-Hebrayo 12:5-11

Matayo 18:5-6

Ba-Filipis 4:19

1 Petro 5:7

INJISYO

LYA- BBAIBBELE

BUKWABILIZI BUTAMANI

Nciyandisi kuswiilisa akuziba kuti cilogwe cako a-Leza tacimani. Nozumina Jesu Kristo mbuli Mufutuli wako, Leza wakakupa buumi ubutamani abukwabilizi bwa cilogwe anguwe citamani. Kufutulwa caamba kuti waba abuumi butamani akuti kuba abuumi butamani caamba kuti wakafutulwa.

Ntaamu yabala yaciiyo eci:

BUKWABILIZI

Ntaamu yamubuzyo wiingulwa muciiyo eci:

Sena buumi bupya bwangu muli-Kristo buyookalilila kutamani na?

Ntaamu yamakanze aciiyo eci:

Kuziba kuti bukwabilizi bwa cilogwe cako a-Leza bwiimwi amulimo wakamanwa aa Jesu Kristo.

Ntaamu mpati yaciiyo eci:

Kuzyalwa kwesu takupilusigwi.

TUPETO TWAKUBIKA MUMUTWE:

*“Boonse mbandipa Taata baleza kulindime, awalo uuza kulindime nsikoomutanda akanini pe.”
– Johane 6:37*

*“Ezi zintu ndakazilemba kulindinywe nomuzumina kuzina Iya-Mwana wa-Leza, kuti muzibe kuti mulijis buumi butamani.”
– 1 Johane 5:13*

MANGWALO AYUBUNUNA CIPEGO CA BUUMI BUTAMANI

A. Wakatambula buumi butamani muli-Jesu Kristo aciindi calufutuko lwako.

Johane 3:15; 1 Johane 5:12

B. Jesu wakabadelela mulandu wacibi cako kwiinda mukulipa kwakwe aciingano. Wakatambula cipego ca buumi butamani kwiinda mukubuka kwakwe.

Ba-Roma 6:9-11

C. Leza tabeji pe, akuti wakakusyomezya buumi butamani.

Tito 1:2

MANGWALO AAMBA BUKWABILIZI BWAKO BUTAMANI

A. Bbaibele lyaamba kuti ujisi buumi butamani nkaambo takukwe kaambo kayookutandila Leza ku bana bakwe.

1. Jesu wakakusyomezya kuti tayookutandi nakabakanini.

Johane 6:37

2. Jesu wakasyomezya kuti wakakwabililwa mumaanza akwe akuti takukwe ukonzya kubweza lufutuko lwako.

Johane 10:27-29

3. Weelede kusala kusyoma kuti muuya wako ulikwabilidwe mumaanza aa Leza.

2 Timoteo 1:12

B. Bbaibele lyaamba kuti tokonzyi kuleka lufutuko lwako.

1. Buumi butamani cipego ca-Leza ncututambula aciindi calufutuko lwesu kwiinda muluzyalo lwa-Leza akuti teensi milimo yesu. Tokonzyi kusweekelwa buumi butamani nkaambo tokonzyi kulubelekela.

Ba-Efeso 2:8-9; Ba-Roma 6:23

2. Na nekwali cintu ncokonzya kucita kuti utambule na kuyoobola buumi butamani, mpawo nokonzya kululama kwiinda munguzu zyako, akuti kufwa kwa-Jesu Kristo nekuli kwa buyo.

Ba-Galatia 2:16, 21

3. Na nowali mulimo wako wakubamba lufutuko lwako, mpawo takukwe kuzumbauzuya kuti ingwa walusweekelwa nkaambo kacibi cako. Leza alike ngookwabilila lufutuko lwako.

Ba-Galatia 3:10; Jakobo 2:10

BBAIBELE LYAAMBA KUTI TAKUKWA CIKONZYA KUKUPAMBULA KULUYANDO LWA-LEZA

Bala Ba-Roma 8:38-39. Cisyomezayo cipati abukwabilizi bwa luyando lwa-Leza kuli umwi aumwi muntu musyomi bulubwenekede mutupeto otu. Takukwe cikonzya kukwaandanya aluyando lwa-Kristo, na kubukwabilizi butamani mbojisi muli nguwe.

- **Lufu** – tokonzi kusweekelwa nekuba nofwa.
- **Buumi** – tokonzi kusweekelwa nocipona
- **Baangelo** – baangelo kukunyanga ndulo
- **Basinguzu** – mfulumende tikonzyi kukunyanga ngulo
- **Nguzu** – nguzu zya saatan tizikonzyi kukunyanga
- **Makani aasunu** – takukwe casunu cikonzya kukunyanga
- **Makani aaciza** – takukwe ciza kumbele cikonzya kukunyanga
- **Zintu zyakujulu** – takukwe cintu cakujulu cikonzya kukunyanga
- **Zyaansi** – takukwe cintu caansi cikonzya kukunyanga
- **Kufumbwa zilengo** – takukwe cipona cikonzya kukunyanga

MUBANDI:

Cintu ciyandisi kuti makani akale taambwi azintu ezi. Cibi cako cakakwaandanya a-Leza, pele eno wakaba mwanaakwe. Tocipambukene a-Leza nkaambo kacimwi cintu cakale mubuumi bwako. Sena uzumizya zintu zyakale mubuumi bwako kuti zicise cilongwe cako a-Leza?

“Eno anywebo wakamubusya, inywe nimwakafwide mundubizyo zyanu amuzibi zyanu; nzimwali kweendela mulinzizyo insiku, cakutobela ziimbo zyaansi ano azyamweendelezi uujisi bwami bwakumuwo, nguwenya muuya ubeleka sunu mummyo yabana bakasampusampu. Akati kabaaba mpotwakali kupona aswebo kalekale, nkaambo twakali mumayabwe aanyama yesu, twakali kucita zisusi zibi zyanyama azyamyoyo yesu, nkabela mubwuume bwesu twakali bana babukali mbubonya mbuli bamwi.”

– **Ba-Efeso 2:1-3**

MANGWALO AZUZIKIZYA BUKWABILIZI BWAKO BUTAMANI

A. Cilogwe cako aa Leza cakakwabililwa nkaambo eno wakaba mwanaakwe kwiinda kuzyalwa

Johane 1:12-13; 1 Johane 3:1-2

NTAAMU MPATI YACIIYO ECI!

Kuzyalwa oku takupilukuli. Uyakuba mwanaa uso ciindi coonse nkaambo wakazyalwa kuluyungu lwakwe. Nekuba kuti omwe na boonse bazyali bako tebali acibela mubuumi bwako, taticinci kaambo kakuti ulimwanaabo. Ingwa wacinca zina lyako, na kotababoni limwi mane kusikila ukafwe; pele uso ngu uso ciindi coonse. mbubonya kasimpe mbokabede aauso wakujulu. Tokonzyi kupilusya kuzyalwa nkaambo kuzyalwa kwako kwaku muuya kwamuya myaka.

B. Kuzyalwa kwako kupya muli-Kristo kwakabikwa citondezya camuuya uusalala wa-Leza.

1. Nowakazyalulwa, Leza wakapanga bulembi kwiinda mukulemba zina lyako mu bbuku ya kambelele lya buumi.

“Alimwi ndabakumbila ayebo omubelesima mwini-mwini kuti ubagwasye bamakaintu aaba, nkaambo bakabeleka kapati antoomwe andime mukumwaya Makani Mobotu. Alimwi bakabeleka a kilementinababelesi bamwi bali aamazina aalembedwe mubbuku lyabuumi.” – Ba-Filipi 4:3

2. Wakapegwa citondezyo aMuuya Uusalala wa-Leza aciindi cakuzyalwa kwako kwaku muuya.

“Anywebo mwakaswiilila ijwi lyalusinizyo, Makani Mobotu aalufutuko lwanu, elyo nimwakazuminina nguwe mwakabikilwa citondezyo, nkukuti Muuya Uusalala ngutwakasyomezegwa kale; oyu Muuya nguwenya ncecitondezyo calukono lwesu nciwapegwa sunu mane kusikila kuciindi nciuzoolya lubono loonse akutembaula bulemu bwakwe.”

– Ba-Efeso 1:13-14

C. Mangwalo aamba lusyomo lwesu nekubakuti kulimvwa kwesu takuciti obo.

Lufutuko lwako talwiiminini akulimvwa kwako, pele abwani bwa jwi ya-Leza. Kuzumbauzya abukandu bulapona, pele zyeede kutolwa mujwi lya-Leza ciindi coonse.

1. Inga waziba kuti ujisi buumi butamani.

“Ezi zintu ndakazilemba kulindinywe nomuzumina kuzina lya-Mwana wa-Leza, kuti muzibe kuti mujisi buumi butamani.” – 1 Johane 5:13

2. Leza wakasyomezwa buumi butamani, akuti buumi butamani tabujisi magolelo.

*“Eci ncecisyoomezwa ncaakatusyomezwa, buumu butamani.”
– 1 Johane 2:25*

3. Leza ulizi kuti wakafutulwa, pele weeleda kuzibisisya lufutuko lwako

“Kufumbwa kumakani ngiitupa mulandu myoyo yesu.” – 1 John 3:20

4. Luyando lwa-Leza lulazunda bukandu mbojisi boonse.

“taakwe kuyoowa muluyandano, pele luyando lulondolokede ndolugwisya kuyoowa, nkaambo kuyoowa nkokujisi mapenzi. Oyo uuyoowa talondoledwe muluyando.” – 1 Johane 4:18

MUBANDI:

Sena nkocili ciindi mubuumi bwako nowakazumbauzwa lufutuko lwako?

Ino kuziba kuti ujisi bukwabilizi butamani kucinca but nzila njolanga cilongwe cako a-Leza?

KUTASWILILA KUMWI AMAKANI ABUKWABILIZI BUTAMANI

A. Sena ndeede kubeleka kuti ndikwabilile lufutuko lwangu?

Pe. Milimo iliindene aluzyalo. Tufutulwa buyo aluzyalo, kwiinda mulusyomo, amuli Kristo alike. Lusyomo lukululamika ambele lya-Leza, pele milimo ikululamika ambele lya muntu. Tweeleda kweenda muli-Kristo notumuzumina- kwiinda mulusyomo.

Tito 3:5; Ba-Galatia 2:16; Ba-Kolose 2:6-7

B. Sena inga ndasweekelwa lufutuko lwangu nda bisya?

Pe. Na twabisya, tumwaya luswaanano lwesu a-Leza, pele tatugwisyi mumukwasyi wakwe. Tweeleda kulyaamba zibi zyesu kuli Taata, akweempwa, akuti luswaanano lwesu lulayakwa alimwi.

1 Johane 1:9; 2 Ba-Korinto 7:1

C. Sena basyomi inga basweekelwa lufutuko lwabo nabasala kuzwa kuli Jesu?

Pe. Cipego calufutuko tacili camulao; tacimani. Leza tayoozwi kubana bakwe. Aboobo, kuyakuba cisubulo ciindi coonse mukusala kupona buumi buzwide kuluswaanano a-Leza. Leza ulatambisya bana bakwe ikuti akabatole kubusalali

Ba-Hebrayo 12:6-11; Ba-Galatia 6:7-9

MUBANDI:

Sena ulayanda kusyoma akuzumina ncelyaamba amakani abukwabilizi bwako butamani?

Zisubulo nzi zimwi zyakakusikila akaambo kakusala kupona buumi bwaanze alusanano a-Leza?

Sena ujisi mibuzyo amakani aciiyo eci?

KWIINDULUKA AKUBANDIKA

1. Zisyomezyo nzi zyetukonzya kutambula mukati ka Johane 6:37 aa Johane 10:27-29?

2. Pandulula mumabala ako caamba nzi kupegwa citondezyo ca Muuya Uusalala. Belesya mangwalo kugwasilizya bwiinguzi bwako.

3. Sena nkocili cimwi cintu cikwaandanya kuluyando Iwa-Leza? Kopa mangwalo agwasya bwiinguzi bwako.

4. Lemba mangwalo asyomezya kuti inga waziba kuti ujisi buumi butamani?



5. Sena ulakonzya kucita cimwi cintu cikonzya kuti usweekelwe lufutuko lwako?

6. Ntaamu nzi yamakanze aciiyo, akuti cakwiisya nzi?

KUBBALA BBAIBELE KUGAMININA

2 Timoteo 2:15-19 yaamba akabunga kabantu bakazwa kukutobela Mwami. Ino nkaambo nzi Lusyomo lwabo lwakazundwa? Ino bbaibele lyaamba nzi amakani ambuli mbobalanga cilongwe cabo a-Leza?

Kweendelana aa 1 Petro 1:3-5, ujisi bulangizi bupona nkaambo wakazyalululwa kuzwa kulufu. Ino kalembo aka kakwiisya nzi amakani alukono lwako lwakujulu? Ninguzu zyani zibamba lufutuko lwako?

Kozyanisya Ba-Filipi 1:6; Juda 1:24-25; aa 2 Timoteo 1:12 akwaamba kaambo nzi nkokonzya kuba alusinizyo mubukwabilizi bwa lufutuko lwako.



Bbaibele liisya kuti tokonzyi kusweekelwa lufutuko lwako. Aboobo, inga wasweekelwa na tobelekeli Mwami. Bbala akuiingula tupeto tutobela amibuzyo.

Intembauzyo 51:12

Sena wakasweekelwa kale lukondo lwalufutuko lwako? Sena uyandika kukumbila Leza kuti apilusye lukondo lwalufutuko mubuumi bwako?

2 Ba-Korinto 6:1-3

Sena cilakozyeka kusweekelwa bumboni bwako mbuli mutobeli wa-Kristo. Sena nkocili ciindi kuzwa nowakafutuka eco Leza ncatakapegwa bulemu akaambo kakupona kwako? Mbwabuti sunu bumboni bwako ?

1Ba- Korinto 3:11-15

Nkobuli bulumbu bupegwa na busweekelwa kweendelana ambobika muzintu zitamani na zintu zimana. Eno awa, sena uponena akubika kuzintu zilampindu zitamani?

INJISYO

LYA- BBAIBBELE

LUBIZYO

Ibupaizi bwiindene bwiisya zintu zinji kweendelana amilao ya-Lubizyo aya-Mulalilo. Bbaibele liisya kuti Mwami wakapa cikombelo cakwe eei milao kuyeeya Lufu, Kuzikwa, akubuka kubafu kwa mwami Jesu Kristo. Ciyandisi kuswilila kuti milao ya-Lubizyo aya-Mulalilo taiiliyabuyandisi kulufutuko lwako, pele njiiyandisi kukubonya kuswiilila mwami musule yalufutuko lwako.

Ntaamu ya-bbala Iya ciiyo eci

Kuswiilizya

Ntaamu ya mubuzyo wiingulwa muciiyo eci

Mbubotu nzi bwa lubbizyo mu buumi bwangu?

Ntaamu yamakanze ya-ciiyo eci

Kupanduluzi njisyo yamu Bbaibbele ilibonya yamilao ya lubbizyo kucikombelo.

Ntaamu mpati ya ciiyo eci

Lubbizyo nentaamu ntanzi yakuswiilizya kwa musyomi.

KANCALI KAKUBIKI MUMUTWE:

“Nobakali kweenda munzila, bakasika kwakali maanzi. Muzibe wakati, Ngaaya maanzi, Ncinzi ino icindikasya kubapatizigwa? Filipo wateeti, Na wasyoma amoyo wako woose Ulakonzya. Wavuwa wati, Ndasyoma kuti Jesu Kristo ngu-Mwana a-Leza.”-Ncito 8:36-37

Antela bupaizi boonse bulaiisya inzila imbi yalubbizyo kuba cibela ca njisyo yabo, alimwi ezi njisyo zili mubunji. Eci cibela caciiyo cikupa bupanduluzi bulibonya anjisyo ya mutwe wamakani aya kuzwa mu bbaibele kuti ukakonzye kuswiiliza kuyanda kwa Leza amakani aLubbizyo.

INO LUBBIZYO NCINZI?

A. Lubizyo lwa maanzi lubonya Lufu, kuzikwa akubuka kubafu kwa Jesu Kristo.

Ba-Roma 6:1-7

B. Lubizyo lwa maanzi mbumboni bwaambele abantu bwa lufutuko lwako akulitondezya a-Jesu.

Ba-Roma 1:16; 10:11

Ulizubulula ambele abantu kuti wakasyoma lufu lwa-Kristo aciingano abusena bwako. Noonjila kungsi amaanzi, uzubulula antaangalala kuti zibi zyako zyakaziwa a-Kristo mucuumbwe cakwe. Noozwa kungsi amaanzi, ulizubulula antaangalala kukubuka kubafu a-Kristo, alimwi kuti waka Kubusya mulweendo lwa buumi bupya.

C. Lubbizyo lwa maanzi kwaamba kwantangalala kuti wasala kutobela akulipa ku Mwami Jesu Kristo. Jesu wakatubikila cikonzanyo kwiinda mukulipa kulubbizyo natalina katalika mulimo wakwe waantangalala.

Matayo 3:13-17

NTAAMU MPATI YA CIBELA ECI.

“Nkaambo kaako kamuya mukabaiisye bantu bamisyobo yoonse, akubabapatizya muzina lya-Taata Alya-Mwana alya-Muuya Uusalala; alimwi amubaiisye kuti bajatisye makani oonse ngendakumulailila. Amulange, ndaba anywe mazuba oonse nikuba kusikila kumamanino aaciindi.”

- Matayo 28:19-20

Kweendelana abbaibele, ncito ntaanzi yakuswiiliza yamusyomi mulao walubbizyo. Ciyandisi Kukukomena kwaku muuya kwako. Kotanaiisigwa kutobela Jesu Kristo, weede kuba akuyanda kulipa kuli ntaamu ntaanzi yakuswiilila oko Leza kwayanda kuti utobele wamana kufutulwa. Kukomena kwako Muli Jesu Krsito kuyakulebwa nakuti tookoswiilila mulazyo wa-Leza wakubbizigwa

A. Mwami ulapa mulazyo kuli abo boonse babika lusyomo lwabo muli Jesu Kristo amufutuli kuti babbizigwe.

“Nkaambo kaako kamuya mukabaiisye bantu bamisyobo yoonse, akubabapatizya muzina lya-Taata alya-Mwana alya-Muuya Uusalala:”- Matayo 28:19

B. Kuliziyandika zyobile kuli abo bayanda kubbizigwa.

“Nobakali kweenda munzila, bakasika kwakali maanzi. Muzibe wakati, ngaaya maanzi, ncinzi icindikasya kubapatizigwa?; Filipo wateeti, Na wasyoma amoyo wako woonse ulakonzya. Wavuwa wati, Ndasyoma kuti Jesu Kristo ngu-Mwana a-Leza.”- Ncito 8:36-37

Ciyandikana 1- kusyoma mumoyo wako kuti ngo Jesu Kristo mbuli Mwami aMufutuli wako.

Ciyandikana 2- kuzumina kuti Kristo ngo Mwami aMufutuli wako. - **Ba-Roma 10:9-10**

NDEELILI NOEELEDE KUBBIZIGWA?

A. Bbaibele liisya kuti weelede kubizigwa wamana kufutulwa.

Zikozyanyo zyalubbizyo lwakaba musule ya-Lufutuko:

- | | |
|--|---|
| - Bantu bakusamariya- Ncito 8:12 | - Muzibe- Ncito 8:36-39 |
| - Apostolo Paulo (Saulo)- Ncito 9:18 | - Korneliyo aba n’ganda yakwe- Ncito 10:44-48 |
| - Sikulindilila ntolongo waku Filipi- Ncito 16:25-33 | - Bantu baku korinto- Ncito 18:7-8 |

B. Weelede kubbizigwa ciindi noswiilila mulazyo wa-Leza amakanze akubbizigwa.

Sena ulaabwini kuti wakafutulwa?

Sena wakabbizigwa kale nowakamana kufutulwa? Na pe, ndeelili noyobizigwa?

MBU BUTI MBOKONZYA KUBBIZIGWA?

- A. **Zikozyanyo zoonse zyamu baibele zya lubbizyo lwa bantu lwali lwakunjila kungsi amaanzi.**

*“Lino Jesu naakamana kubapatizigwa, mpawo **wakazwa mumaanzi...**”- Matayo 3:16*

*“...bakaselukila **mumaanzi** boonse bobile, Filipo amuzibe;wamubapatizya.”- Ncito 8:38*

- B. **Nzila yalubizyo lwa mu bbaibele ndwa kumanina kungsi amaanzi.**

“Aboobo twakazikwa awe mukubapatizigwa kwamulufu, kuti mbuli Kristo mbwaakabusigwa kuzwa. Kubafu kubulemu bwabawisi, mbubonya obo aswebo tukeende mubuumi bupya.”

Ba-Roma 6:4

1. ibala ya “Lubbizyo” lipandulula kunjizya, kunika, kubika mukati na kumbila.
2. Lubbizyo taalukonzya kubonya Lufu, Kuzikwa akubuka kwa Kristo kubafu nakuti musyomi Taamanini kunjila kungsi amaanzi.
3. kusansaila taaili nzila yalubizyo lwa mu bbaibele nkaambo kakuti taakubonyi Lufu, Kuzikwa Akubuka kubafu kwa Jesu Kristo.

NKOOKULI NKOONDEELEDE KUBBIZIGILWA?

- A. Lubbizyo lwako lweelede kubeeda munguzu zyacikombelo ciisya njisyo yakasimpe yalubizyo
- B. Busena bwa lubbizyo taabuli buyandisi mbuli buposolozzi bwaantagalala bwakulibonya a-Jesu Kristo mbuli Mufutuli wako a-Mwami.
- C. Weelede kubbizigwa musena bujisi maanzi manji ngokonzya kubbila kungsi

Johane 3:23; Ncito 8:36-37

KWIINDULUKA AKWAMBAULA

1. Nkaambo nzi Leza ulailila bana kristo kuti babbizigwe?

2. Nzila nzi yamu bbaibele yalubbizyo, alimwi lwiiminina nzi?

3. Cinzi ciyandika kuti muntu abbizigwe?

4. Ino muzeezo nzi mupati wacciyo eci, cikuisya anzi?

KUSUNGWALA BAIBELE KWACIGAMININA

Mumajwi ako kopandulula Ncito 8:36-38 ncekuiisya kweendelana aLubbizyo.

Kobala tulembo tutobela akwaamba ciindi muntu naaka bbizyigwa

Ncito 8:12-13

Ncito 10:44-48

Ncito 18:7-8

INJISYO

LYA- BBAIBBELE

MUUYA UUSALALA

Muuya usalala wa-Leza waka bweza busena bwakukalilila mukati kako mubuzuba obo nuwaka zumina Mwami Jesu Kristo kuba mufutuli wako. Muuya Usalala wa-Leza ngo busyu bwa-Leza mubuumi bwako, alimwi uyanda kuti usalala noiiya kweenda anguwe. Oyu muntu watatu muba-Leza taaswiilisigwi kanji kanji, alimwi ulasulwa mubuna Kristo.

Ntaamu yabala muciiyo eci

Kukalilila mukati.

Ntaamu yamubuzyo wiingulwa muciiyo eci

Nguuli mulimo wa-Muuya Usalala mubuumi bwako?

Ntaamu yamakanze aciiyo eci

Kukupa kuswiilisa bwini bwa mulimo wa-Muuya Usalala wa-Leza mubuumi bwako.

Ntaamu mpati ya ciiyo eci

Muuya Usalala ukala mukati kako.

KANCALI KAKUYEEYA:

“Sa tamuzi kuti mibili yanu ntotukombelo twa-Muuya wa-Leza uumukalila mukati, ngumutambwide Kuli-Leza? Tamulivubi nubeni pe; nkaambo mwakaulwa muulo. Nkaambo kaako, amulemye Leza Mumibili yanu.” 1 Ba-Korinto 6:19-20

“Pele micelo ya-Muuya njeeyi: luyandano, lukondo, luumuno, busicamba, buuya, bubotu, lusyomo; lubombo, kulyeendelela. Kulibaabo bacitaula zili bobo taakwe mulao uubalwisya.” Ba-Galatia 5:22-25

MUUYA USALALA WA-LEZA UCITA NZI MUKATI KANGU?

Ntaamu mpati yaciiyo eci

Muuya usalala ukukalilide mukati kako. Mu bbaibele lyaonse, tubala amakani abamaalumi abamakaintu bakaswaangana abusyu bwa-Leza muziindi amubusena bweendene. Ciindi nuwaka zumina Jesu Kristo kuba Mufutuli wako, Leza wakakupa muuyaa wakwe ukukalilide mukati kako. Eno ujisi buusyu bwa-Leza mukati kako, alimwi mubili wako wakaba kakombelo kamuuya usalala!

Johane 14:16-17; Ba-Galatia 3:2; 1 Ba Korinto 3:16

- A. Muuya usalala ncecitondezyo acizibisyo calufutuko lwako.
Ba-Efeso 1:13-14
- B. Muuya usalala ukupa nguzu zyakubelekela Leza
Ba-Efeso 3:16
- C. Muuya usalala ngokamboni walufutuko lwako.
Ba-Roma 8:16
- D. Muuya usalala ulakombelezeya mumipailo yako.
Ba-Roma 8:26-27
- E. Muuya usalala ulakuiisya bbaibele.
Johane 16:13-15; 1 Ba-Korinto 2:9-14
- F. Muuya usalala ulakusololela mukusala kwako.
1 Ba-Korinto 2:15-16
- G. Muuya Usalala ulakuyumyayumya muciiindi cakuyanda.
Johane 14:15-18
- H. Muuya usalala ulakwiibalusya ncowakakwiisya.
Johane 14:26
- I. Muuya Usalala ulakupa mulandu acibi cako.
Johane 16:8-11

MUBANDI:

Kuba tempele ya-Leza cisandula buti nzila njopona buumi bwako?

Inga waabana cikonzanyo ca muuya uusalala niwakakugwasya kuswiilila kalembo mu bbaibele

INO CIBI CANGU CICISA BUTI MUUYA UUSALALA.?

- A) Cibi cako cipenzya muuya uusalala. Leza wakabika muuya wakwe mukati kamusyomi oonse nkaambo kuyanda kwakwe kuti maumi esu akabonye bube bwakwe munyika. Muuya uusalala ulapenzwegwa basyomi basala kupona maumi abo munzila zyaabo zisesemya.

Ba-Efeso 4:30

- B) Cibi cako cizimya Muuya Uusalala
Ciindi musyomi naiindilizya acaali kukaka kupegwa mulandu amuuya usalala, cileetela kuyuma moyo wakwe. Muuya uusalala ulazimwa nkaambo myoyo yabo yayuma ilakaka lweetelo lwa muuya usalala kukubatola kubusalazi.

1 Ba-Tesalonika 5:19; 1 Timoteo 4:1-2

KALEMBO KAPATI:

Bbaibele libelesya bala yakuti **“buusu buzwa kuli-Leza”** nkokupandulula kuti kupegwa mulandu. “abuusu bwa-Nyika” nkokupandulula kuti kulimvwa amulandu. Inga caba ciyumu musyomi kupandulula lwiindano akati ka kpegwa mulandu akulimvwa mulandu nkaambo zimvwika kukozanya, nekubaboobo, zyoonse zijisi mamanino aiindene.

Kupegwa mulandu kuzwa kuli Leza ciindi nayubununa cibi mubuumi bwako kuti usale kweempwa. Kupegwa mulandu kuleta buusu buzwa kuli-Leza alimwi kuusa nkwakanyemya Leza kulakweetela kuti uyee kuli Leza kwiinda kukweempwa, alimwi kulaleta mucelo walulekelelo, luumuno, acilongwe cilikabotu a-Leza.

Kulimvwa amulandu kutalikila kuli saatan nasola kukutamizya kuti tooeleli Luyando azileleko zya-Leza. Kulaleta kuusa kukugwisya kukuswaanana a-Leza.

2 Ba-Korinto 7:9-11

KWAMBAULA:

Sena kuli cintu mubuumi bwako ceetela muuya kupenga?

NJAABUTI MICELO YA-MUUYA?

Muuya uusalala wa-Leza ulaleta bube buzwa kuli Leza mukati kako bwitwa kuti micelo ya-Muuya. Bube boonse bulaletwa aciindi comwe nopa buumi bwako kuli Leza akweenda munguzu zyakwe. Ciyandisi kuswiilila kuti kulibuyo mucelo wa-Muuya ulibonya alizili musanu aune zyiindene. Nzila ailike yakuba mbuli Kristo njakubona micelo yamuuya kailibonya mukati kako.

“pele micelo ya-muuya njeeyi; luyandano, lukondo, luumuno, busicamba, buuya, bubotu, lusyomo; lubombo, kulyeendelela. Kulibaabo bacitaula zili boobo taakwe mulao ubalwisya.” **Ba-Galatia 5:22**

A) kuli bube bwamukati obo busandula buumi bwako

1. Luyandano

Muuya Usalala ulakupa luyando lwa-Leza abamwi

2. Lukondo

Muuya usalala ulakupa lukondo lukalilila nikuba mapenzi aanze.

3. Luumuno

Muuya usalala ulakupa luumuno lwamukati akati kankondo

B) Kuli bube bwaanze busandula cilongwe cako abamwi

1. Busicamba

Muuya Usalala ulakuzumizya kupa bamwi luzyalo mukukacilwa kwabo.

2. Buuya

Muuya Usalala kulakupa nguzu zyakupona abamwi mubulemu

3. Bubotu

Muuya Usalala ulakupa bube buzwa kuli Leza obo bubonya bubotu bwa- Leza

C) Kuli bube bwakujulu obo busandula cilongwe cako aa-Leza.

1. Lusyomo

Muuya usalala ulakupa nguzu zyakusyoma ijwi lya-Leza

2. Lubombo

Muuya Usalala ulakupa nguzu zyamukati ezyo zilibonya mukulibombya

3. Kulyeendelela

Muuya Usalala ulakutola kubuumi bweelede

MUBANDI:

Njiili micelo ya-Muuya njoyanda kubona kukomena muli njiyo?

INO NJILI MILIMO YA-NYAMA?

Micelo ya-muuya tiikonzya kuzyalwa nakuti musyomi utobela bwendelezi bwa nyama kutali kutobela bwendelezi bwa muuya. Citete kuziba basyomi abo basala kupona muzibi nkaambo milimo ya-nyama ilibwenekede mumaumi abo.

“Lino milimo yanyama ilibwenekede, njeeyi;-bwamu, busofwaazi, zisusi zibi; kukomba mituni, bulozi, inkondo, bulwani, lukazyanyo, inyemo, insulano, mipampo mipampo, impilingano; ibbivwe, inkolwi, injalalando, azimwi zili boobo. Lino ndamwaambila aazintu ezi mbubonya mbundakamwaambila kale, kuti abo bacitaula zintu zili boobo tabakooyookona bwami bwa-Leza.” Ba-Galatia 5:19-21

Bwaamu

Kutasyomeka mucikwati cako

Busofwaazi

Cibi camalalani aanze acikwati

Zisusi zibi

Kufumbwa zintu zinonyona nyama

Kukomba mituni

Kukomba cintu citali Leza

Bulozi

Kubelesya nguzu zyakumuuya zya saatani

Inkondo

Kutamwana

Bulwani

Kukazyanya

Lukazyanyo

Kukazyanya kutakwe mpindu mulimo yankondo

Insulamo

Kuliyanda

Mipampo mipampo

Kupampana

Impilingano

Kwaandaanya bantu kuzwa kulusyomo

Ibbivwe

Inkolwi

Kuzumizya bukoko kukweendelezya

Injalalando

Budakwa

Azili boobo

Kufumbwa cintu cimwi cikonzya kukugwisya kuli Leza

CIZIBYO CIPATI:

Kufumbwa mulimo ulembedwe ulalwana munyama yako acindi ncoonya eci, milimo Yanyama ilalibonya ciindi nyama neyikweendelezya. Milimo yanyama ilajanwa mubuumi bwako nkaambo ucijisi mubili wenyama. Nkekako kaambo milimo yanyama iyolibonya ciindi nozumizya nyama yako kukweendelezya.

INO MBOOBUTI MBONDIKONZYA KUZULIZIGWA AMUUYA?

A. Uzuzigwa amuuya wa-Leza nozuzigwa ajwi Iya-Leza.

Nokozyanisa tulembo tulaansi, ulajana kuti kuzumizya ijwi Iya-Kristo kukalilila muli nduwe akuzuzigwa amuuya zijisi mamanino akonzyanya mubuumi bwako. Uyakuzuzigwa amuuya ciindi miyeeyo yako amoyo nezisalazigwa ajwi Iya-Leza.

“Mutakolwi bukoko buleta budakwi, pele amuzule Muuya; Amulayane Iyoonse antembauzyo anyimbo zya-Leza amalelebu, akuya bwiimba akutembaula Mwami mummyo yanu.” - Ba-Efeso 5:18-19

“Makani aa-Kristo abe mbuli buvubi bukallilila mummyo yanu. Amwiisyanye akucenjezyanya cabusongo bunji antembauzyo anyimbo zya-Leza amalelebu, akuya bwiimba Iyoonse cakulumba Leza mummyo yanu.” - Ba-Kolose 3:16

B. Uzuzigwa amuuya wa-Leza ciindi nomuzumizya kuti akweendeleze.

Kuzuzigwa amuuya cintu cakukomena kumuuya mubuumi boonse ciyanda busicamba akwiindilizya. Nokomena mukuswiilila jwi Iya-Leza, Muuya Usalala uleendelezya miyeeyo, micito akuyanda kwako.

“Lino nituponena Muuya, inzila njitweendela ayalo ibe ya-Muuya.” - Ba-Galatia 5:25

CIZIBYO CIPATI

Eno waziba kuti ujisi bube bobile bukukalilide mukati. Bube bwako bwakale ni nyama, bubisiy Abwakalengwa kucinkozya ca Adamu. Bube obo bupandululwa kuba nyama mumangwalo na Muntu wakale. Bube bwako bupya mbwaku muuya, bululeme, bulengulidwe mucinkozya ca-Leza. Bube obo bupandululwa kuti “muntu mupya” mumangwalo.

Ba-Efeso 4:22-24

Bube obo bobile bulikukalilide mukati kaako aaciindi comwe. Eno ujisi kusala kwabuzuba abuzuba Kwakutobela nyama na muuya. ulelede kusala bube mbotitobele. Kusala kutobela nyama kulalete Cisubulo, alimwi kusala kutobela muuya kulaleta zileleko.

Ba-Galatia 5:16-17; 6:7-9

MUBANDI:

Sena upona buumi buzulide amuuya?

Ino ciindi ncojisi mujwi Iya-Leza cigwasilizya buti kuzuzigwa kwako amuuya wa-Leza?

Mboobuli bube mbosala kanji kutobela? Nkaambo nzi?

MIBUZYO NJOOKONZYA KUBUZYA

A. Sena ndileede kukomba akukumbila Leza kuti andipe muuya usalala mubunji?

Pe. Wakabikwa cizibyo ca muuya usalala aciindi calufutuko lwako. Weelede buyo kuzuzigwa amuuya usalala ngojisi kale mukati kako.

Kuzuzigwa amuuya caamba kuti Leza weendelezya buumi bwako kwiinda mumuuya usalala. Kuzulizigwa amuuya takuli kwaamba kuti utambula muuya umbi, pele, kwaamba kuti muuya ubweza nguzu zyakukweendelezya. Kuzula amuuya taacili cakukutola kukulimvwa kabotu mumubili na kumuuya, pele cikutola kukubandika ijwi Iya-Leza.

Ba-Efeso 1:13-14; Ba-Roma 8:1-2

B. Sena uyakundisiya muuya usalala nda bisya?

Pe. Wakapegwa citondezyo ca muuya usalala kusikila buzuba obo nooyoonjila kubuusu bwa-Leza. Muuya Usalala nceciyomezya ca Leza acizibyo cakuti wakafutulwa akuti uyakuba mwaanakwe mane kutamani.

Ba-Efeso 4:30

C. Sena Muuya Usalala ninguzu zyakumuuya, na ngwacibela cabu-Leza?

Bbaibele lituiisya kuti muuya usalala ngo muntu watatu mubu-Leza. Ulakozyanya aa-Taata a-Mwaana. Muuya Usalala uleelede kuswiililwa nasolweda musyomi akumupa malailile.

Ncito 5:3-4; 10:19-21; 13:1-4; 16:6-10

KWIINDULUKA AKWAAMBAULA

1. Ino nkookuli nkookala muuya usalala? Lemba tuncali totatwe tugwasilizya bwiinguzi bwako.

2. Ndelili muuya Usalala noouza mubuumi bwa musyomi?

3. Lemba zikozyanyo zyoone zitondezya mulimo wa-muuya usalala mukati kako.

4. Ndwabuti lwiindano akati kakuba amulandu akupegwa mulandu

5. Ino cipandulula nzi kuzuzigwa amuuya?

6. kopandulula mumabala ako lwiindano akati ka bube bwako bobile.

7. Nintaamu nzi yamakanze aciiyo eci, alimwi cakuiisya nzi?

KUBALA BBAIBELE KWACIGAMININA

Kobala tuncali tutobela alimwi ulembe mazina aiindene apedwe Muuya Usalala.

Johane 14:16

Ncito 5:32

Ba-Galatia 4:6

Johane 14:17

Ba-Roma 8:2

Ba-Roma 8:9

Kobala tuncali tutobela alimwi ulembe cakacitika muntu nakamana kuzuzigwa amuuya usalala.

Luka 1:41-42

Luka 1:67-68

Ncito 2:4

Ncito 4:8

Ncito 4:31

Ncito 13:9-10

Kweendelana atulembo otu, ngaali mamanino azizilwe muntu azuzigwa amuuya usalala?

Cinzi ncokonzya kuiiya kuzwa mu Ba-Roma 8:8-10 acilongwe cako canyama amuuya

Ino Ba-Galatia 3:1-3 ikuiisya nzi mbuli mbokonzya kusungwaala kukomena mucilongwe cako aa-Leza.

INJISYO

LYA- BBAIBBELE

IJWI LYA-LEZA

Buna Kristo buliindene akaambo kakubelesya nguzu zilembedwe zizwa kuli-Leza. Ijwi lya-Leza ndiyandisi kukukomena kwako akuluzibo lwa-Jesu Kristo. Bbaibbele litubikila citondezyo eco nceetweelede kukozyanisya buumi bwesu. Mumapepa ayo, tubona Leza mbweendelezuya nkani zyamauumi esu munzila yoonse.

Ntaamu yabala lyaciiyo eci:

Talweeli

Ntaamu yamubuzyo wiingulwa muciiyo eci:

Sena sunu ndijisi ijwi lya-Leza?

Ino bbaibele njiyandisi buti mubuumi bwangu?

Ntaamu yamakanze aciiyo eci:

Kukupandulwida ziiyo zyamu bbaibele, akuiya mbolikozyanisya bupone bwamazuba oonse abuumi bwako mbuli cisololelo cakweenda kwako aa-Jesu Kristo.

Ntaamu mpati yaciiyo eci:

Zintu zyoonse zicitika mubuumi bwako, zyakunyama nanka zyaku muuya, zyeede kubetekwa acitondezyo citaalilwi ca jwi lya-Leza. Bbaibele nenguzu zyamamanino mubuumi bwako mbuli musyomi.

TUPETO TWAKUBIKA MUMUTWE:

“Nkaambo teensi luyando lwamuntu lwakaleta businsimi kalekale, pe, pele bantu ba-Leza bakaamba mbobakasungulwa Muuya wa-Leza.”- 2 Petro 1:21

“Mangwalo aya oonse akazwa kuli-Leza, alikondede kukufundisya akukulaya, akukuolola akukupandulula makani aabululami, kuti muna-Leza alibambe, azulile kukumana milimo mibotu yoonse.”- 2 Timoteo 3:16-17

KUSWIILISYA BWAMI BWAJWI LYA-LEZA

Bbaibbele lyakalembwa bwiindene.

- Bbaibbele Ijisi mabbuku ali 66. 39 ngacizuminano cakale, alimwi 27 ngacizuminano cipya.
- Bbaibbele lyakalembwa abamaalumi basika ku 40 mumilaka yotatwe kuciindi cisika kumyaka 2000.
- Bbaibbele lilaakasimpe mumakani oonse akale, amubusinsimi alimwi amakani oonse abuumi.
- Bbaibbele talilikazyi pe.
- Bbaibbele lilazuminana zyoonse, mbuli kuti lyakalembwa amuntu omwe, nkaambo Muuya Usalala ngomulembi wama bbuku oonse ali 66

A. Bbaibbele majwi akazwa kuli-Leza.

Muuya wa-Leza wakasungula bantu ba-Leza kulemba ijwi lya-Leza. Leza wakayubununa ijwi lyakwe, alimwi bantu bakalilemba.

2 Timoteo 3:16-17; 2 Petro 1:20-21

B. Bbaibbele majwi aa-Leza ataailwi.

Leza ulalijata mwini kukasimpe ka jwi lyakwe. Ijwi lyoonse lyamu Bbaibbele lililondolokede, alimwi tamukwe kulubizya mukati kayo.

Tusimpi 22:20-21

C. Bbaibbele nijwi lya-Leza limaninide.

Tulaceenjizyegwa kutayuungizizya nakucinca kujwi lya-Leza lyakzwa kuli-Leza, lilondolokede, alibambidwe. Ijwi lya-Leza lilimaninide; taakwe buyubunuzi bupya buzwa kuli-Leza anze aBbaibbele.

Tusimpi 30:5-6

D. Bbaibbele majwi aa-Leza akayobolwa.

Ijwi lya-Leza talimani. Wakasyomezya kuyobola jwi lilondolokede muciiindi coonse alimwi amazyalani oonse. Inga waba abwini kuti ulakonzya kujana ijwi lilondolokede lyakazwa kuli-Leza sunu.

Matayo 5:18

MUBANDI:

Sena ulasyoma kuti ciindululo cako cajwi Iya-Leza cililondolokede akuti tamukwe kulubizya:

NTAAMU MPATI YACIIYO ECI!

Leza wakayobola ijwi Iyakwe kumakanze akukupona malailile mukupona kwakuzunda. Bbaibbele nenguzu zimaninide zamu buumi bwako mbuli musyomi. Ikasimpe kajwi Iya-Leza kapati kwiinda zintu zyoonse zikucitikila.

“Mutabeteki aciimo, pele amubeteke cakululama.” - Johane 7:24

Cikozyanyo:

Mu **2 Petro 1:16-21**, apostolo Petro wakazumizya ijwi Iya-Leza kuti ibe nguzu zyamamanino zyakwe ciindi nakakozyanisya azintu nzyaakabona adundu lisalala a-Jesu mu **Matayo 17:1-9**.

Petro waalikukozyanisya kubona nkwakabona bulemu bwa-Jesu akumvwa ijwi Iya-Leza kuzwa kujulu. Petro wakaswiilisya kuti mbasyomi balijisi nguzu zisyomeka mujwi Iya-Leza lilembedwe kwiinda mujwi Iya-Leza limvwika. Magolelo akwe ali akuti zintu zyoonse zicitika, zyakumuuya nanka zyakunyama, mumauumi esu zileelede kubetekwa ajwi Iya-Leza litaalilwi.

KUZIBISISYA MULIMO WAJWI LYA-LEZA

A. Ijwi Iya-Leza liaanguzu zyakukufutula.

1. Bbaibele Iyaamba kuti ijwi Iya-Leza lilakonzya kufutula myuuya yenu. Kutakwe ijwi Iya-Leza, muntu tajisi ciindi cakufulwa.

Jakobo 1:21; 2 Timoteo 3:15

2. Tulizi makani mabotu nkaambo Bbaibbele lilaayubununa. Jesu wakafwa, wakazikwa, alimwi wakabuka kuzwa kubafu alimwi kweendelana amangwalo. Weelede kumvwa akusyoma ncelyaambaa Bbaibbele acibi cako, mukusweeka kwako, alimwi amakanze a-Leza alufutuko lwako kuti ukakonzye kufutulwa.

Ba-Roma 10:17; Ba-Efeso 1:13.

3. Makanze a-Leza alufutuko akatalikila naakatuma ijwi Iyakwe kuti muntu akakonzye kufutuka. Mpawo, ujisi mulimo wakwaaba ijwi Iya-Leza abamwi kuti abalo bakakonzye kufutuka.

Matayo 28:18-20; Ba-Roma 10:13-15

B. Ijwi Iya-Leza nenguzu zyakukweendelezya.

1. Iluzibo lwesu talukonzyi kuzibisisya zintu zya-Leza. Leza wakatupa muuya wa-Leza kuti tukakonzye kuziba akuzibisisya ijwi Iyakwe. Boonse basyomi bakalilwa mukati kabo aMuuys Uusalala, alimwi balakonzya kuiya Bbaibbele.

Johane 16:13; 1 Ba-Korinto 2:9-14

2. Notalika kwiiya akuzibisisya Bbaibbele, uyakuzulila kukupanga kusala kwamu Bbaibbele akumuuya mu buumi bwako. Ijwi Iya-Leza lilakweendelezya akukupa miyeeyo ya-Kristo muzintu zyoonse mubuumi bwako.

1 Ba-Korinto 2:15-16; Intembauzyo 119:105

C. Ijwi Iya-Leza lilaanguzu zyakukukomezya.

1. Ijwi Iya-Leza lilakusandula nelikusalazya kutalikila mukati kuza anze.

Johane 15:3; Intembauzyo 119:9-11

2. Ijwi Iya-Leza lilakugwasya kuzunda basinkondo bako bakumuuya nolibelesya mumatepaulo ako.

Luka 4:1-13

3. Ijwi Iya-Leza lilakusitikizya kukubelekela Leza akupona mubwini bwalyo.

“Mangwalo aya oonse akazwa kuli-Leza, alikondede kukufundisya akukulaya, akukuolola akukupandulula amakani aabululami, kuti muna-Leza alibambe, azulile kukumana milimo mibotu yoonse.”- 2 Timoteo 3:16-17

- a. **Kukufundisya**- bbaibele likuiisya cabwini
- b. **Kukulaya**- bbaibele liyubununa zibeela mubuumi bwako zitali kabotu.
- c. **Kukuolola**- bbaibele lileendelezya bulangizi bwako ku cintu cilikabotu
- d. **Kukupandulula makani abululami**- Bbaibbele likuiisya kupona bubotu

MUBANDI:

Tuncali nzi twamu Bbaibbele ntwakabelesya Leza kuyubununa buyandisi bwalufutuko lwako?

Sena inga wakonzya kwaabana mukozyanyo mbuli kubala akusungwala kwako kwa ijwi Iya-Leza mbokwakakugwasya kuba akusala kupati kwamu buumi bwako?

Ino buumi bwako bwakacinca buti kuzwa ciindi nuwakazumizya ijwi Iya-Leza kuti libe nguzu zyamamanino zyako?

KUTAZIBISISYA KUMWI AMAKANI AAJWI LYA-LEZA

A. Sena ciyandisi kubelesya Bbaibbele ciindi noabana lusyomo lwako?

Eei. Bantu baleelede kumvwa ijwi lya-Leza kuti bafutuke.

1 Petro 1:23; Ba-Roma 10:17

B. Sena muntu inga wazibisisya Bbaibbele katabelesyi zintu zaanze?

Eei. Cintu cipat caamba amakani aBbaibbele ndibbaibbele lini. lizulide atulembo tulipandulula akukozyanisya mukati kamapepa ayo.

Isaya 28:9-10

C. Sena kubala Bbaibbele ncobeni inga kwacinca muntu?

Eei. Weelede kubala Bbaibbele kutali kwaambilwa buyo, pele kuti usanduke kwiinda mukasimpe ka jwi lya-Leza. Kasimpe ka Bbaibbele kalakusalazya kuzwa mukati kuza anze, alimwi likupa luzunda acibi camubuumi bwako

Johane 17:17; Johane 8:32

MIBUZYO IMWI NJOOKONZYA KUNOBUZYA

A. Mpaali mpondeelede kutalika kubala?

Weelede kutalika kubika ciindi cako mujwi lya-Leza kwiinda kukulangisisya tulembo oto tubeleka acilongwe cako auso wakujulu.

1. Makani mabotu aa-Johane akalembwa kuti ukakonzya kusyoma muli-Jesu Kristo

Johane 20:31

2. Magwalo ngakalemba apostolo Paulo alangisisya mbuli bwakubelekela Leza kwiinda mumilimo yabungano.

Ba-Roma – Filimona

3. Bbuku lya-Tusimpi lilakupa busongo abulangizi bwamubuumi.

Tusimpi 1:7

B. Mboobuti mbondikonzya aciindi cuumwide.

Ciyandisi kuswiilila kuti uswaangana aa-Leza, takuli kubala buyo Bbaibbele. Uyakwaambaula anduwe kwiinda mujwi lyakwe lilembedwe, alimwi waambaule awalo kwiinda mumupailo wako. Leza uyanda kuti uzibe akuzibisisya ijwi lyakwe ncelikwaambila. Nobala Bbaibbele, buzya mibuzya mitete..... kalemba aka kaamba nzi? Ino Leza undiisya nzi mukalembo aka? Wamanakubala Bbaibbele, kumbila Leza kuti akusololele akukupa busongo mbuli mbokonzya kubelesya kasimpe kalyo mubuumi bwako

Tusimpi 2:1-6

Noiiya Bbaibbele, kuyanda Leza kwako ajwi lyakwe kuyokomena. Uyakubonya luyando lwako kuli-Leza notaba kwiinda mukusyoma ncelyaamba Bbaibbele, akupona mukasimpe kalyo.

Johane 14:15; 1 Ba-Tesalonika 2:13; Jakobo 1:22-25**C. Ino nakuti ndajana cimwi cintu mu bbaibele ceenditaswiilisiyi?**

Uyakujana zintu zinji mu Bbaibbele zytotazibisisyi. Utakatyompwi pe. Lindila Leza kuti aciyubunune mucuindi cakwe. Cintu cipati cakupona eco ncotaswiilisiyi. Leza tayookupi ciinda mpokonzya. Notalika kucita zintu nzyoiya, Leza uyakukusyoma akukupa zimwi. Muuya wa-Leza alike uyakukusololela mu bwini boonse nokozyanisya mangwalo amangwalo

Johane 16:12-15**D. Sena inga ndasyoma kasimpe anguzu zyajwi lya-Leza?**

Kuli bulangisi bobile bwiindene bwa Bbaibbele akati kabasyomi sunu. Abo balanga mangwalo alusyomo basyoma kuti ijwi lya-Leza lililondolokede, lyakazwa kuli-Leza, lilimaninide alimwi lyakayobolwa. Basyoma kuti Leza inga wayobola ijwi lyakwe lilondolokede mumilaka iindene. Aboobo, abo balangisiya ba Bbaibbele amakanze akujana bulubizi basyoma kuti ijwi lya-Leza inga yaba abulubizi elyo liyandikana kubambwa abantu basyabupampu.

Kubija nkwakuti, bulagisi bwamangwalo amakanze akujana bulubizi bwakaleta mapyopyongano akati kabana-Krsito, alimwi cakatola banji kuleka kusyoma kasimpe anguzu zyajwi lya-Leza. Cakaleta kuti kulembwe maBbaibbele amwi amizezo amilaka iindene.

Ciyandisi kuli nduwe kuti ube abulangisi bwa mangwalo alusyomo, alimwi akuziba kuti inga wasyoma kasimpe amunguzu zyajwi lya-Leza elyo lijanika mumulaka wako. Nakuti kuli maBbaibbele alembedwe bwiindene ngojana, buzya sikuiisya wako kuti akugwasye kujana Bbaibbele lilembedwe munzila yabulangisi bwalusyomo amangwalo, wiibesye mbuli ciindululo cako cajwi lya-Leza. **Matayo 5:18**

KWIINDULUKA KWAAMBALULA

1. Lemba twaambo tone nkaambo nzi inga waziba kuti Bbaibbele lilasyomeka mutwaambo toonse.

- a. _____
- b. _____
- c. _____
- d. _____

2. Notalika kuiya akuzibisiisya Bbaibbele, uyakusitikizigwa kukupanga kusala kweendelana aBbaibbele amuuya mubuumi bwako. Kusala nzi nkocisyoma Leza kuti akusololele munsondo ino?

3. Kweendelana a 1 Ba-Korinto 2:9-16, nkaambo nzi tacikonzyikani bantu basweekede kuzibisiisya nceliisya ijwi Iya-Leza?

4. Lemba nzila zyoone ezyo ijwi Iya-Leza moliyakusandula buumi bwako. Kopa mangwalo abwiinguzi boonse.

- a. _____
- b. _____
- c. _____
- d. _____

5. Kweendelana a 2 Timoteo 3:16-17, zintu nzi zyoone mangwalo ncaapa kusitikizya musyomi mumulimo?

- a. _____
- b. _____
- c. _____
- d. _____

6. Ntaamu nzi yamakanze aciiyo eci, alimwi cakuiisya nzi?

UBALA BBAIBBELE KWACIGAMININA

Bala tupeto tutobela alimwi ulembe zyakulya zynosu muumwi zyaambwa mumangwalo ezyo zibelesyegwa kwaamba ijwi Iya-Leza.

1 Petro 2:2

Luka 4:4

Intembauzyo 119:103; Tusimpi 16:24

Ba-Efeso 5:26; Isaya 55:10-11

Tusimpi 7:2; 25:11

1 Ba-Korinto 3:1-2; Ba-Hebrayo 5:12-14

Bala Intembauzyo 19:7-11 aa Ba-Hebrayo 4:12-13. Sala komwe atulembo otu alimwi upange kalembo kabube bwajwi Iya-Leza oto ntotijane.

Bala Intembauzyo 1 alimwi ukozyanisye cilongwe cako aajwi Iya-Leza mboli jata buumi bwako.

Ciyandisi kuti ube aciindi cako cakuswaangana a-Leza kwiinda mujwi Iyakwe. Mpaali mpobala Bbaibbele mpoonya awo? Lemba kasimpe nkakubonya Leza kuzwa mukalembo ako? Mboobuti mbozona mukasimpe ako mubuumi bwako sunu?

INJISYO

LYA- BBAIBBELE

MUPAILO

Cilongwe cako cigaminina amwami Jesu Kristo tacikonzya kukomemena kakutatwe kwaambaula kweelede. Ijwi lya-Leza amupailo nzeezintu zyobila zyakukonzya kupona kumuuya kwamuna-Kristo. Leza waambaula anduwe ciindi nobala bbaibele lyako, alimwi waambaula awalo kwiinda mukupaila. Cilongwe cako a-Leza cilaanguzu kweendelana abulangizi bwako kumu pailo.

Ntaamu yabala lyaciiyo eci:

KWAAMBAULA

Ntaamu yamubuzyo wiingulwa muciiyo eci:

Ino mupailo mupati buti mubuumi bwangu?

Ntaamu yamakanze aciiyo eci:

Kukuiisya mbokonzya kukomezya mupailo ubeleka mubuumi bwako.

Ntaamu mpati yaciiyo eci:

Mupailo kwaambaula kwamuyosmi kuzwa kumoyo a-Leza.

TUPETO TWAKUBIKA MUMUTWE:

“Eno coonse icili buti ncomuti kakumbile muzina lyangu ndiyooicita, kuti Taata akalumbaizigwe mu-Mwanaakwe. Kufumbwa ncomuyookumbila muzina lyangu ndiyoomucitila ncico.”- Johane 14:13-14

“Mutalibilikili cintu niciba comwe, pele muzintu zyoonse amupangike myoyo yanu kukukomba akukukombezezya cakulumba, kuti inkumbizyo zyanu zizibisigwe kuli-Leza, elyo luumuno lwa-Leza lwiinda miyeeyo yoonse yabantu luyooaminina myoyo yanu amiyeeyo yanu muli-Kristo Jesu.”- Filipi 4:6-7

INO MUPAILO CINZI?

NTAAMU MPATI YACIIYO ECI...

Kukomba kwaambaula kuzwa kumoyo kwamusyomi kuya kuli-Leza. Tulijiisi lusweneno lwakutayoowa kucuuno ca bwami ca-Leza kwiinda mucilongwe cesu a-Jesu Kristo.

“Mulinguwe mutujene kaanzambwene kakuswena afwiifwi cakuzyakamana, nkaambo tulasyoma nguwe.”- Ba-Efeso 3:12.

“Nkaambo kaako, atuswene cakutayoowa kucuuno caluzyalo, kuti tukatambule lweetelelo akujana luzyalo lutugwasya muciiindi ncotubula.”- Ba-Hebrayo 4:16

A. Kupaila ingakwaambwa ajwi limvika alimwi acakuumuna.

“Ndakwiilila nduwe, nkaambo uladityaba, O Leza koteya kutwi kwako, umvwe majwi aangu.”- Intembauzyo 17:6

“Nkaamba Hana wakali kwaamba mumoyo wakwe, milomo yakwe luzutu njiyakali kuputaputa, pele ijwi lyakwe teelyakali kumvwigwa pe, nkikaako Eli wakayeeya kuti wakolwa.”- 1 Samuele 1:13

B. Kupaila ingakwaambwa antaangalala alimwi abusisidwe.

“Naakamana kwaamba abo wakafugama amazwi, wakomba abo boonse.”- Ncito 20:36

“Webo ciindi ncokomba, njila mucimpetu cako, ulijalile kumulyango, ukombe kuli Uso uuli kumbali, lino Uso uubonena kumbali uzoekulumbula.”- Matayo 6:6

INO NKAAMBO NZI NDEELEDE KUPAILA?

Ikaambo kakukomba kalawizula. Banji basyomi balaaindwa zileleko ezyo Leza nzyakasyomezya nkaambo tabakali aciindi a-Leza mukupaila. Leza uyanda zyoonse zyamubuumi bwako, alimwi usyomezya kumvwa kukomba kwako kufumbwa bupati na buce mbozikonzya kuba nzyookombela.

A. Leza ulaitaba mipailo.

1. Weelede kuba alusinizyo ciindi nopaila, kozibide kuti Leza ulamvwa mupailo wako.

Intembauzyo 86:6-7; Intembauzyo 145:18-19

2. Weelede kusinizya ciindi nopaila, kuti Leza uyakutaba mupailo wako kweendelana akuyanda kwakwe.
Johane 14:13-14; 1 Johane 5:14-15

B. Mupailo uleta kucinca muli nduwe.

1. Mupailo uleta luumuno mukati kako amumiyeeyo.
Ba-Filipi 4:6-7
2. Mupailo ulakukozyanisiya akukuyanda kwa-Leza. Taalukozyanisiyi Leza kukuyanda kwako.
Matayo 26:36-39; Ba-Kolose 1:9
3. Mupailo ulacinca kubona kwazintu kwako akati kamapenzi.
2 Ba-Korinto

C. Mupailo ukuleta muni aa-Leza kuti alike akakonzye kubonya buzulizi bwakwe kuzintu nzyoyandisiya.

“Mubonya mbulubede lusyomo ndutujisi nkaambo ka-Kristo kumeso aa-Leza. Teensi kwaamba kuti swebo tulazulila kubeteka makani tubeni, pe, pele buzulizi bwesu buzwa kuli-Leza.” - 2 Ba-Korinto 3:4-5

1. Leza ulizi ncoyanda kotana akukumbila.
Matayo 6:8
2. Leza ulazumizya kuti buyandisi buze mubuumi bwako kuti akakuswenye muni awe.
Intembauzyo 50:15
3. Weelede kuziba kuti ujisi zintu zyooyanda mubuumi bwako. Cilayoosya kuli zibya kuti takwe ncoyanda.
Ciyubunuzyo 3:16-17

INO NKAAMBO NZI NKENDEELEDE KUPAILA?

- A. Leza uyanda kuti usungwaale kukwaambaulwa anguwe mumupailo.
Luka 18:1; 1 Ba-Tesalonika 5:17
- B. Leza uyanda kuti umupe kulumba muzintu zyoonse zicitika mubuumi bwako.
1 Ba-Tesalonika 5:18; Ba-Efeso 5:20

Wiiye kumikozyanyo minji mukati kamangwalo yabantu baalikujisi buumi bwamupailo busuungwede:

1. Nehemiya wakapaila mpoonya mpoonya ciindi nakaba acintu ncaalikuyanda.
Nehemiya 1:2; 2:4
2. Daniele wakasungwala kukupaila nekuba kuti kwakabikwa mulao wakukasya kupaila.
Daniele 6:4-10
3. Davida wakaiindilizya buumi bwamupailo ciindi coonse
Intembauzyo 5:3; 55:17

MBOBUTI MBONDEELEDE KUPAILA

- A. Toeedelede kwiinda muntu kufumbwa noyanda kwaambaula aa-Leza. Ujiisi lusweneno lwacigaminina aa-Leza.
1 Timoteo 2:5; Ba-Efeso 2:18
- B. Aambaula aa-Leza mbuli mweenzinyoko.
Johane 15:13-15; kulonga 33:11
- C. Taacili ca mu bbaibbele na tacyandikani kubelesya mupailo wakupilusizya.
Matayo 6:7
- D. Kopailila cintu ncoyandisya. Mipailo minji yabasyomi ilanyonyoka nkaamba baamba zintu alimwi ziteendelani abbaibele.
Ba-Filipi 4:6

MUBANDI:

Sena ulajana kuti mipailo yako cimwi ciindi ijiisi zintu zitayandiki alimwi umvwika kupilusigwa?

Cintu nzi ncosyomezya Leza mubuumi bwako?

CINZI NCOEELEDE KUPAILA?

Takukwe nzila izizilwe yakutobela ciindi nopaila. Aboobo, ijwi lya-Leza lilaamba akubonya nzila ziindene zyakupaila mu bbaibele lyoonse. Toyoobi aluswanano lwanguzu aa-Leza natokali cakucenjela akulipa ciindi awalo muzibela zyone zyakupaila.

“Kukusaanguna ndiyandisya kuti kucitilwe bantu boonse zikombyo ankumbilizyo ankombelezyo akulumba.”- 1 Timoteo 2:1

- A. Zikombyo-** eyi mipailo njeeyo yandunamino akukumbila kwakusinizya kuti Leza eende.
Intembauzyo 6:8-9; Jakobo 5:16

- B. Nkumbilizyo-** eyi mipailo njeeyo yakukumbilila bamwi.

Ba-Roma 15:30-32
- C. Nkombelezyo-** okukwaambaula aa-Leza oko kweendelana ajwi lyakwe.
Intembauzyo 145: 18:19

- D. Kulumba-** eyi njakubonya kulumbaizya kuli-Leza kumilimo yakwe mibotu.
Intembauzyo 100:4

KAZIBYO KAPATI:

Leza uyanda kuti ubone luswaanano lumaninide mumupailo. Basyomi banji basala kutapailo nkaambo tabasyomi kuti Leza ulayanda kubeleka mumauumi abo na muzintu zimwi zibacitikila. Ciindi basyomi nibakacilwa kupaila, balakacilwa kubona kutaba kwamipailo yabo. Leza ukupa mulazyo wakulanga abulangisi bwaku bona mbuli mbwacitabe mupailo wako usungwaala.

“Amujatisye kukomba, musungwaalile nkuko akulumba.”- Ba-Kolose 4:2

“Mupailo yesu yeelede kuba abukali akusuka anguzu ezyo zitakatali. Weelede kuba akusungwaala oko kutayoo kakilwi abusicamba obo butaalilwi. Muna-Kristo upaila uli mbuli sikalumamba utayoowi, nkondo mboiikomena, zicitwa zilaabusicamba kwiinda muciiindi cakatalika kwankondo.”- **Munene E.M. Bounds**

MUBANDI:

Ziindi nzyongai nzyopaila?

Sena ingawakonzya kwaabana cikozyanyo ca mbuli Leza mwakataba mupailo wako?

KWIINDULUKA AKWAAMBAULA

1. Lemba nzila zyaratwe mupaili mboukucinca?

2. Belesya mangwalo kukupandulula nkaambo nzi mupailo muyandisi kuli nduwe.

3. Nceecili ciindi ncibotu ca musyomi kupaila? Nkaambo nzi?

4. Cinzi ncetukonzya kuiya kutupeto tutobela mbuli mwakupaila?

1 Timoteo 2:5

Matayo 6:7

5. Lemba zibela zyone zipati zyamupailo alimwi ulembe tupeto tugwasilizya.

A. _____

B. _____

C. _____

D. _____

6. Nintaamu nzi yamakanze aciiyo eci, alimwi cakuiisya nzi?

KUBALA BBAIBELE KWACIGAMININA

Kopandulula mubala ako cinzi 1 Timoteo 2:1-2 nceeikuiisya kumakani amupailo.

Kobonya zilebyo zyamupailo zyaambwa mutulembo tutobela.

Intembauzyo 66:18; Isaya 59:1-2

Tusimpi 28:9

Matayo 6:14-15

1 Petro 3:7; Ba-Kolose 3:19

Jakobo 4:2

Jakobo 4:3

Tusimpi 21:13

Aamba mumabala ako cinzi Jesu caalikuiisya basiciiya bakwe amakani amupailo mu Matayo 6:9-13.

INJISYO

LYA- BBAIBBELE

CIKOMBELO

Leza ngowakatalika mukwasyi, mfulumende, acikombelo mbuli tubunga totatwe twaandene ano aansi. Kamwi akamwi kabunga kakasalwa mbweendelezi, zileleko, abutabilizi. Leza wakalailila cikombelo kucita makanze akwe mukutola kubasweekede akulondola bafutusizidwe. Ciyandisi kuswiilisywa kuti makanze a-Leza abuumi bwako alakonyeka kuzulizigwa nakuti waliswaanganya acikombelo.

Ntaamu ya bala muciiyo eci.

Kuyakana

Ntaamu ya mubuzyo wiingulwa muciiyo eci.

Ngaa buti makanze acikombelo?

Ntaamu ya makanze muciiyo eci.

Kupandulula bupati bwa cikombelo mumazuba oonse amusyomi

Ntaamu mpati yaciiyo eci.

Leza uyanda kuti cikombelo ciisye, kusitikizya, akuyaka bazumini ba-Leza mumulimo ya-Leza.

KANCALI TWAKUBIKA MUMUTWE:

“Nkabela bamwi wakabapa kuti babe baaposotolo, bamwi kuti babe basinsimi, bamwi kuti babe bakambausi Abamwi kuti babe beembeli nanka baiyi; kuti basitikizye bazumini, akoonda milimo ya-Leza, akuyaka Mubili wa-Kristo.”

- Ba-Efeso 4:11-12

“Lino nywebo muli mubili wa-Kristo, umwi aumwi akati kanu uli cizo cawo.”

- 1 Ba-Korinto 12:27

INO CINZI CIKOMBELO?

Ciyandisi kuswiilisa cikombelo mbucitabede...

1. Cikombelo tacili kabunga kabungana. Zikombelo zyaambwa mucizuminano cipya twali tubunga. Twa basyomi twalikubelekela antomwe
2. Cikombelo tacili ciyako. Mibili yesu ntotukombelo twa Leza, alimwi tukomba Leza mubwini Amumuuya.- **1 Ba-Korinto 6:19-20; Johane 4:24**
3. Cikombelo taacikonzya kubwezegwa busena. Kuli zintu zinji zibotu (cipeekupeku, akukaambauka. Kwaawyilesi; miswaangano, azmwi) ezyo basyomi nzebakonzya kubelesya kuzuzya kuyanda oko. Kukonzya buyo kuzuzigwa acikombelo kwiinda mu bbaibele. Mulimo wa-Leza mubuumi bwako. Ulazulizigwa kwiinda mucikombelo, alimwi taakwe ceelede kubweza busena bwaco mubuumi bwako.

- A. “Cikombelo” mubili wa-Kristo upangidwe abasyomi bakazyalululwa mumisyobo yoonse, alimwi kuciindi coonse koonse kujulu aans.

“Wakabamba kuti, casika buyo ciindi ceelede, mitwe yazintu zyoonse, niziba zintu zyamujulu niziba zintu zyaansi, ibikwe antoomwe muli-Kristo.”- Ba-Efeso 1:10

“...alimwi wakamubika kuti abe simutwe wazintu zyoonse kumbungani, njiyonya ngumubili wakwe, mbobuzule bwayooyo uuzula zintu zyoonse.”- Ba-Efeso 1:22-23

“Cikombelo” mubili ulibonya wa-Kristo aans upangidwe abasyomi bakazyalululwa akubbizigwa abo bakazumina kukomba akubelekela Leza antoomwe mubusena bomwe omo muli bweendelezi bweendelana a-bbaibbele.

“Ndiswe ba-Paulo a-Timoteo bazike ba-Kristo Jesu. Tulamujuzya nyoonse nubasalali bamuli-Kristo Jesu bali mu-Filipi, abasishopo aba-daikona.”- Ba-Filipi 1:1

“Ndime Paulo nendakasungulwa abukanze bwa-Leza kuba apostolo wa-Jesu Kristo, tuli a-Timoteo mukwesu, Tulamuuzya nywebo nobasalali abakwesu basyomi bamuli-Kristo nomuli ku-Kolose...”- Ba-Kolose 1:1-2

B. Leza wakasala zyuno zyobile kukupa bube abweendelezi mukati kacikombelo

1. **Cuuno cabweembeli na mukambausi.**

Mulimo wa-mukambausi ngwakulingula, kweendelezya, kwiisya akusanina cikombelo kweendelana abbaibbele. Uulelede kukwabilila cikombelo kunjisyo yabubeji kwiinda kukukambauka akuiisya kasimpe ka Leza. Uulelede kulipa kukukombela mubili wacikombelo.

IJWI LYA-LEZA LIKONZANISYA CIKOMBELO AMUBILI WA-MUNTU.

Musule kwakubuka kubafu akuyatanta mujulu, muuya uusalala (muuya wakwe) ukalilila mukati wakabweza busena bwa Jesu Kristo aansi, ijwi lya-Leza limaninide acikombelo (mubili wakwe).

Muuya Uusalala ulakusoololela mujwi lya-Leza kukugwasya kuzuzikizya mulimo wako mucikombelo

- Cizo cimwi acimwi cijis mulimo wiindene

“Awalo mubili teensi cizo comwe pele nzinji. Na cino caamba kuti, Mbwintali ijanza, nsili wamubili Lino sa tacili camubili ncobeni? Akwalo kutwi, na kwaamba kuti, Mbwintali liso, nsili wamubili, lino Sa takuli kwamubili ncobeni? Mubili woonse waakali Iso, ino kununkuzya nikwakanunkuzika buti? Anukuti Leza wakabika zizo zyoonse mumubili, cimwi acimwi, mbuli mbwaakayanda. Zyoonse nizaakuli

Cizo comwe buyo, ino niwaakuli buti mubili? Anukuti zizo nzinji, nekubaboobo mubili ngumwi buyo.”

1 Ba-Korinto 12:14-20

- Taakwe cizo comwe cibeleva acilike

“Lino liso talikonzyi kwaambila ijanza kuti, Nsikuyandi. Awalo mutwe tokonzyi kwaambila mauulu kuti, Nsikuyandi.”- 1 Korinto 12:21

Zilainda kupegwa bulemu, anukuti zizo zyesu zyeebeka zilibujisi kale. Leza nguwakalunganya

mubili, nkabela zizo ezyo zitakwe bulemu , nzizyonya nzyzzkalemeka cakwiinda.”- 1 Ba-Korinto 12:22-24

IJWI LYA-LEZA LIKONZYANISYA CIKOMBELO AMUBILI WA-MUNTU.

- Kugwasilizya koonse kwa cizo kuyandisi

“Pele ncobeni ezyo zizzo zyamubili nzituyeeya kuti zilikompe, azyalo zilayandika. Azyalo zizo ezyo zyamubili nzituyeeya kuti tazilemekeki, nzizyonya nzituinda kusamika cabulemu. Aboobo zizo zyesu zilainda kupegwa bulemu, anukuti zizo zyesu zyeebeka zilibujisi kale. Leza nguwakalunganya mubili, nkabela zizo ezyo zitakwe bulemu, nzizyonya nzyzzkalemeka cakwiinda.” - 1 Ba-Korinto 12:22-24

- Mubili ubeleka kabotu ulabeleka muluumuno

“Kuti kutabi mipampo kumubili pele kuti zizo zyoonse zigwasyanye. Lino kuti caciswa cizo cimwi, zilaciswa Zizonyina zyoonse azyalo. Alimwi kuti cizo cimwi calemekwa, zizonyina zyoonse zilakondwa aco. Lino nywebo

Muli mubili wa-Kristo, umwi aumwi akati kanu uli cizo cawo.” - 1 Ba-Korinto 12:25-27

MAKANZE NZI ACIKOMBELO?

NTAAMU MPATI YA CIIYO ECI!

Cikombelo nkekabunga akalike kakasalwa a-Leza kuzuzikizya butume bupati. Leza uyanda kuti cikombelo ciiseye, kusitikizya, akuyaka bazumini ba-Leza mumulimo ya-Leza akupa busena mbokonzya kuziba makanze a-Leza mubuumi bwako. Makanze a-Leza mubuumi bwako akonzya buyo kuzulizigwa ciindi noliswaanganya acikombelo

- A. Cikombelo cikupa busena bwakukugwasya kukomena muntaamu zyoatatwe zyakukomena kwaku muuya.

“Kuti basitikizye bazumini, akoonda milimo ya-Leza, akuyaka mubili wa-Kristo.”

- Ba-Efeso 4:12

1. Kobasikuiya nozulila mujwi lya-Leza.

Kuli ciindi cakulangilila acakuiya nositikizigwa. Kuyandisya kwakusanguna kwako kweelede kuba kwakulipa kunjisyo yajwi lya-Leza akuiya kuba oyo Leza ngwayanda kuti ube,

Matayo 11:28-30

2. Kobasimilimo nojanika mububelesi bwa milimo ya-Leza.

Nokomena mucilongwe cako a-Kristo, kuyakuba ciindi nooyootalika kubeleka mumilimo ya-Leza yakatalikwa kale mucikombelo.

Matayo 4:19; Jakobo 1:22-25

3. Weelede kuba mweendelezi ciindi noyakwa mukati kamubili wa-Kristo.

Neekwiindilizya kukomena kwako kwaku muuya, weelede kusika aciimo awo mpokonzya kuiisya bamwi mbubonya mbobakakuiisya bamwi.

2 Timoteo 2:2

CIZIBYO CIPATI:

Ezi ntaamu zytatwe inga zyakozyanisigwa antaamu zyakunyama camwana, camwanike, acabapati Zyakukomena. Nzila yakukomena kwaku muuya itoola ciind, aboobo, ciyandisi kuba acamba. Nokomena, ukakalilila mukusyomeka kukabunga kacikombelo nakatalika Leza

- B. Cikombelo cikugwasilizya kukukozyanisigwa acinkozya ca-Kristo

“Mane do toonse tube abujatane bomwe bwabuzumini abwaluzibo lwa-Mwana a-Leza, tube abuntu bulondokede abwiime buzulide bwa-Kristo.”- Ba-Efeso 4:13

- C. Cikombelo cikupa bukwabilizi bwa njisyo isalala.

“Tutacibi bacete kukupepaulwa koonse koonse akupupululwa amyuuwo yanjiisyo zyamisyobo misyobo iizwa kukweena-ena kwabantu bapyungi bajisi mucenjela aakucita bubeji.”- Ba-Efeso 4:14

- D. Cikombelo cikugwasya kujana akuzuzikizya mulimo wako mukati kamubili wa-Kristo.

“Tuleelede kujatisya lusinizyo cakuyandana, aboobo tulakonzya kukula muziyanza zyoonse akujatana ayooyo uuli mutwe wesu, nkukuti Kristo. Kungsi kulinguwe mubili woonse mbuulungene akujatana mungo zyoonse nzyubambilidwe, kubeleka kweelede kwacizo cimwi acimwi kulagwasya mubili kuti ukale akuliyaka muluyando.”

- Ba-Efeso 4:15-16

MUBANDI:

Ciiyo eci casandula buti kuswiilizya kwako kwacikombelo?

Ukonzya kwaamba kuti ulaacimo cili mukukomena kwako kwaku muuya?

Mulimo nzi ngosyoma kuti ngwako mucikombelo?

MBOBUTI MBOKONZYA KUJANA CIKOMBELO CIBOTU

Kuyakuba ciindi mubuumi bwako Leza nayookweendelezya kucikombelo cimwi kuyoozuzikizya makanze akwe. Ciyandisi kulinduwe kuti ujane cikombelo cibotu omo moyoobelekela Mwami. Yeeya, makanze a-Leza ciindi coonse ayakuba kuti ulijatisye acikombelo. Taayookugwisyi mucikombelo akukutola kubusena kutakwe cikombelo.

Bantu banji basala cikombelo kweendelana azintu zyaanze zibonwa mbuli busena, mayake acikombelo, myimbo ngebaimba, na zintu zicitwa mucikombelo eco. Aboobo, ciyandisi kuti ukalangisisye ibube bwaku muuya mucikombelo eco, akukozyanisya abube bwamu bbaibele mbuli cikombelo cibotu mboceeleda kuba. Ciyandisi kubasicamba akusyoma Leza kuti akweendelezye.

A. Kweendelana a Ncito 2:41-47, cikombelo cakale calikulangisisya ali ezi....

1. Kubamba milao yobile yacikombelo
 - A. Lubizyo - *"Mpoonya abo abakatambula makani aakwe bakabapatizigwa:"* - vs. 41
 - B. Mulalilo wa-Mwami- *"...amukukomona mukamu..."* - vs. 42
2. Kwiisya ijwi lya-Leza – vs. 42
3. Mukuswaanana abasyomi bamwi – vs. 42
4. Kukomba amwi – vs. 42
5. kuposolola luzyalo anguzu zya-Leza – vs. 43
6. Kulangana kuyanda kwabamwi – vs. 44-45
7. Kuba abuposoloji bubotu kuli bamwi - vs. 47
8. Kulemeka akulumbaizya Leza - vs. 47
9. Kweeta basweekede kulufutuko lwa Jesu Kristo – vs. 47

B. Mibuzyo itobela ilakugwasya kubona nakuti kuli buzibyo bwa mu bbaibele bubonya mbuli cikombelo cacino ciindi mboceeledede kuba.

1. Sena twaambo tupati twakubonya akwaamba makani mabotu a-Jesu Kristo?

Matayo 7:20; Ncito 2:47

2. Sena cikombelo ciisya kuti lufutuko cipo buyo eco ncootakonzyi kubelekela kwiinda mubupaizi na mukucita milimo mibotu?

Ba-Efeso 2:8-9

3. Sena bweendelezi bwa cikombelo bulasyoma akuiisya kuti bbaibele nde jwi lya-Leza akusololela buumi bwako cakusitikizya,

Tito 1:9

4. Sena cikombelo cilatuma akugwasilizya batumwa?

Ncito 13:1-13

5. Sena mbungano abeendelezi balalailila bantu kubala akuiiya bbaibele cigaminina?

Ncito 17:10-12

6. Sena ncobeni bantu balasanina bantu bamwi, abasimilimo ya-Leza koonse kuzintu zyaku muuya azyaku nyama?

Ba-Galatia 6:10

7. Sena cikombelo cilacita Lubbizyo lwabasyomi?

Ncito 8:10

KWIINDULUKA AKWAAMBAULA

1. Ndziindano nzi akati kacikombelo amayake acikombelo?

2. Cikombelo cilakozyanisigwa amubili we-muntu mu 1 Ba-Korinto 12:14-27. Lemba nzila zyoone mubili we-Muntu mpookozyanisigwa amubili wacikombelo mboweelede kubeleka.

a) _____

b) _____

c) _____

d) _____

3. Cibela nzi amulimo wa-Leza ngosyoma kuti Leza ngwakakukanzila mucikombelo

4. Nzezili ziimo zgotatwe zyakukomena kumuuya zyooeelede kukomena mucikombelo cako?

a. _____

b. _____

c. _____

5. Lemba zyelelo zimwi ezyo nzyaelede kulanga muna-kristo ciindi nayandaula cikombelo

a. _____

b. _____

c. _____

d. _____

6. Ntaamu nzi ya makanze aciiyo eci, alimwi cakuiisya nzi?

KUBALA BBAIBELE KWACIGAMININA

Mbaani bamakambausi aba daicona mucikombelo cako? Kopandulula mamajwi ako nceituiisya 1 Petro 5:1-4 a-Hebrayo 13:17 amakani acilongwe cesu abama kambausi besu.

Kobala Hebrayo 10:24-25. Aka kalembo katuiisya kuti ciyandisi basizizo ba cikombelo kubungana ciindi coonse. Kweendelana akalembo aka, cinzi cikwiinda ciindi notasyomeki kukuswaangana kwamubungano? Sena kuli cintu mubuumi bwako ncoosala kupa buyandisi kwiinda kubungana kwacikombelo cako?

Twaiiya mu Ba-Korinto 12:14-27 kuti cikombelo cilakozyanisigwa amubili we-muntu. Kobala tulembo tutobela alimwi ulembe zimwi zikonzyanisyo zizwa mu bbaibele ezyo zikozyanya acikombelo.

1. Ncito 20:28; Johane 10:1-18; 1 Petro 5:1-4

2. Ba-Efeso 2:19-22

3. Ba-Efeso 5:25-32; 2Ba-Korinto 11:1-3

INJISYO

IYA- RRAIRRFI F

CAKUCITA A CIBI

Antela nkondo mpati yamusyomi ninkondo njiujiisi a cibi. Akakasimpe takayolibonyi mumuna kristo muvwanda, pele nakomena muli-Kristo, uyaakuziba buzwide bupati bwankondo eyi.

Ntaamu yabala muciiyo eci:

Kuzunda

Ntaamu ya mubuzyo wiingulwa muciiyo eci:

Mboobuti mboondikonzya kuzunda cibi mubuumi bwangu?

Ntaamu yamakanze aciiyo eci:

Kukugwasya kwiiya mbuli mwakuzunda bube bwacibi, akweenda mumuuya wa-Leza mbuli mbwayanda.

Ntaamu mpati yaciiyo eci:

Nakuti bwini ujiisi buusu buzwa kuli-Leza kujatikizya cibi cako, kweempwa kulasika mpoonya mpoonya.

TUNCALI TWAKUBIKA MUMUTWE:

“Mbubonya obo anywebo amuliyeeeye mbuli bafwididwe zibi, pele baumi kuli-Leza muli-Kristo Jesu mwami wesu.” - Ba-Roma 6:11

*“Majwi aako ndaayobola mumoyo wangu kuti ntakubisizyi.”
- Intembauzyo 119:11*

KUSWIILISYA BUBE BWACIBI

Cibi cipati kwiinda mbobayeeya bantu. Cipati kwiinda muntu kucita buyo citalikabotu, nkaambo ciswaanganya bube bwesu bwakawa. Kuti tukonzye kuzunda cibi, cipati kuziba kuti Leza ulasalaziza kukwaamba mujwi lyakwe mbuli mbwabona cibi mbocibede.

- A. Cibi kuba amoyo ulisumpula.

Tusimpi 21:4

- B. Cibi kucita cintu kutakwe lusyomo.

Ba-Roma 14:23

- C. Cibi kucita bwiindene acozi kuti cibotu.

Jakobo 4:17

- D. Cibi kutyola mulao wa-Leza.

1 Johane 3:4

- E. Cibi kuzumizya kufumbwa citaluleme mubuumi bwako.

1 Johane 5:17

MUBANDI:

Sena Leza wakabelesya kale tuncali otu kuyubununa cibe cacibi mubuumi bwako?

Sena kuziba bwakucita acibi kuyandisi mubuumi bwako:

KUSWIILISYA NKAAMBO NKOBSIZYA

- A. **Ulabisya nkaambo wakakona bube bwacibi kuzwa kuli Adamu.**

Mbuli musyomi, cibi ciindi coonse ciyakuba nkani mubuumi bwako, nkaambo tosweekelwi bube bwako bwakale bwacibi aciindi cakuzyalwa kwako kumuuya. Eno awa ujiisi boonse bube bwakale abupya.

Ba-Kolose 3:9-10

B. Ulabisya nkaambo bube bwako bwakale bukweeta kucibi.

Bube bobile boonse bulapona aciindi comwe mukati kako. Nkani yamusyomi oonse njakusala bube bwakubelekela. Bube mbosanina kapati mbobuyakukweendelezya.

Jakobo 1:13-15; Ba-Roma 7:14-25

C. Ulabisya akaambo kazibela zyoatatwe zipati zyamatepaulo.

“Nkaambo zintu zyoonse zili muynika, niziba zisusi zyanyama, niziba zisusi zyameso nikuba kulisumpula kwabuumi, tazili zya-Taata, pe, nzyenyika.”- 1 Johane 2:16

1. Zisusi zyanyama- Tepaulo yakuzuzikizya kuyanda kwamubili.
2. Zisusi zyameso- Tepaulo yakulikumbuzya
3. Kulisumpula kwabuumi- Tepaulo yakulisumpula mulusumpuko.

Kulizikozyanyo zipati nzyobile zyamatepaulo aya mubbaibele:

1. Itepaulo Iya Adamu aEva mumuunda- Matalikilo 3:1-6

- Zisusi zyanyama- Eva wakabona kuti musamu mubotu kukuulya
- Zisusi zyameso- Eva wakabona kuti musamu ulabotezya meso
- Kulisumpula kwabuumi- Eva wakabona kuti musamu kuti ulayandika kukupa muntu busongo

2. Tepaulo Iya-Jesu munkanda- Matayo 4:1-13

- Zisusi zyanyama- Jesu wakatepaulwa kusandula mabwe kuti abe nsima
- Zisusi zyameso- Jesu wakabonesyegwa akuyanda kupwegwa bwami boonse bwanyika muciiindi cinini.
- Kulisumpula kwabuumi- Jesu wakatepaulwa kuzibya nakuti ngu-mwanaa-Leza kwiinda mukusotoka kuzwa atempele.

KUZIBYA KUPATI:

Jesu wakalangana amatepaulo ngeetulangana ayo sunu, akuti taakwe nakabisya. Jesu wakazunda matepaulo akwe kwiinda kukwamba mangwalo. Taatukonzya kukalilila kutakwe cibi, inga twaiiya mbwakuzunda matepaulo amubuumi kwiinda mukwiima munguzu zya jwi Iya-Leza.

Ba-Hebrayo 4:15-16; 1 Ba-Korinto 10:13

KUSWIILISYA MBWALANGA CIBI LEZA

Ciyandisi kuziba nacibi cinzi, pele alimwi ciyandisi kuziba mbuli mbwalanga cibi Leza. Uliwa Leza uusalala oyo weelede kubamba cibi cako kuti ayebo ukasalale kubusyu bwakwe.

- A. Leza wakabeteka cibi cako acicingano kwiinda mukubika cibi cako ali-Jesu Kristo.

2 Ba-Korinto 5:21

- B. Leza ulakuzumizya kuti utebule bulumbu bwa cibi cako.

Ba-Galatia 6:7-8

- C. Waindilizya mucibi cako, Leza uyakukuuma mbuli mwanaakwe.

Ba-Hebrayo 12:5-11

MUBANDI:

Ino nimpati buti nkondo akati kanyama yako amuuya wako mubuumi bwako eno?

Sena ulizi mbokuinka kumangwalo kukutaba tepaulo mubuumi bwako?

KUSWIILISYA CAKUCITA CIINDI NOBISYA

- A. Kwiinda kuvumba cibi cako, kocaamba kuli Leza akumusyoma kuti akusalazye.

Tusimpi 28:13; 1 Johane 1:9; Intembauzyo 41:4

- B. Beteka cibi cako, alimwi utakasoli kupatwaamba na kucilulamika.

1 Ba-Korinto 11:31-32

- C. Sala kubelekela Leza atala acibi eco ciindilizya kweendelezya buumi bwako.

Ba-Hebrayo 12:1-2; Ba-Filipi 3:13-15

- D. Kobelesya ijwi lya-Leza kubuumi bwako kukusalazya kucibi cako.

2 Ba-Korinto 7:1; Johane 15:3; 17:17

NTAAMU MPATI YACIIYO ECI:

Empwa kwiinda mukuzwa kucibi cako utobele busalali. Na ncobeni ujiisi buusu buzwa kuli-Leza acibi cako, mpawo kweempwa kulatobela mpoonya awo. Utakapilukili kucibi cako, pele upaile akukumbila Leza kuti akupe lusulo lwacibi eco.

Ba-Roma 6:1-2; 2 Ba-Korinto 7:10-11; Tusimpi 8:13

KUSWIILISYA MBOKONZYA KUZUNDA CIBI

Toyoozundi cibi mubuumi bwako kusikila ciinda nobona cibi Leza mbwacibona. Mpawo uyootalika kugwisya cibi mubuumi bwako kwiinda munguzu zya-Muuya Uusalala ajwi lya-Leza.

- A. Kozuminana aa-Leza kuti cibi taacicijiisi nguzu alinduwe.

Ba-Roma 6:6-13

- B. Utakapi nyama yako aceelelo cacibi.

Ba-Roma 13:14

- C. Utakazumizyi miyeeyo yacibi kukweendelezya miyeeyo yako.

2 Ba-Korinto 10:3-5

Leza wakakupa zibelesyo zyakuzunda cibi mubuumi bwako.

1. Ijwi lya-Leza lilakutola kukuzunda cibi

- a. Leza wakapanga cipolelo kuzwa kumatepaulo akubisya

1 Ba-Korinto 10:13

- b. Nzila yomwe yakupola njakupeta ijwi lya-Leza

Intembauzyo 37:31; Intembauzyo 119:9-11

- c. Jesu Kristo waka kubikila mukozyanyo kwiinda mukwaamba mangwalo ciindi naalikutepaulwa kuti abisye

2. Muuya wa-Leza ulakutola kukuzunda cibi.

- a. Eno wakaangunuka akukonzya kusala bululami nkaambo muuya wa-Leza ulikukalilide mukati kako

Ba-Roma 8:1-9

- b. Zisusi zyanyama taazijiisi nguzu ali nduwe ciindi nosala kuponena buumi bwako munguzu zyamuyya wa-Leza. **Ba-Galatia 5:16=25**

MIBUZYO NJOKONZYA KUBUZYA

A. Mbobuti mbondikonzya kupanga meeneno azibi anyika kukundijata?

Utakozyanisigwi anzila zyenika notobela Jesu Kristo. Noyaka cilongwe abantu basweekede kuti ukabeete kuli Kristo, ukazwe kuliswaanana acibi cabo. Ciindi na bulangisi bwako bwakusikila basweeked amakani mabotu aa-Jesu Kristo, mpawo kuce kunjila mucibi cabo.

Ba-Efeso 5:5-12; 2 Ba-Korinto 6:14-18

B. Mbobuti Leza mbwaciindilizye kundisololela kukugwisya cibi mu buumi bwangu?

Muuya Uusalala wa-Leza uyakukupa mulandu kucibi camubuumi bwako.

Johane 16:7-11; Intembauzyo 139:23-24

Moyo wako uyakutondeka cintu kuti cibotu na cibi cakucita. Aboobo, nakuti waandilizya mucibi akusula mulandu wa-Leza moyo wako uyakuba atombe.

Ba-Roma 2:14-15; 1 Timoteo 4:1-2; Tito 1:15

Nobala ijwi lya-Leza liyakwaambaula mumiyeeyo amukucita kwa buumi bwako.

Ba-Hebrayo 4:12-13

Mubandi:

Sena kuli zimwi zyoyanda kucinca mubuumi bwako ikuti utakapi ceelelo nyama yako kuti ubisye?

Sena weelede kulyaandanya abantu bamwi ikuti ukaangunuke kuzwa kumatepaulo akubisya?

Sena kuli cibela cacibi mubuumi bwako eco Leza ncaakakupa luzundu kulincico?

KWIINDULUKA AKWAAMBAULA

1. Kopandulula mubuce nkaambo nzi ulabisya nekuba kuti wakafutulwa.

2. Kweendelana aa 1 Johane 2:15-17, kuli zibela zyaratwe zyamatepaulo mobisizya. Nzeezili zibela ezyo?

3. Ino Leza cibi ucilanga buti?

4. Lemba nzila zyaratwe zyakuzunda cibi mubuumi bwako.

5. Nzila nzi zimwi zyam bbaibele zyakucita acibi mubuumi bwako?

6. Nintaamu nzi yamakanze aciiyo eci, alimwi cakuiisya nzi?

KUBALA BBAIBELE ACIGAMININA

Kopandulula mumabala ako apostolo Paulo cabukwaambila mu Ba-Roma 7:14-15.

Koaamba nzila yacibi ijanwa mu Jakobo 1:13-15

Pandulula mubuce malailile ngopegwa mutuncali tutobela:

Ba-Roma 13:14

1 Ba-Korinto 11:31-32

1 Johane 1:9

2 Ba-Korinto 7:1

INJISYO

LYA- BBAIBBELE

MULALILO WA MWAMI

Ibupaizi bwiindene bwiisya zintu zinji kweendelana amilao ya-Lubizyo aya-Mulalilo. Bbaibele liisya kuti Mwami wakapa cikombelo cakwe eei milao kuyeeya Lufu, Kuzikwa, akubuka kubafu kwa mwami Jesu Kristo. Ciyandisi kuswilila kuti milao ya-Lubizyo aya-Mulalilo taiiliyabuyandisi kulufutuko lwako, pele njiiyandisi kukubonya kuswiilila mwami musule yalufutuko lwako.

Ntaamu ya-bala Iya ciiyo eci:

KULILINGULA

Ntaamu ya mubuzyo wiingulwa muciiyo eci:

Mbwaabuti buyandisi bwa mulalilo mubuumi bwako?

Ntaamu yamakanze ya-ciiyo eci:

Kupanduluzi njisyo yamu Bbaibbele ilibonya mulalilo wakapegwa kucikombelo.

Ntaamu mpati ya ciiyo eci:

Mulalilo kwiibaluka kwa Lufu Iwa-Jesu Kristo kusikila akaboole.

KANCALI KAKUBIKA MUMUTWE:

"Ikuti ciindi coonse kufumbwa nchimulya mukamu oyu akunywa cinywido eci

Munooyootondezya lufu Iwa-mwami mane do akasike" - 1 Ba-Korinto 11:26

Mulalilo taauyandikani kulufutuko lwako, pele cipati mubuumi bwako bupya muli-Jesu Kristo. Eci ciiyo cakalembelwa kuti cikupe buswiilizi bwa mu bbaibele mbuli mbokonzya kwiibaluka mulalilo wamamanino wamu buumi bwako bwa buna kristo.

NKAAMBO NZI WEELEDE KUBAMBA MULALILO WA-MWAMI?

Kaambo kapati kakubamba mulalilo wa-Mwami nkakuyeeza muulo ngwakabadela Jesu nkaambo kazibi zyako.

- A. Jesu wakatalika kubamba Mulalilo wa-mwami ciindi naakati. “...***amukacite obo kuti mukandiyeeye.***”

Luka 22:14-20

- B. Apostolo Paulo ulazuzikizya kubamba kwa mulalilo wa-Mwami mucikombelo camucizuminano cipya buli kwiibaluka kwa cituuzyo ca Jesu Kristo ca zibi.

1 Ba-Korinto 11:20-34

INO MULALILO WA-MWAMI WIIMIININA NZI?

- A. Mukamu utakwe mimena uubelesyegwa kubonya mubili we-Jesu Kristo uusalala

1. Cimena mu bbaibele caamba lunyonyooko, cibi, anjisyo yabubeji. Caalikukasigwa mupobwe lya ba-Israyeri lya pasika

1 Ba-Korinto 5:6-8; Matayo 16:6-12; Deuteronomo 16:1-4

2. Mukamu uulakomonwa kukuyeeza kuti mubili wa-Jesu wakapegwa nduwe

1 Ba-Korinto 11:24; Isaya 53:4-6

- B. Mucelo wamasaansa uubelesyegwa kubonya bulowa bwa-Jesu Kristo busalala.

1. Mucelo tausaside nkaambo kwaamba koonse kwa “cinwido” amulalilo wamamanino yaambwa kuba “mucelo wamusaansa.”

Marko 14:25; Luka 22:18

2. Mucelo “wakatilwa” kukuyeeza kuti bulowa bwa-Jesu bwakatilwa akaambo cacibi cako.

Matayo 26:26-29

MAKANZE NZI AMULALILO WA-MWAMI?

- A. Mulalilo wa-mwami ukupa nzila mbotu yakulanga zintu.

Zintu zyaratwe zyoeelede kucita ciindi nobamba Mulalilo wa-Mwami...

1. Langa musule- eci ciikuyeezya ncakacita Jesu kubadelela cibi cako. Kuyeeya lufu Iwa-Jesu Kristo kulakuyeezya kuti zibi zyako zyakavumbwa mubulowa bwa Jesu Kristo.

1 Ba-Korinto 11:24-25

2. Langa kumbele- eci cikuyeezya kuti Jesu Kristo uciboola alimwi. Weelede kuyandisya kusalala ikuti Utakaausi nsoni ciindi mwami Jesu Kristo nayoosika.

1 Ba-Korinto 11:26

3. Langa mpoonya awo mpobede- eci cikugwasya kubeteka zibi zyaako. Leza uuyanda kuti uli lingule buumi bwako kuti ukakonzye kubeteka zibi zyako akusanduka kulinzizyo.

1 Ba-Korinto 11:27-28

B. Mulalilo wa-Mwami ubambilila busalazi mukati kamubili wa-Kristo.

1. Nceciindi cakugwisya ndutiluti moyo acibi cikunyonyona. Kulaleta cisubulo ca-Leza nakuti wasala kulya mulalilo wa-mwami cakutaelela kwiinda mukutalilingula kubuumi bwaku muuya bwako akweenda a-Leza.

1 Ba-Korinto 11:27-32

2. Cikwabilila kutazumizya cibi cakuteempwa kukalilila mucikombelo.

1 Ba-Korinto 5:1-8

NTAAMU MPATI YA CIBELA ECI..

Cintu cipati cakacitika muciiindi cakale ndufu, kuzikwa akubuka kubafu kwa Jesu Kristo alimwi akuboola kwakwe mubulemu. Mbuli mboobamba mazuba mabotu mubuumi bwako kwiinda "Mukuyeeya," mulalilo wa-Mwami ulabambwa acikombelo kuyeeya cituuzyo ca-Jesu Kristo kaambo kazibi zyako alimwi akukuyeezya kuti akuboola limwi.

KWIINDULUKA AKWAMBAULA

1. Ino nkaambo nzi bana Kristo balaaililwa kubamba Mulalilo wa-mwami?

2. Mulalilo wa-mwami ubonya buti kupenga kwa Jesu Kristo?

3. Ntaamu nzi yamakanze aciiyo eci, alimwi ikuiisya nzi?

KUSUNGWALA BAIBBELE KWACIGAMININA

Aamba mumajwi ako cinzi Jesu calikuiisya basikuiya bwakwe mu Johane 6:48-58

Bala Matayo 26:26-30 alimwi ukozyanisye mubuce Mulalilo wamanino anzila yamulalilo wa-mwami mboubambwa mucikombelo cako.

INJISYO

LYA- BBAIBBELE

KUYANDA KWA-LEZA

Na uyanda kuba acoolwe mu buumi, weelede kujana eco Leza ncayanda kuti ucite alimwi ucizuzikizye. Cipimino cakasimpe cacoolwe kaako taacili mbuli mbozizilwe, na buvubi bwako, na nguzu zyakweendelezya bamwi pe: cili mukuswiilila kuyanda kwa-Leza mubuumi bwako.

Ntaamu ya bala lya-ciiyo eci

KUSANDUKILA

Ntaamu ya mubuzyo wiingulwa muciiyo eci.

Ndijana buti kuyanda kwa-Leza mubuumi bwangu?

Ntaamu yamakanze aciiyo eci

Kuyubununa kuyanda kwa-Leza kuzwa mujwi lya-Leza, ikuti ukakonzye kusandula buumi bwako kukuyanda kwa-Leza

Ntaamu mpati lya ciiyo eci

Weelede kuba akusandukila kukuyanda kwa-Leza katana kweendelezya muzintu zya mubuumi bwako.

TUNCALI TWAKUBIKA MUMUTWE

“Nkaambo kaako, bakwesu, ndamukumbila kuti kuluzyalo lwa-Leza mutuule mibili yanu, ibe cipaizyo cuumi, cisalala, ciyandisi kuli-Leza mbubonya bukombe bwanu bwakumoyo. Alimwi mutakozyanizigwi aziyanza zyaciindi ecino, pele amusanduke kukucitululwa kwamyoyo yanu, kuti mukasimpikile makani ngaayanda Leza, makani mabotu aatambulika aalondokede.” - Ba-Roma 12:1-2

“Jehova taamusya ngaakasyomezya kale, mbobayeeya bamwi kuti wamuka, pe, pele ucimukazikila moyo nkaambo tayandi kuti bantu bafwidilile, uyanda kuti boonse bajane ciindi cakweempwa.” - 2 Petro 3:9

NDWIINDANO NZI LULI AKATI KA KUYANDA KWA-LEZA, KUKANZA KWA-LEZA
ALIMWI AMAKANZE AA-LEZA ABUUMI BWAKO

A. Kuyanda kwa-Leza

1. Kuyanda kwa-Leza kweendelana ambuli mbobede muli Kristo, alimwi mboonya obo mbocibede kuli boonse. Ceendelana acilongwe cako a-Leza, alimwi taceendelezigwi amilao, nabusena na mulimo wa-Leza umwi.

“Nkaambo kaako, bakwesu, ndamukumbila kuti kuluzyalo lwa-Leza mutuule mibili yanu, ibe cipaizyo cuumi, cisalala, ciyandisi kuli-Leza mbubonya bukombe bwanu bwakumoyo. Alimwi mutakozyanizigwi aziyanza zyaciindi ecino, pele amusanduke kukucitululwa kwamyoyo yanu, kuti mukasimpikile makani ngaayanda Leza, makani mabotu aatambulika aalondokede.” - Ba-Roma 12:1-2

2. Kuyanda kwa-Leza kwakuti oonse musyomi akozyanisigwe acinkozya ca-Jesu Kristo.

“Nkaambo abo mbaakabwene kale wakabakanza kuti bakozyanisigwe mucikozyano ca-Mwanaakwe, akabe mutaanzi akati kababunyina banji.” - Ba-Roma 8:28

B. Kukanza kwa-Leza

1. Kukanza kwa-Leza kweendelana azintu zycita muli Kristo, alimwi tacikozyanyi ku bantu boonse. ceendelana akweendelezyegwa oko Leza nkwatikupe noinda muzintu ziindene mubuumi bwako.

“Pele tulizi kuti kulibaabo bayanda Leza, nkukuti kulibaabo baitidwe mbuli bukanze bwakwe, ulabeleka abo kuti makani oonse abote.” - Ba-Roma 8:28

2. Kuyanda kwa-Leza nkwakuti uzuzikizye kuyanda kwakwe nocita makanze akwe. Zintu zicitika ziindene mubuumi bwako zyeede kukutola kukuzuzikizya kuyanda kwa-Leza.

*“Ulamujuzya Epafa, nguumwi wakulindinywe, ngumuzike wa-Kristo Jesu. Ulazumba lyaonse munkombyo zyakwe nkaambo kanu, cakukomba kuti mwiime nji mbuli balondokede akulamwa mbuzibede zintu zyoonse nzyayanda Leza.”
- Ba-Kolose 4:12*

C. Makanze aa-Leza.

1. Leza wakalenga muntu amakanze akumupa bulemu

“Nduwe uuelede, O Mwami, kutambula bulemu alulemeko anguzu, nkaambo nduwe wakalenga zintu zyoonse, nkaambo kabukanze bwako nkizibeda, ankizyakalengelwa.”- Ciyubunuzyo 4:11

“Nkaambo kaako, kufumbwa zintu nzimucita, nikuba kulya nikuba kunywa niciba cintu cimwi, amuzicite zyoonse cakuti kube bulemu kwa-Leza.”-1 Ba-Korinto 10:31

2. Leza ulalemekwa nozuzikizya kuyanda kwakwe kwiindila mubuumi mbozona ambele lyakwe.

“Ndakakulemya ansi, ndazyulizya mulimo oyo ngookandipa kuti nkuucite.”- Johane 17:4

KUYANDA KWA-LEZA MUBUUMI BWAKO NKWABUTI?

A. Kuyanda kwa-Leza nkwakuti ufutuke

Kufumbwa oyo utafutusidwe talimukati kakuyanda kwa-Leza

2 Petro 3:9

B. Kuyanda kwa-Leza nkwakuti ukabe sikweeta bantu kuli nguwe.

Mulimo wako ngwakwaabana makani mabotu ababoo basweekede kuti antela bayofutuka.

1 Timoteo 2:4; Marko 16:15

C. Kuyanda kwa-Leza nkwakuti ukasalazyigwe

Weelede kupona buumi bujatisyene abusalali bwa-Leza

1 Ba-Tesalonika 4:3-7

D. Kuyanda kwa-Leza nkwakuti ukabonye kulumba

Kuyanda kwa Leza nkwakuti ukamulumbe muzintu zyoonse zyamubuumi bwako

1 Ba-Tesalonika 5:18

E. Kuyanda kwa-Leza nkwakuti ukazule amuuya.

Kuzula amuuya wa-Leza kukuzumizya kuti ciindi cince ncojisi ukacibelesye kumumanina milimo noindilizya kujana akuswiilisya kuyanda kwa-Leza.

Ba-Efeso 5:15-18

F. Kuyanda kwa-Leza nkwakuti ubeleke.

Weelede kubelekela basikukupu mulimo mbuli kuti ubelekela Jesu Kristo

Ba-Efeso 6:5-7

G. Kuyanda kwa-Leza nkwakuti ukalibombye.

Weelede kulibombya kumilao yoonse yamuntu mbuli buposoloji bwanyika isweekede. Aboobo, kulibombya kwako kubwami kweelede kupimwa akupimwa kwaatala kwakusanguna kulumbaizya Mwami.

1 Petro 2:13-15

H. Kuyanda kwa-Leza kuti ukapenzegwe.

Uyaakwiinda mumapenzi na utobela Jesu Kristo. Imapenzi ngetwiindamo aeelede kuba bulumbu bwakucita bubotu kwiinda kucita bubi.

1 Petro 3:17; 1 Petro 2:19-21

MUBANDI:

Sena ulabelekela kukubona basweekede kuza kulufutuko?

Sena upona buumi bwako kukuzuzikizya kuyanda kwa-Leza, na kukuyanda kwa nyama yako?

Sena walibambila kuba utakwe kampenda akusalala ambele lya-Leza?

MAKANZE NZI AA-LEZA MUBUUMI BWAKO?

NTAAMU MPATI YA-CIIYO!

Kuswiilila kuyanda kwa-Leza kuyandisi kwiinda kujana makanze aa-Leza. Weelede kuba mukusandukila kukuyanda kwa-Leza katana kweendelezuya zimwi zintu mubuumi bwako. Kuyanda kwako kweelede kuba kuzuzikizya kuyanda kwa-Leza mumazuba abuumi bwako, alimwi umusyome kuti akweendelezuya mumakanze, muntaamu amuntaamu.

Jeremia 10:23; Tusimpi 3:5-6

A. Leza ulayubununa kusololela kwakwe mubuumi bwako kwiinda muzintu zyatatwe nzyakapa.

1. Leza wakakupa Muuya Uusalala kuti ukusololele akukweendelezuya noukalalilila mukati kako.

Ba-Galatia 5:25; Johane 16:13

2. Leza wakakupa ijwi lyakwe kuti ibe nguzu zimaninide muzintu zyoone mubuumi bwako. Weelede kuiya kuzuzya miyeeyo yako amiyeeeyo ya-Leza. Makanze a-Leza mubuumi bwako. Makanze aa-Leza amubuumi bwako tayoobisizyi bbaibele.

Intembauzyo 119:105; 1 Ba-Tesalonika 2:13

3. Leza wakakupa cikombelo kuti cikusitikizye mubuumi bwako amumulimo. Leza ulakupa lulayo lusongo kwiinda mubasyomi bakuzungulukide.

Ba-Efeso 4:11-12; Ncito 13:1-4

B. Leza ulabelesya zintu zicitika mubuumi bwako kuti zikusololele.

Zintu zicitika ziindene mubuumi bwako ziyobuka, Leza uyakubonya makanze akwe kwiinda mu bbaibele, kweendelezyegwa aMuuya Uusalala, acikombelo cako.

Ba-Roma 8:28; Ba-Roma 15:22-24; Intembauzyo 37:23

C. Leza ulangilila kapati mboobede kwiinda ncoomucitila.

Kuziba nacinzi ncayanda Leza kuti ucita tacali ciyandisi kwiinda oyo Leza ngwayanda kuti ube. Nokomena mucikonzya ca-Leza, uyakuyubununa nacinzi ncayanda kuti ucite.

Ba-Filipi 2:13; Intembauzyo 37:4-5

MIBUZYO MITETE NJOKONZYA KUBUZYA

A. Ino nkaambo nzi Leza taayubununi zyoonse zintu zyandikanzila mebo?

“Ndicili amakani manji aakumwaambila, pele tamwaakonzya sunu.”- Johane 16:12

1. Kuziba makanze oonse a-Leza aciindi comwe ayokulemena.
2. Ayanda tositikizidwe kuti waakozye. Leza uyakuyubununa eco ncokonzya.
3. Ayanda toeendi munzila yakuswiilila nacinzi Leza ncakakuyubunwida kale.
4. Nokomena kunyama akumuuya, kuyanda kwako, matalenta aako alacinca. Leza uyanda kuti ube acamba nabeleka mubuumi bwakumuuya bwako.

B. Ino nkaambo nzi Leza uzumizya zintu zibi kucitika mubuumi bwangu?

1. Leza uzumizya kupengana mubuumi bwako kukusitikizya. Ziindi ziyuumu mubuumi bwako zilakutola kukuswiilisya kupati kwambuli Leza nanguni ayebo nanduweni.

1 Petro 1:6-9; 1 Petro 5:10

2. Kulibulumbu ciindi coonse kukusala kwatuzumizya Leza kuti tusale. Leza wakakupa nguzu zyakusala akuti tayookusungilizyi kuti usale kweendelana abbaibbele. Kuyakuba ziindi nopengana akaambo kakusala kwako.

Ba-Galatia 6:7-8

MUBANDI:

Sena ulijiisi mukozyano wa mbuli mbwakakupa lusololelo kumankanze akwe mubuumi bwako?

Sena ulizi namakanze nzi a-Leza mubuumi bwako?

KWIINDULUKA AKWAAMBAULA

1. Ino ndwiindano nzi luli aakati kakuyanda kwa-Leza amakanze a-Leza?

2. Lemba zintu zoyosanwe ezyo Leza zya yanda mubuumi bwako

- A. _____
- B. _____
- C. _____
- D. _____
- E. _____

3. Belesya mangwalo kulemba mubuce kuyanda kwa-Leza alimuna kristo

4. Zintu nzi Leza zyakakupa kuti ayubunune makanze akwe ali nduwe?

5. Cintu nzi ceelede kuba ciyandisi mubuumi bwako?

6. Nintaamu nzi ya makanze aciiyo eci, alimwi cakuiisya nzi?

KUBALA BBAIBELE CIGAMININA

Bala 1 Bami 17:1-9 alimwi waambe makanze a-Leza mbwaka yubununwa kuli Eliya.

Kweendelana aa 1 Petro 5:10, Leza ulazumizya bana kristo kwiinda mumapenzi kuti bakakonzye kuba....

1. _____
2. _____
3. _____
4. _____

Ino apostolo Paulo wakayubunwidwa buti makanze a-Leza amakani mabotu akuya kucisi cabakuwa mu Ncito 16:1-13.

Kolemba cikozyanyo cabuposoloji bwakale mbuli Leza mbwakayubununa makanze akwe ali nduwe.

INJISYO

LYA- BBAIBBELE

BULUBUSI MULI KRISTO

Cizuminano cipya cilaamba kuti mbuli muntu wakafutulwa, toangidwe amulao wacizuminano cakale, wakaangwa aluzyalo Iwa-Leza. Bamwi basyomi babelesya luzyalo Iwa-Leza buteelede kwiinda mukwaamba bulubusi bwabo kuti inga bacita kufumbwa ncibayanda kutakwe cisubulo. Bamwi balapima bube bwacilongwe cabo aa-Leza kwiinda mukusola kubamba milao abupaizi bwakulipa beni. Eci ciiyo citanganya bwami bwa-Jesu Kristo mbuli mulao wamu bbaibele oyo ukukwabilila kukubelesya bulubusi mbojiisi muli-Jesu

Ntaamu ya bala muciiyo eci.

LWAANGUNUKO

Ntaamu ya mubuzyo wiingulwa muciiyo eci.

Eno nkaambo ndakalekelelwa, mbobuti bulubusi bwangu mbobukonzya kulemeka Leza?

Ntaamu yamakanze aciiyo eci.

Kukugwasya kuswiilila bulubusi bwako muli-Jesu Kristo, ambobweendelezya buumi mbozona mazuba amazuba.

Ntaamu mpati yaciiyo eci:

Bulubusi mbojisi muli Jesu Kristo bukupa Iwaangunuko Iwakucita bubotu, akumaninina mulimo Leza.

TUPETO TWAKUYEEYA:

“Inywe, nubakwesu, mwakaitwa kuti mube abulubusi, pele amucenjele kuti obu bulubusi butabi buliinsyo bwakucita zisusi zyanyama. Umwi aumwi abe muzike kumweenzinyina cakuyandana.”- Ba-Galatia 5:13

“Nkaambo mulao wamuuya wabuumi bwamuli-Kristo Jesu wandilubula kumulao wazibi awalufu.”- Ba-Roma 8:2

ULILUBULIKIDE MULI-KRISTO

“Nkaambo kaako kuti Mwana wamunununa ncobeni mulaba banunukide.”- Johane 8:36.

A. Jesu Kristo wakakunununa kuzwa kucibi.

Wakanununwa kucisubulo cacibi. Cibi cako cakabetekwa aciingano ca-Kristo, kukunununa kumulandu alubeta lwacibi cako. Muli-Kristo, wakalekelelwa akunununwa mane kutamani.

“Nkaambo kaako mutazuminini zibi kuti zibe abwami mumibili yanu yanyama bwakumucitya kuti muzuminine zisusi zyayo. Alimwi mutaabili zibi zizo zyanu mbuli zicityo zyakutalulama, pele amulyaambile Leza mbuli bapononona bazwa kubafu, azizo zyanu amuzyaabile Leza mbuli zicityo zyabululami. Nkaambo zibi tazikooba abwami bwandinywe, ikuti tamuli kungsi ku-mulao, muli kungsi kuluzyalo.”- Ba-Roma 6:12-14.

“Nkaambo Mulao wamuuya wabuumi bwamuli-Kristo Jesu wandilubula kumulao wazibi awalufu.”- Ba-Roma 8:2

B. Jesu Kristo wakakulubula kuzwa kumulao.

Bululami bwa-Leza buzuzikizigwa kaambo kanduwe muli-Kristo. Kubamba kalembo kabupaizi na milao takuyookupi luzyalo lwa-Leza mubunji nkaambo wakakuzumina kale muli-Jesu Kristo.

“Aboobo Mulao wakatubeda mbuli simalelo mane kusikila kuciindi ncati keze Kristo, kuti tululamikwe alusyomo. Pele lino mbulwasika lusyomo, tatucili mumaanza aasimalelo. Nkaambo nyoonse muli bana ba-Leza nkaambo kakusyoma Kristo Jesu.”

- Ba-Galatia 3:24-26

“Nkaambo kaako amuliyumye akujatisya obo bulubusi mbwaakatulubula Kristo. Mutanjili lwabili mujok lyabuzike.”- Ba-Galatia 5:1

ULILUBULUKIDE KUKUBELEKA

NTAAMU MPATI YACIIYO ECI:

Oonse muntu munyika kuli kumulimo nkwapponena na kubwami bwamudima na kubwami bwa-Jesu Kristo. Nowatalina kufutuka, towalikujisi nguzu zyakubelekela Kristo nkaambo wali muzike wabwami bwamudima. Bulubusi mbojiisi muli-Kristo bukupa lwaangunuko lwakucita cilikabotu, alimwi akumanina mulimo Leza.

A. Ujisi bulubusi bwaku belekela Mwami NKAAMBO tocili muzike wacibi.

Wakalubusigwa kuzwa kucibi muli-Kristo. Eno awa wakaba muzike wa-Kristo alimwi ujisi bulubusi bwakuba similimo wabululami.

Ba-Roma 6:17-23; Ba-Kolose 1:12-14

B. Ujisi bulubusi bwaku belekela Mwani NKAAMBO tocili mwaange amulao.

Ujisi bulubusi bwakuyanda zintu ziindene amizezo, alimwi akubelesya zoonse kubona bantu bamisyobo yoonse abazwa kwiindene kuza kulusyomo muli-Kristo.

Ba-Korinto 9:19-22

Mukozyanyo:

Jesu wacita bulubusi ciindi nakaiinka ku samaliya akwaamba amukaintu waalikuteka maanzi mucikala. Oyu mukaintu waali umwi oyo bama juda ngobatajisi makani awe nkaambo kamilao yabo yabupaizi yakulibikila. Jesu wakaswena muni amukaintu akwaambaula awe amakani alufutuko. Wakakondwa kapati amakani amulumbe mupati ikuti wakainka akwaambila bantu mucisi cakwe makani a-Jesu, akuti banji bakasyoma.

Johane 4:1-9; 24-26;28-30; 39-42

Mubandi:

Sena eco ciindi uzumizya cibi cako kukukasya kubelekela Leza?

Sena wakabakale muciiindi awo milao yako njobamba kaikukasya kubelekela Leza na kwiisya bamwi?

UJISI BULUBUSI BWAKUSALA

“Mwami ngu-Muuya, nkabela koonse nkwabede Muuya wa-Mwami kuli bulubusi.”

- 2 Ba-Korinto 3:17

A. Ujisi bulubusi bwakusala akati ka kuyanda kwako akuyanda kwa-Leza.

Leza takusungilizyi kumubelekela. Uyanda kuti umubelekele nkaambo ncoyanda. Uyanda kuti umulemeke abuumi bwako. Leza ulalemekwa nosanduka mucinkozya ca mwanaakwe Jesu Kristo. Weelede kukondwa abulubusi bwako, alimwi ububone mbuli ciindi cakuleta bulemu kuli Leza, kutali ciindi calukondo mucibi.

Matayo 5:16; Ba-Galatia 5:13

B. Ujisi bulubusi bwakuba akusala kwabusongo.

Notobela Mwami, uyakuba akusala kunji. Leza ulakuzumizya kuti utebule bulumbu bubi abubotu bwakusala kwako. Kwiinda kuyandaula cintu cibotu ncakucita, inga cagwasya kuyandaula cintu cabusongo cakucita.

1 Ba-Korinto 10:23; Ba-Galatia 6:7-9

MUBANDI:

Sena inga waabana mukozyanyo waciindi niwakaba akusala kusongo nkaambo kwakalemeka Leza?

KUZIBA MAGAANO ABULUBUSI BWAKO

Kanji bbaibele lilapa magaano ateelede kwilindwa. Tokonzya kululamika cibi eco cityola ijwi lyaLeza kwiinda mukulyaamba bulubusi muli-Kristo. Aboobo, kulizibela zimwi mpocitayooboneki kabotu. Ezi nzeezi ziindi Muuya Usalala mpoutusolelela kumilao yabusongo izwa mujwi lya-Leza kwiinda milao njetubona.

1. Sena inga ndacikonzya amoyo usalala?
Ncito 24:16
2. Sena nditolwa aansi anguzu zimbi kutali Muuya Usalala?
1 Ba-Korinto 6:12
3. Sena eci cindipa nguzu mucilongwe cangu aMwami?
1 Ba-Korinto 10:23
4. Sena eci ciyooopa bulemu Leza?
1 Ba-Korinto 10:31
5. Sena eci cilandigwasya kwaabana makani mabotu kuli basweekede?
1 Ba-Korinto 10:32-33

BULUBUSI BWAKO BUYAKUJATA BANTU BAKUZUNGULUKIDE

A. Utakabeteki bamwi bapegwa mulandu mumoyo bwiindene anduwe

Ba-Roma 14:1-6

B. Ukazwe kuli kufumbwa cintu cikonzya kuleba umwi musyomi kulusyomo.

Ba-Roma 14:13-15

C. Weelede kuli kwaabilila kukucita kubi.

Ba-Roma 14:16-18

MUBANDI:

Sena wakasala kale kuzwa kucintu cimwi kuti utakanyeemyi musyomi umwi, na kukasya buposoloji bwako abantu basweekede?

BULUBUSI BWAKO WEELEDE KULIPA KUBWAMI BWA-JESU KRISTO

Makanze aciiyo eci ngakuyanza bwami bwa-Jesu Kristo mbuli mulao usololela bulubusi bwako. Nkaambo nkojisilizi bulubusi nkakuti ujisi Mwami mupya alimwi kuti wakanununwa kuzwa kuli oyo wakale. Muciindi cakale wakali mu belesi wecibi, pele eno wakaba mubelesi wabululami. Jesu Kristo taali mufutuli wako buyo, alimwi ngu-Mwami wako.

A. Bwami caamba kusala Jesu Kristo muzintu zyoonse.

“Ngumutaanzi wazintu zyoonse, nkabela mulinguwe zintu zyoonse muzijatene. Ngomutwe wamubili, nkukuti imbungano, nkaambo ngonguwe mutaanzi iwakasaanguna kuzyalululwa kuzwa kulufu, kuti abe mutaanzi akati kaboonse.” - Ba-Kolose 1:17-18

B. Bwami mbwakupa luyando lwako kuluyando lwa-Leza.

“Ndakondwa kucita luyando lwako, O Leza wangu; Mulao wako uli mumoyo wangu.” -

Intembauzyo 40:8

“Nkaambo ngu-Leza uubeleka mumyoyo yanu, mbuli mwayanda, akumupa inguzu zyoonse nzimubula niziba zyakuzanza niziba zyakucita.” - Ba-Filipi 2:13

C. Bwami mbwakuziba kuti tolivubi omwiini pe.

“Sa tamuzi kuti mibili yanu ntotukombelo twa-Muuya wa-Leza uumukalila mukati, ngumutambwide kuli-Leza? Tamulivubi mbeni pe, nkaambo mwakaulwa muulo. Nkaambo kaako, amulemye Leza mumibili yanu.” - 1 Ba-Korinto 6:19-20

D. Bwami mbwakuyanda Leza abube bwako boonse.

“Uleelede kuyandisya Jehova Leza wako amoyo wako woose, akumuuya wako woose, akukuyeeya kwako koonse, akunguzu zyako zyoonse.” - Marko 12:30

Mubandi:

Jesu nceci kozyanyo cipati anzila yabwami yesu. Nekubakuti waali Leza munyama, Jesu wakasala kuliimya mwini akulipa kukucita luyando Iwa-Taata.

“Oyo uuamba kuti ndi mulinguwe, uleelede kweenda mwini mbubonya mbuli mbwaakeenda walo.” - 1 Johane 2:6

Kulipa kwako kuli Jesu mbuli Mwami kwacinca buti nzila ngobelesya bulubusi bwako muli-Kristo.

Sena nkocili cibeela mubuumi bwako ncotana lipa ku bwami bwa-Jesu Kristo?

KWIINDULUKA AKWAAMBAULA

1. Kopandulula mumabala ako ncecaamba kuba abulubusi muli-Kristo.

2. Nkookuli kusala kobile nkoangunukide kupanga mukati ka bulubusi mbojisi muli Jesu Kristo? Ulembe atuncali twakugwasilizya bwiinguzi bwako.

a. _____

b. _____

3. Kopandulula mbuli kupanga Jesu mwami wako mpcikukwabilila kuzwa kukubelesya bulubusi mbwaakakupa Leza buteelede.

4. Lemba zikozyanyo zyaratwe mbuli bulubusi bwako mbobukonzya kujata bakuzungulukide?

- a. _____
- b. _____
- c. _____

5. Mubuzyo nzi ngomvwa kuti muyandisi ngokonzya kuli buzya ciindi nosola kuziba magaano abulubusi bwako? Nkaambo nzi?

6. Ino nintaamu nzi yamakanze aciiyo eci, alimwi cakuiisya nzi?

KUBALA BBAIBELE KWACIGAMININA

Mu Ncito 10:9-20 Leza wakeetela apostolo Petro kuti abe aciloto cakulya banyama batali kuzumizigwa kuligwa abantu ba-Leza. Cinzi ncoyeyya kuti Leza waalikuiisya Petro kwiinda muciloto eci?

Bala Ncito 10:27-35. Magolelo nzi Petro ngakaba awo kweendelana aciloto cakwe? Mboobuti mbobakajatwa bantu bamu n'ganda ya Koneriyas kwiinda mubulubusi bwa-Petro muli-Kristo?

Bala Ba-Galatia 2:11-16. Bulubusi bwa Petro muli-Jesu Kristo bwakamuzumizya mbuli mu juda kuiisya akwaabana buumi abantu batali bama juda (Bamasi). Cinzi ncakacita Petro ciindi bulubusi bwakwe muli-Jesu nibwakasunkwa amilao yabupaizi? Bwiinguzi bwakwe bwakajata buti bantu balaafwafwi awalo? Paulo wakaamba nzi abuposolozzi bwa Petro?

Bulubusi bwesu muli-Kristo bulatwaangununa kubwaange bwa cibi kuti tukaangunuke kukubelekela Jesu Kristo mbuli Mwami. Bala 1 Ba-Korinto 7:22-23 alimwi upandulule mumabala ako nacipandulula nzi kuba munununi kukubelekela Kristo. Magolelo nzi aPaulo akubelekela muntu na Mwami mubulubusi bwesu?

INJISYO

LYA- BBAIBBELE

KUPA

Leza ngu Leza upa, alimwi kuyanda kwakwe nkwakuti ukabonye bube bwakwe kwiinda mukupa kwako. Ciyandisi kuswiiilisa kuti zyoonse nzizya Leza, alimwi tayandi mali ako. Kupa kwako kubonya kukomena kwako mbuli musyomi. Kupa nincito yalusyomo akukomba, alimwi cibonya luyando lwako bwa-Leza akutama kwakwe. Eci ciyo cilakugwasya kuziba mulimo wako mububanzi bwa buumi bwako akojana zintu.

Ntaamu yabala iyaciiyo eci:

KWEENDELEZYA

Ntaamu yamubuzyo wiingulwa muciiyo eci:

Ino kupa cipandulula nzi, alimwi mulimo nzi ngwejisi kukupa?

Ntaamu yamakanze aciiyo eci:

Kukugwasya kuswiilila bube bwakupa bwamu cizuminano cipya.

Ntaamu mpati yaciiyo eci:

Kupa kwakasimpe kwamucizuminano cipya kujatisyanya akusanduka akupa bweendelezi bwa buumi bwako azintu zyako kuli-Jesu Kristo.

TUPETO TWAKUBIKA MUMUTWE:

‘Umwi aumwi uleelede kupa mbuli mbwayanda mumoyo wakwe, kutabi cakunyonosya moyo nanka cakusinikizigwa, nkaambo oyu uupa calumwemwe nguuyandwa kwa-Leza.’

- 2 Ba-Korinto 9:7

“Nkaaambo lubono lwako nkulubede, nkukonya oko nkuubede moyo wako.”

- Matayo 6:21

INO NKAAMBO NZI LEZA UYANDA KUTI UPE?

NTAAMU MPATI LYACIIYO ECI!

Bube bwako, alimwi azyoonse zyojiisi, nzizya-Leza. Tayandi mali ako pe. Leza uyanda yebo! Bulangisi bwakupa kwamucizuminano cipya nkwakupa bweendelezi bumaninide bwabuumi bwako azyoonse nzyojiisi kuli-Jesu Kristo. Nakuti Leza weendelezya buumi bwako, uyakuba alimwi abweendelezi bwazintu zyojiisi. Nzila njoopa iyakubonya mbuli mbosyoma Leza kuti akupe zyoonse nzyoyanda.

“Leza uwakalenga nyika azintu zyoonse izili mumo, oyu mbwali Mwami wejulu enyika, takali muzikombelo zicitwa amanza. Alimwi tabelekelwi manza aabantu, tali uubula cintu pe, nkaambo ngoguwe mwini nguupa boonse buumi, amuuya, azintu zyoonse.”- Ncito 17:24-25

“Uusyomekede kuciniini ulisyomekede akucipati, uataluleme kuciniini taluleme akucipati. Aboobo, kuti tamusyomeki kulubono lwakutalulama, ino nguni uuti kamusyome kulubono lwiniwini.”- Luka 16:10-11

A. Leza ugwisya bulangisi kuzintu zyaansi kuti ukalubika muzintu zitamani

“Mutaliyobwedi lubono ansi, mpaabisya mapempya ankalaya, ababbi mpobatulula kuti babbe. Amuliyobwede lubono kujulu, nkwaatabisiyi mapempya ankalaya, ababbi nkubatatululi kuti babbe. Nkaambo lubono lwako nkulubede, nkukonya oko nkuubede moyo wako.”- Matayo 6:19-21

B. Kupa kulipa kuyowa kwa-Mwami mukati kako, nkaambo ubonya kuti cintu citaanzi kulemeka Leza.

“Lino kubusena obo mwayoosala Jehova Leza wanu kuti akazike izina lyakwe nkuko, nkukonya oko nkomweelede kulida kubusyu bwakwe, nkokuti kulya cipanzi cakumi camaila aanu acamisaansa yanu acamafuta aanu, abana bataanzi banhombe zyanu abambelele zyanu kuti mwiiye kulemeka Jehova Leza wanu mazuba oonse.”- Deuteronomo 14:32

C. Kupa kuyaka bulangizi bwako kuli Leza nkaambo umusyoma kukupa zintu zyako ziza kumbele.

“Lemeka Jehova ambono zyako, akabalwebalwe wamicelo yako. Elyo matala aako ayoozula mwa, Azisinino zyako ziyoofwasuka waini.”- Tusimpi 3:9-10

KWAAMBAULA:

Sena ulijiisi buyandisi obo mbosyoma Leza kuti abucite?

Sena wakasala kale kutapa ku-Mwami nkaambo cakaboneka mbuli kuti tokocikonzya?

Sena wakasala kale kuswiilila Leza akupa Mwami nekuba kuti ulimucibeela cakuba abuyandisi?
Mboobuti Leza mbwakakupa?

NKOOKULI LEZA NKWAYANDA KUTI UPEDE?

A. Kupa kwako kutaanzi kweelede kuyakwa akuzungulukidwe mucikombelo cako.

Bulangisi butaanzi bwakupa kwamu bbaibele nkwakwiinda mucikombelo nkaambo Leza wakacisala kuti cikazuzikizye mulimo wakwe munyika. Ciyandisi kuziba kuti kufumbwa kupa kwako kwaanze takweelede kuleba kupa kwako kwamu cikombelo. Ciyandisi kuti bulangizi bwako bube bwakupa kuzintu zitamani.

1 Ba-Korinto 16:1-2

B. Mulimo wabeendelezi bacikombelo cako kuba babanzi basongo.

Beendelezi bacikombelo cako mbebatibilila bantu bamucikombelo, aku Mwami. Mbuli sicizo wacikombelo, ulakonzya kubona zintu mbozibelesyegwa, alimwi weelede kukonzya kusyoma bweendelezi kweendelezya zintu abusongo.

2 Ba-Korinto 8:20-22; Ncito 4:34-35

MBOOBUTI LEZA MBWAYANDA KUTI NDIPE

Apostolo Paulo mulugwalo lwabili lwaku cikombelo ca-Korinto wakabelesya zikombelo zyaku mecadonia mbuli zikozyanyo mbuli kupa kwamu bbaibele mbokweelede kuboneka kuli musyomi wamucizuminano cipya. Buposolozu bwazikombelo zyaku mecadonia bwakapa ciiyo cipati kubasyomi boonse kuti baiye.

A. Kuyanda kwako kwakupa kumulimo wa-Leza kuyandisi kwiinda bupati mbokonzya kupa.

2 Ba-Korinto 8:1-3

B. Kupa kwako kweelede kotalikila akulipa kwako ku Mwami abantu bakwe.

2 Ba-Korinto 8:4-5



C. Kupa kuyaka bube bwaluzyalo nokomena mucilongwe cako a-Leza.

2 Ba-Korinto 8:6-7

D. Kupa kubonya kusinizya kwa luyando lwako lwa-Leza, cikombelo cakwe, amulimo wakwe.

2 Ba-Korinto 8:8-9

E. Kupa kwako kweelede kuba ambuli Leza mbwakuleleka. Takakozyanisyi bupati mbopa abupati mbobapa bamwi.

2 Ba-Korinto 8:10-12

MUBANDI:

Sena ulasyomeka kukupa mucikombelo cako?

Ino kupa ku mwami kwako kwacinca buti mbobona buyandisi bwamulimo wa-Leza?

Sena wakazumizya kale kuti ncapa umwi musyomi cinyonganya eco ncopa?

CINZI LEZA NCAYANDA KUTI UPE?

A. Kuli nzila zyaratwe zyakupa zyaambwa mumangwalo amucizuminano cakale.

1. Kwakumi.

Kwakumi nceco ncapa muntu kuli eco ncaatambula kuuzwa atala. Kaalikupegwa kuli Leza mbuli ciibusyo ca oyo wacipa, akubonya kuti Leza ciindi coonse ngomutaanzi.

Malaki 3:10; Deuteronomo 26:2, 10

2. Mulumbo

Kubikila akumi, mulumbo ngwakuyanda waalikupegwa abantu ba-Leza kugwasilizya buyandisi mbubonya mbobusika mumbungano.

Kulonga 25:1-2

3. Kupa kwacipaizyo

Oku kupa kwacipaizyo kwalikuza amakani asikupa. Caalicipaizyo umwi ncaalikuyanda mwini kuti ape kumulimo wa-Leza.

2 Samuele 24:21-25

B. Mbuli musyomi wamu cizuminano cipya, kupa kwako kweelede kuyakwa amilazyo yabbaibele noyanzya malaile akupa mubuumi bwako.

“Nkaambo makani aali boobo aakalembwa kalekale, nkukwiiya kwesu nkwaakalembelwa kuti kubukakatilo akubukombelezyo bwamalembe tujane bulangizi bwaku tontozya moyo.”-

Ba-Roma 15:4

1. Kopa muziindi kukugwasya bweendelezi bwacikombelo.

Mbubonya bantu ba-Leza mbobakaleta kwakumi kugwasya mulimo wa-Leza mucizuminano cipya, weelede kuba amali ngosala kupa muziindi. Ezi cipo zigwasilizya zintu zibeleka, abeendelezi, azintu zimwi zyamumulimo wa-Leza.

1 Ba-Korinto 9:14; 1 Timoteo 5:17-18

2. Kopa cakukondwa kuti kugwasye ncito zimwi amilimo ya-Leza yacikombelo.

Mbubonya bantu ba-Leza mbobakaleta mulumbo kukugwasya buyandisi, weelede kulibambila kupa mbuli buyandisi mbobusika mucikombelo cako. Zipo ezi zigwasya bantu bamu cikombelo abo batakonzyi kuli sanina beni, ancito zimwi mbuli mbobabona beendelezi bacikombelo.

Ncito 11:27-30; 1 Timoteo 5:3, 9-10, 16

3. Kopa cakulipa kugwasya mulimo wabatumwa.

Mbubonya bantu mbobalikupa cakulipa kubika mumulimo wa-Leza, weelede kulibambila kupa kukugwasya batumwa abo batumwa acikombelo cako ambobazumizya. Ezi zipo zigwasilizya batumwa kuti bainke kumasena ayo ngotakonzyi kwiinka.

Ba-Filipi 4:15-19

C. Leza taakakupa mulazyo wakupa bupati buti.

Leza uzumizya lwaangunuko lwako lwakupa kufumbwa mboyanda. Kupa kwamucizuminano cipya kwama makani akukomena muli-Kristo kutali makani amali. Leza uyanda yebo. Kupa kwako kuyakuyubuna bupati bwakweenda kwako kwaku muuya a-Leza. Zintu zitobela aansi njimwi milazyo yakubona nosala mali ayo ngayakupa muziindi mucikombelo cako.

1. Kanza ciindi cako, mulimo, amali ako akupa kwako.

Basyomi banji bajiisi buyumuyumu mukupa muziindi nkaambo taabalibanbilide kucita obo.

2 Ba-Korinto 9:1-4

2. Sala bupati mbocipe kotana sika kucikombelo.

Kupa kwako kweelede kuba akati kako a-Leza buyo. Nakuti walindina kuti usike, kuli langizi bwakuti kupa kwako kuya kweendelezyegwa akupa kwa bamwi.

2 Ba-Korinto 9:5

3. Uyeeye mulazyo wakubyala akutebula.

Utakapi abulagizi bwakuti uyakutambula bulumbu lwacigaminina. Aboobo, Leza usyomezya kuleleka sikupa usyomeka. Mbolibonya kusyomeka aceco Leza ncaakupa, uyankukusyome azintu zimwi.

2 Ba-Korinto 9:6

4. Kupa kwako kweelede kuzwa kumoyo ulibambilide akuyanda.

Sena upa ku mwami nkaambo ulalangilwa kucita obo, na nkaambo uyanda kupilusya kuli Leza.

2 Ba-Korinto 9:7

5. Leza uyakukupa nzyoyanda.

Noopa kugwasilizya mulazyo mumupati wakupanga basiciya munyika yoonse, Leza uyakukucibona kuti ujiisi zibelesyo zyakugwasya mulazyo mupati kwiinda mucikombelo cako.

2 Ba-Korinto 9:8

6. Leza uyakulemekwa kwiinda mukupa kwako.

Bube bwa-Leza mbwakupa. Wakakupa cipo cipati calufutuko kwiinda mukufwa, kuzikwa akubuka kubafu kwa mwami Jesu Kristo. Ciindi nopa kweendelana amilazyo yabbaibele, yakubonya bube bwa Mwami Jesu Kristo mubuumi bwako, akuti Leza uyakulemekwa muli nduwe.

2 Ba-Korinto 9:9-15

KWAAMBAULA:

Sena wakabamba ciindi cako amali ako kuti ukape cakwaangunuka ciindi aciindi?

Sena ulijiisi mali ngowakabika ngopa ciindi aciindi?

Sena Leza ulalemekwa mukupa kwako?

KWIINDULUKA AKWAAMBAULA

1. Lemba twaambo totatwe nkaambo nzi Leza uyanda kuti ube sikupa.

- a. _____
- b. _____
- c. _____

2. Nkaambo nzi ciyandisi kuti uyake kupa kwako kutaanzi kweelede kuzunguluka buyo mucikombelo cako?

3. 2_Ba-Korinto 8:1-2 ituiisya kuti basyomi baku mecadoniya baali bapa bailipede. Lemba zikozynyo zynosanu zyakupa kwabo ezyo nzyokonzya kuiiya kuli nzizyo.

- a. _____
- b. _____
- c. _____
- d. _____
- e. _____

4. Lemba milazyo yotatwe yamubbaibele eyo njooyootalika kubelesya mubuumi bwako noyaka kupa mubuumi bwako.

- a. _____
- b. _____
- c. _____

5. Sena kuli bupati bwa mali Leza mbwapa musyomi wacizuminano cipya kuti ape? Nkaambo nzi?

6. Ntaamu nzi yamakanze aciiyo eci, alimwi cakuiisya nzi?



KUBALA BBAIBELE KWACIGAMININA

Leza wakalailila bantu ba-Israyeli kuti balete mulumbo wakugwasya kumayake acikombelo nebacili munkanda. Bala kulonga 35 alimwi ulembe nzila zimwi bantu mbobakapa kutabelesya kupa mali. Ino kapango aka kaamba nzi amakani amyoyo yabantu nebalikupa? Ninzila nzi zimwi z yokonzya kupa kumulimo wa-Leza eyo itabelesyi mali?

Bala Luka 6:38, alimwi ulembe zisyomezyo zya-Leza amakani akupa kwako.

Mukati ka Luka 21:1-4, Jesu ukozyanisya mali akapegwa amukamufu amuvubi nebali kupa kuciyoobwedo ca Tempele. Cinzi ncaakaamba Jesu amakani aciwego camukaintu oyu? Lwiindano nzi Jesu ndwaakaamba akati kakupa kwamukaintu oyu amuvubi?

Mu Ncito 2 tubala makani abantu banji bakeenda misinzo milanfu kuba kucibela cakusekelela kwa Pentecosto. Musule yakumvwa makani mabotu, banji bakatambula Kristo mbuli mufutuli. Kwiinda kupiluka kuman'ganda, bakasala kukala kuti babe bacibela cacikombelo cipya camu Jerusalemu. Eci cakeeta penzi mpati mubukale bwamunzi, aliwmi banji mucikombelo eci cipya baali kujiisi buyumuyumu bwakujana zintu zyakugwasilizya mukwasyi yabo. Bala Ncito 4:34-37. Baali kulipede buti bantu ba-Leza kukupa? Bakazitola kuli zipo zyabo? Nguni walikujisi mulimo wakwaabanya zipo zyali kuletwa?



INJISYO

LYA- BBAIBBELE

MALI ALUBONO

Tepaulo mpati lyomwi elyo lisikila musyomi ndyakuba azintu zyamunyika zinji. Twakasweeka kusyoma kuti zintu zigwasya zipimwa azintu zivubwa, nkwalo zintu zigwasya zyamubbaibele zipimwa akutobela luyando lwa-Leza. Banji basyomi balijana muzintu zibanyonyona nkaambo mizezo yabo ngamali alubono. Makanze aciiyo ngakukweenzya mukubelesya zintu kwiinda mukutobela milazyo yabbaibele.

Ntaamu yabala iyaciiyo eci:

MIZEZO

Ntaamu yamuzbuzyo wiingulwa muciiyo eci:

Ino muzezo wangu weelede kuba buti kumali alubono?

Ntaamu yamakanze aciiyo eci:

Kuiisya kuzwa kumangwalo mbuli bwakuba mubanzi wazintu zya-Leza.

Ntaamu mpati yaciiyo eci:

Kuba akukwana azintu ezyo Leza nzyakakusyoma anzizyo.

TUPETO TWAKUBIKA MUMUTWE:

“Teensi kwaamba kuti mbulide cintu, pe, nkaambo ndicibwene kulibamba kabotu kufumbwa kubusena nkubede.” - Ba-Filipi 4:11

“Taakwe muzike uukonzya kubelekela bami bobile. Nkaambo ulasula umwi ayande umwi, na ulakakatila kulumwi, asampaule umwi. Tamukonzya kubelekela Leza milimo antoomwe alubono.” - Luka 16:13

AMUBE AMUZEZO WAMWEENDELEZI

A. Zintu zyoonse zyamunyika nzizya Leza nkaambo ngowakalenga zyoonse zintu.

“Nyika njiya-Jehova azili mumo zyoonse, Luwa abaabo bakede mulindulo.”

- Intembauzyo 24:1

“Nkaambo banyama boonse bamusokwe mbibangu, an’gombe zili kuzilundu zili cuulu. Ndibezi boonse bayuni bakumulundu, azintu zyoonse zyeendeenda musokwe nzizyangu. Nendakafwa inzala nentakwaambila, nkaambo nyika njiyangu azyoonse zili mulinjyio.”

- Intembauzyo 50:10-12

B. Ujiisi mulimo wakweendelezya cibebe cimwi ca zintu zya-Leza. Nzizya-Leza, akuti nduwe weendelezya.

“Cintu cibotu ceelela muntu, ndibwene kuti nceeci: kulya akunywa akulibotezya mumilimo yakwe yoonse njaabeleka ansi ano mumazuba mace Leza ngaamwaambila, nkaambo ncecaabilo cakwe. Kufumbwa muntu Leza ngwapa buvubi ambono anguzu zyakulibotezya, kuti atambule caabilo cakwe akusekelela mumilimo yakwe, ncobeni eci ncaabilo ca-Leza.”

- Mukambausi 5:18-19

C. Nzila njooyeendelezya zintu zyakunyama iyakuyubununa nzila njooyeenedelezya milimo yako yakumuuya.

“Uusyomekede kuciniini ulisyomekede akucipati, uutaluleme kuciniini taluleme akucipati. Aboobo kuti tamusyomeki kulubono lwakutalulama, ino nguni uuti kamusyome kulubono lwiniilwini? Alimwi kuti tamusyomeki kulizyabamwi, ino nguni uuti kamupe canu.?”

- Luka 16:10-12

D. Uyakulitabilila kuli-Leza busyomeki bwako muzintu zyoendelezya ezyo nzyakakusyoma anzizyo.

“Lino kumakani aababanzi, cintu ciyandwa nceeci, kuti muntu asyomeke. Pele kulindime makani maniini buyo kulingulwa kulindinywe nikuba kulubeta lwabantu. Ncobeni nsililinguli ndemwini. Nkaambo nsiliboni kaambo, nekubaboobo teensi boobo mbundulamikidwe pe. Mwani nguundilungula.”- 1 Ba-Korinto 4:2-4

MUBANDI:

Sena wakalangisisya kale kaambo kakwaamba kuti weendelezya buyo zintu zya-Leza akuti tazilizyako?

Bubotu buti mboyyeendelezya zintu zyoonse zyakakupa Leza?

AMUBE AMUZEZO WA ZINTU ZITAMANI

A. Bunji bwazintu nzyojiisi takuli kubonya mbobede kumuuya.

Luka 12:15

B. Takukwa bubotu mukuvuba zintu zyaansi.

Luka 12:16-21

C. Cilikabotu kutobela cilogwe ciluleme a-Leza kwiinda kutobela buvubi bwe nyika.

Tusimpi 15:16; 16:8

D. Nzila ifwambana yakuyubununa eco moyo wako nceubikila maano njakulanga kubikilila zintu zyako.

Matayo 6:19-21

E. Langisya maano ako aa bwami bwa-Leza, akumuzumizya kuti asanine kuyanda kwako kwanyama.

Matayo 6:33

F. Lubono lubotu ndojisi muuya wako utamani, kutali zintu zyako zyaansi.

Matayo 16:24-26

G. Weelede kusala akati kakubelekela Mwami azintu zyaanyika.

Luka 16:13; Ba-Kolose 3:2

MUBANDI:

Sena ulakozyanisya bunji bwazintu zyojiisi abupati mbwakuyanda Leza?

Cibela nzi cabuumi bwako cijisi bulangisi bwa moyo wako?

Sena utola ciindi kukulangisya kumali ngotambula kwiinda kuyandaula nzila zyakubika zintu zyako kukukomezya bwami bwa-Leza?

AMUBE AMUZEZO WA LUSYOMO

- A. Weelede kusyoma Leza kuti akupe zintu zyoonse nzyoyanda kwiinda kusola kulipa nzizyo munzila yako.
Ba-Filipi 4:19
- B. Lubono lwako luyooleba cilongwe cako a-Leza nakuti wabika lusyomo lwako muli ndulo.
Marko 10:23-27; Tusimpi 11:28
- C. Utakalubi Leza ciindi naakuleleka azintu.
Deuteronomo 6:10-12; Deuteronomo 8:10-18
- D. Utakabuli lusyomo muli-Leza ciindi noba aziindi zyabuyumuyumu bwakusweekelwa kupati.
Jobo 1:20-22

MUBANDI:

Sena uli muntu ulikusya alike? Ino eco cikasya buti noyanda kukucitila Leza mubuumi bwako?

Sena kuli ciindi nuwakaba kale abuyumuyumu bupati bwamali? Ino eco cakajata buti cilongwe cako-Leza?

AMUBE AMUZEZO WAKUBULA KAMPENDA

- A. Utije muzezo wakuyanda kujana buvubi cakufwaambana.
Tusimpi 20:21; Tusimpi 28:20, 22
- B. Utakabi akweemuzya kwa lubono lwaumwi muntu.
Intembauzyo 49:16-17; Kulonga 20:17
- C. Utakazumizyi bubanzi bwako bwa mali kukasya buposoloji bwako na izina lya-Leza kwaambwa bubi mumuunzi wako.
Tusimpi 30:7-9; Intembauzyo 37:21
- D. Kosyomeke abulemu mumakwebo ngocita. Leza takoyookuleleka nakuti wasala kutyola milazyo yabbaibele yakujana buvubi.
2 Ba-Korinto 8:21; Tusimpi 10:4, 22

MUBANDI:

Sena wakazumizya kale kuti lubono lwaaumwi kukasya kusala kwa mali kwako?

Buposoloji nzi bwa mali mumuunzi wako?

AMUBE AMUZEZO WAKUBA ALULAMO WAZYEEZYO NZYOJISI**NTAAMU MPATI YACIIYO ECI!**

Koba alulamo kuli eco Leza ncaakupa. Kuba alulamo taacaambi kuba amuzezo mubi akuzumina bube bwa buumi bwako. Kuba amuzezo walulamo kuziba kuti zyoonse nzyojiisi zileleko buyo zizwa kuli-Leza, akuzula mukupa kwa-Leza. Lulamo bube bwakuiya, akuti cimwi ciindi uyandika kwiinda mubuyumuyumu kuti wiye. Apostolo Paulo wakapandulula ncaakaiya amakani abulamo ciindi nakali muntolongo.

“Teensi kwaamba kuti mbulide cintu, pe, nkaambo ndicibwene kulibamba kabotu kufumbwa kubusena nkumbede. Ndikuzi kulifwiinsya, ndilizi kulivubya. Koonse koonse amuziyanza zyoonse ndiiyide kupona kabotu, nimuba mukukuta nimuba mukufwa inzala, nimuba mukulivumbya nimuba mukulitengwaanya. Zintu zyoonse buyo ndazikonzya nkaambo kanguzu nzimpedwe kuli-Kristo.”

- Ba-Filipi 4:11-13

A. Leza ubelesya boonse bacete abavubi kukomezya bwami bwakwe.

Ikaambo kapati takali kabunji buvubi mbojiisi, pele buyandisi buti mbujiisi kukubelesya zintu zyakakupa Leza kumubelekela.

1. Jesu walikweenda akabunga kabamakaintu bavubi abo balikupa zyamumulimo wakwe.

Luka 8:1-3

2. Paulo wakabelesya cikombelo cakumakedoniy mbuli cikozyanyo cakupa kukugwasya mulimo muciiindi cabucete bwabo.

2 Ba-Korinto 8:1-3

B. Lulamo luzwa mukuba akuswiilisa kuti cilongwe a-Leza kokuzwa akulike buvubi butamani.

Cimwi ciindi inga cayandika kuti utule buvubi butakalili kuti ukatambule bulumbu obo Leza buyo ngoukonzya kupa.

Ba-Filipi 3:7-8; 1 Timoteo 6:6-8

C. Kuyandisya mali ngomuyanda wabubi boonse.

Bavubi abacete boonse bayandisya mali akucipanga bulangizi bwabo kuvuzya buvubi. Aboobo, tabayoobi alukondo, alimwi ciyoobaletela buyo buusu.

1 Timoteo 6:9-10

D. Bantu banjila mumapenzi alubono mutwaambo tunji.

Kanji, nkaambo kakuti tabazulide azyezyo Leza nzyabapa.

1. Zipekupeku azimwi zitondezyo zimukulwaizya kuti mule zintu kwinda mukumuletela kutaba alulamo mumoyo. bbaibele liciiya kuti kulikumbuzya, alimwi icikozyanisya akukomba mituni.

Intembauzyo 37:4; Ba-Kolose 3:5

2. Nkongole zinji ziza akaambo kabantu kuula zintu zyebatakonzyi kuula.

Tusimpi 22:7; Ba-Roma 13:8

E. Leza uyanda kuti weelansye lubono lwako.

Oku kokweelansya kubotu nkoyelede kuba mumuzezo wako aa mali alubono. Bbaibele talili lwani pe, pele lukuupa milazyo iyakukupa lweelaniko mukubamba lubono lwako. Nzeezi zikozyanyo zimwi.

1. **Koyezyanisya bbaibele celyaamba amakani aa kupa kuyanda kwako. Bbaibele lyaamba** kuti toelede kulibilika akuyanda kwakunyama, pele alimwi lyaamba kuti weelede kubeleka akusanina mukwasyi wako.

“Nkaambo kaako mutalibiliki cakwaamba kuti Tukalye nzi? Tukanywenzi? Tukasame nzi?” - Matayo 6:31

“Nkaambo notwakacili akati kanu twakamupa mulazyo oyu wakuti, Na kuli uukaka kubeleka, atabi nalya.” - 2 Ba-Tesalonika 3:10

2. **Kozyanisya ceelyaamba bbaibele amakani akuyobola mali alubono.** Bbaibele lyaamba kuti abo babeleka canguzu balatambula bulumbu bunji kwiinda bamwi, pele alimwi lyaamba kuti bulangisi bwako tabweelede kuba kwazintu zyaciindi ciniini buyo.

“Ijanza itolo lilaleta bucete, Pele maanza aabasungusungu alavubya.” - Tusimpi 10:4

“Nkaambo takukwe ncotwakaleta ansi ano nociba ncotukonzya kutolelela nkuko.”

- 1 Timoteo 6:7.

MUBANDI:

Sena ulimvwa kuti buyumuyumu ndojiisi mulubono lwako lukukasya kubelekela Leza kuzwide?

Sena kwaba kale ciindi niwakasala kutula zintu zyako kuti ukabike bulangisi bwako acilongwe cako a-Kristo?

Sena nkocili ncomwe mulubono lwako ncoyandaisya kweelanika?

Sena bube bwalubono lwako lukuzumizya kuyobola mali?

Sena uli jiisi makanze alembedwe akubelesya mali akukugwasya kukukwabilila kukuula zintu nzyootakonzyi? Na pe, lemba ciindi cakubeleka aaoyo muntu ukuiisya kuti mulenbe kanze elyo.

KWIINDULUKA AKWAAMBAULA

1. Pandulula ncecaamba kuti kweendelezya zintu zya-Leza kwiinda kuba zyako.

2. Lemba milazyo yotatwe atupeto tugwasilizya oto tuyakukugwasya kuyaka muzezo wa zintu zitamani amakani amali alubono.

a.

b.

c.

3. Kopandulula nkaambo nzi muntu takonzyi kukutilila kukujana buyo buvubi?

4. Nkaambo nzi ciyandisi kubulakampenda mumicito tamale yako?

5. Ino kuba amuzezo utaluleme kumakani amali cinyonyona buti cilongwe cako a-Leza?



6. Nitaamu nzi yamakanze aciiyo eci, alimwi cakuiisya nzi?

KUBALA BBAIBELE KWACIGAMININA

Nzila yomwe mpati yakuyaka lulamo njakulangisya kuzintu zya mubuumi ezyo ziyandisi kwiinda mali, ezyo mali nzyaatakonzyi kuula. Bala tupeto tutobela alimwi ulembe zimwi zintu zitakonzyi kuuligwa amali.

Intembauzyo 119:14, 72, 127

Mukambausi 4:6

Tusimpi 16:16

Mukambausi 5:12

Tusimpi 16:8; 28:6; Intembauzyo 37:16

Matayo 16:26

Mu mukambausi 2:4-11, Solomoni wambaula amakani alubono lwakwe. Wala muzezo nzi ciindi naalikuba abuvubi bwakwe alubono? Mamanino atwaambo twakwe ali aabuti nakamana kujana zyaalikuyanda?

Bala Matayo 6:25-34 aa Ba-Filipi 4:19. Leza usyomezya kukupa buyandisi bwako bwakunyama akumuuya. Aboobo, ciyandisi kuli nduwe kuti ukonzye kwaandanya lwiindano akati kakubula akuyanda. Kozyanisya tupeto tutobela, alimwi ulembe imwi mikozyanyo yakuyanda akubula mubuumi bwako

KUYANDA:

ZYAKUBULA:

Jakobo 2:15-16; Hebrayo 4:15-16; Marko 2:25

Intembauzyo 23:1; Tusimpi 13:25; Jakobo 1:4

Lemba kalembo kazimwi zyakuyanda

Lemba kalembo kazimwi zyakubula



INJISYO

LYA- BBAIBBELE

MUKWASYI

Kukomba kwesu amulimo kuli-Leza utalikila mukati ka n'ganda, alimwi nkokuko nkotujana cilongwe cesu ciyandisi cabantu boonse. Leza wakapa imwi milimo kuli basizizo bamwi bamukwasyi ezyo nzitupa nguzu kuti tukondwe akausekelela mu n'ganda kubulemu bwa-Leza.

Ntaamu yabbala iyaciiyo eci:

Mulimo

Ntaamu yamubuzyo wiingulwa muciiyo eci:

Milimo nzi yamu bbaibele njejiisi mukati kamukwasyi?

Ntaamu yamakanze aciiyo eci:

Kwiisya mbuli bwakubeleka kwiinda mu bbaibele mukati kamukwasyi wako.

Ntaamu mpati yaciiyo eci:

Leza ubelesya mulimo wako mumukwasyi mbuli cikozyanyo cacecipandulula kuba sizo wamukwasyi wa-Leza

TUPETO TWAKUBIKA MUMUTWE

“Banike, amulemeke bazyali banu mu-Mwami, nkaambo cililuleme kucita obo. Aka kapango kakuti, Lemya uso abanyoko, ngumulazyo mutaanzi uuyungizizigwa cisyomezyo. Kulaambwa kuti, Ukale kabotu akupona ciindi cilamfu ansi. Anywebo numawisi, mutanoluvukili bana banu, pele amubalele mulwiisyo lwa-Mwami amumulazyo yakwe.” – Ba-Efeso 6:1-4

“Nekubaboobo mwaalumi umwi aumwi akati kanu ayande mukaakwe mbuli mbwaliyanda mwini, alakwe mwanakazi aleye mulumi wakwe.” – Ba-Efeso 5:33

BUYANDISI BWAMUKWASYI

A. Kabunga kataanzi Leza nkakaanza ansi kamukwasyi

Leza ngowakalenga muskwasyi, alimwi Leza ngowakatalika cikwati citaanzi. Bazyali besu bakapegwa mulimo wakuyandana, akukomezya kukwasyi

Matalikilo 1:26-28; 2:18; 21:24

B. Imukwasyi wabantu cimboniboni ca mukwasyi wa-Leza

mukwasyi weelede kuba kabunga kanini kaiiminina mbungano nkaambo cimboniboni cipona camukwasyi wa-Leza. Nkekako nkaambo ciindi coonse mukwasyi wakaba busena bwakulizibya kuli kufumbwa oyo uyanda kuba mukambausi wembungano.

1 Timoteo 3:4-5

NTAAMU MPATI YACIIYO ECI!

Leza ubelesya mulimo wako mumukwasyi kubonya ncecipandulula kuba cizo cakumuuya wamukwasyi wa-Leza.

1. **MUKWASYI**- mubili wa-Kristo wiitwa kuti "Mukwasyi" wa-Leza
Ba-Efeso 3:14-15
2. **MWALUMI**- wakeebelwa aa-Kristo mbuli "mwaalumi omwe"
2 Ba-Korinto 11:2
3. **BANAKWE**- mubili wa-Kristo wiitwa kuti " banakwe bakabelele."
Ciyubunuzyo 19:7
4. **TAATA**- Leza uyanda kuti mumuswenene mbuli "Taata"
Luka 11:1-2
5. **BAAMA**- weelede kwiisya bamwi amuuya "mbuli uunyonsya mbwabukata bana bakwe mwini"
1 Ba-Tesalonika 2:7-8
6. **BANA**- L eza uyanda kuti mube acilongwe mbuli bakwe "baalumi abanakazi"
2 Ba-Korinto 6:17-18

MILIMO YAMUBBAIBELE YA-MWAALUMI

A. Mwaalumi weelede kuyanda mwanakazi wakwe mbuli Kristo mbwakayanda mbungano.

Jesu wakasala kusiya bulemu bwakwe boonse abuvubi bwakujulu kuti abe mubelesi mucete. Wakapa buumi bwakwe kufutula ndiswe. Munzila njoonya eyo, mwaalumi weelede kulipa kukuyanda kwakwe, akupa mubuumi bwakwe kukubelekela akuponenena mukakwe.

“Anywebo nobalumi, amuyande banakazi banu, mbuli Kristo mbwaakayanda imbungano akulyaaba nkaambo kanjiyo.”- Ba-Efeso 5:25

“Amube amoyo oyo nguwenya iwakali muli-Kristo Jesu. Walo wakali aciimo ca-Leza nekubaboobo teewakayeeya kuti neivuumuko kweelana a-Leza, pe. Wakalilozya, wakalisalila ciimo cabuzike akuba mbubonya mbuli bantu balya maila. Lino naakabonwa kuti waba acikozyano camuntu, wakalibombya akuzumina nikuba kufwa, nkukuti kufwa kwakubambulwa aciingano.”- Ba-Filipi 2:5-8

“Mulizi mbulubede luzyalo lwa-Mwami wesu Jesu Kristo, nkaambo walo wakali muvubi, nekubaboobo wakaba mucete nkaambo kandinywe, kuti bucete bwakwe bumuletele buvubi nywebo.”- 2 Ba-Korinto 8:9

B. Mwalumi weelede kulemeka mwanakazi wakwe.

Mwalumi weelede kuziba, akubikila maano mwanakazi wakwe. Weelede kumusumpula mbuli cintu cibote citakwe muulo, akumujata abusungu bupati nkaambo muyandisi. Mwalumi weelede kucita mwanakazi wakwe mbuli muswaananyina, kazibide kuti bajiisi bwiime mweelene mumeso a-Leza.

*“Ngwani uukonzya kujana mwanakazi mubotu. Ulayandika loko kwiinda mabwe aarybi.”
- Tusimpi 31:10*

*“Anywebo nobalumi, mbubonya obo, amukale kabotu abakazi banu, nkaambo mukazi uli mbuli cilongo cikompeme, mulumi nguunda inguzu. Amubalemeke, mbobali baswaananyoko kubuumi mbomuti pegwe, kuti kukomba kwanu kutabi kwabuyo.”
- 1 Petro 3:7*

KAZIBYO KAPATI:

Apostolo Petro uucenjezya mwalumi kuti mipailo yakwe ilalebwa nakuti talemeki mwanakazi wakwe. Mulimo wamwalumi oonse kupailila mwanakazi wakwe amukwasyi. Petro wacenjezya kuti na mwalumi tayandi akulemeka mwanakazi wakwe, nkokuti takopailila mwanakazi wakwe mbuli mbweelede. Mipailo yamwalumi citondezyo ca mbuli mbwasumpula mwanakazi wakwe amukwasyi.

“...kuti kukomba kwanu kutabi kwabuyo.”- 1 Petro 3:7

KWAAMBAULA:

Mbobuti mbolangisisya kuti mukazi wako ulimvwa kuyandwa akulemekwa?

Sena cilongwe cako a-Leza cigwasilizya cilongwe cako amukazi wako?

MULIMO WAMUKAZI KWEENDELANA ABBAIBELE.**A. Mukazi weelede kugwasya mwaalumi wakwe.**

Mwalumi takonzya kweendelezya n'ganda akusanina mukwasyi alike. Uyandikana lugwasyo lwa mukazi wabu-leza oyo ujeseni antoomwe amwalumi akwe mbuli omwe, akubeleka antoomwe awalo nagwasilizya mwalumi akwe kuswiilila kuyanda kwa-Leza amukwasyi

“Lino Jehova Leza wakati, Tacili cibotu kuti muntu akale alike Atumucitile sikumugwasya uumweelede.”- Matalikilo 2:18

“Nkaambo kaako mwaalumi uleelede kusia wisi abanyina akukakatila kumwanakazi wakwe, babe nyama yomwe buyo. Nkabela boonse bobile bakali basizinswe, mwaalumi abanakwe, pele kabatakwe insoni.”- Matalikilo 2:24-25

B. Mukazi weelede kulemeka mwaalumi wakwe.

Leza uyanda kuti mwanakazi atobele busolozzi bwamwaalumi wakwe. Weelede kutaba muluse kumulimo wakutaliyanda alike ngwabona, akuyanda abulemu obo mwalumi mbwamupa. Mukazi weelede kulemeka mulimo wamwaalumi acikozyanyo cakwe mu n'ganda mbubonya mbungano mboicita kuli Kristo.

“Nubanakazi, amulibombye kubalumi banu, mbubonya mbukweelede mu-mwami.”

- Ba-Kolose 3:18

“Nekubaboobo mwaalumi umwi aumwi akati kanu ayande mukaakwe mbuli mbwaliyanda mwini, alakwe mwanakazi aleye mulumi wakwe.”- Ba-Efeso 5:33

KAZIBYO KAPATI:

Mulazyo wamwanakazi wakulibombya kumwaalumi akwe uza musule wamulazyo wabasyomi boonse kuti babe amoyo wakulibombya kuli umwi aumwi. Mukaintu ulibombya weelede kuba mucikwati omo bobile boonse mobalibambilide kuba amiyeyo yabbaibele, akuti bakalipa kuti babelekelane umwi aumwi.

“akulibombya umwi aumwi kumweenzinyina akulemeka Kristo. Nubanakazi, amulibombye kubalumi banu mbuli mbumulibombya kuli-Leza. Nkaambo mulumi ngumutwe wamukakwe, mbubonya mbuli Kristo mbwali mutwe wambungano, alimwi ngumuvuni wamubili. Pele mbuli imbungano mbwiilibombya kuli-Kristo, abalo banakazi mbubonya baleelede kulibombya kubalumi babo muzintu zyoonse.”- Ba-Efeso 5:21-24

Kwaambaula:

Mbobuti mbogwasya mwaalumi wako kuzuzikizya kuyanda kwa-Leza amukwasyi wako?

Mbobuti mbolibombya kubweendelezyi bwa mwalumi wako mukati ka nhanda yako amukwasyi?

MULIMO WABAZYALI KWEENDELANA ABBAIBELE

Tumpango twiindene twa mu bbaibele twaamba milimo ya-bazyali twaambisisya a mwalumi na mukaintu. Aboobo, ciyandisi kuyeeya kuti ciindi coonse tumpango oto tuya kubazyali boonse bobile, amwalumi kaendelezwa mbuli cikozyanyo.

A. Bazyali beelede kwiisya bana babo.

Bazyali bajiisi mulimo wakuiisya bana babo kuti babe bapati batobela Leza. Eci ciyakuswaanganya luyando akubakulwaiizya nobapa bana babo milazyo yamu bbaibele abusicamba akulaiilila kusungwede.

“Nkabela aya majwi ngendamulailila buzuba obuno abe amyoyo yanu. Muleelede kwaaiisya bana banu, akwaambaula ngawo lyoonse, ciindi cakukala mun’ganda aciindi cakweenda munzila, ciindi cakoona aciindi cakubuka.” - Deutronomo 6:6-7

“Iyisya mwana aende munzila iielede, Lino akomene takooyooleya mulijiyu.” - Tusimpi 22:6

“Musako akutapatila, zilaleta busongo, Pele mwana ulekelelwa buyo ulausya banyina insoni.” - Tusimpi 29:15

B. Bazyali tabeelede kutyompya bana babo.

Malailile abazyali aeledede kuba akuyeezwa akukazika moyo. Bazyali beelede koolola bana babo akulaya kwa mubbaibele, pele alimwi beelede kubayumya. Kukomezwa bana kulakatazwa alimwi kunyema kulaleta kuti batyompwe akusululwa beni.

“Anywebi numawisi, mutanoooluvukili bana banu, pele amubalele mulwiiyo Iwa-Mwami amumulazyo yakwe.” - Ba-Efeso 6:4

“Anywebo numawisi, mutanoonyenukili bana banu, kuti batanoosululwi.” - Ba-Kolose 3:21

“Mulizi kuti twakamucita umwi aumwi mbuli wisis mbwacitila bana bakwe. Twakali kumukombelezwa akumusenengezwa akumulungulwida.” - 1 Ba-Tesalonika 2:11

C. Bazyali beelede kweendelezwa n’ganda yabo.

Bazyali bobile boonse beelede kubelekela antoomwe kukusololela n’ganda mubusalali amubusongo koonse kumakani akunyama akumuuya. Bbaibele lilapa milazyo amilimo yabazyali bobile boonse. Mwalumi ngomutwe wen’ganda, pele mwanakazi ulamulimo wakweendelezwa n’ganda.

“Na muntu tabambi basazinyina, kwaambisya bamun’ganda yakwe, wati oyo ulisowede lusyomo lwakwe, ulaindilila akuliyooyo uutazumina.” - 1 Timoteo 5:8

“Eno obo njanda kuti abo bacilli bana kabakwatwa buyo akuzyala bana akubamba maanda aabo, kuti sinkondonyina wesu abule ampabainda.”- 1 Timoteo 5:14

“Muntu mubotu ulasiila bazukulu bakwe lubono, pele imbono zyabasizibi zilayobwedwa baluleme.”- Tusimpi 13:22

“Pele na mumeso aanu kwabija kumanina Jehova milimo, lino amulisalile buzuba obuno ngumuyanda kubelekela, nanka mizimu bamausi njibakabelekela mutala lyamulonga, nanka mizimu yaba-Amori mbemukede abo munyika yabo. Pele mebo abasin’ganda bangu ndabelekela Jehova.”- Joshua 24:15

MULIMO WA-BANA KWEENDELANA ABBAIBELE

Bazyali bapa bana babo busena bulondolokede kuti babe basalali abapati basekelela ciindi nibazuzikizya milimo babo mbuli banabukwetene ba-leza abazyali bamu li-leza. Bana baiiya kuswiilila Leza kwiinda mukuswiilila bazyali babo balo abo baswiilila Leza. Nkekako kaambo bana bajiisi mulimo omwe buyo mun’ganda, mulimo wakulemeka.

“Banike, amulemeke bazyali banu mu-Mwami, nkaambo cililuleme kucita obo. Aka kapango kakuti, Lemya uso abanyoko, ngumulazyo mutanzi uuyungizizigwa cisyomezyo. Kulaambwa kuti, ukale kabotu akupona ciindi cilamfu ansi.”- Ba-Efeso 6:1-3

A. Bana beelede kuswiili bazyali babo.

Bana nobaswiilila bazyali babo, baswiilila Mwami. Bana batalika ntalisyo yakuswiilila kuza kumbele kwa Mwami kwiinda mukuswiilila bazyali babo.

1. Bana beelede kuswiilila bazyali babo nkaambo ijwi lya-Leza lilabalailila.

“Banike, amulemeke bazyali banu mu-Mwami....”- Ba-Efeso 6:1

2. Mulimo wabana mun’ganda ngwakuswiilila bazyali babo nkaambo cintu cibotu cakucita.

“...cililuleme kucita obo.”- Ba-Efeso 6:1

B. Bana beelede kulemeka bazyali babo.

Oyu mulazyo wiindene, pele ngwenya mulazyo oyo ulangisisya moyo wakuswiilila.

1. Magolelo taali akuswiilila buyo, pele kuswiilila kuzwa ku moyo. Bana beelede kusyoma bazyali babo akubaswiilila kuzwa kuluyando akubulemu.

“Aka kapango kakuti, Lemya uso abanyoko..”- Ba-Efeso 6:2

2. Mulazyo uza acisyomezyo. Nakuti bana balasyoma, akuyanda, akulemeka, aliwmi akuswiilila bazyali babo, inga bapone buumi buzulida abubotu. Kuli bana bamwi, aboobo, abo basala kutaswiilila akwiindwa eci cisyomezyo cizwa kuli-Mwami.

“Kulaambwa kuti, ukale kabotu akupona ciindi cilamfu ansi.”- Ba-Efeso 6:3

KUYEEZYA KUPATI:

Cibela amulimo wamukati kumikwasyi yesu yaansi zyalengelwa kuba zitondezyo zipona zya mukwasyi wa-Leza. Mumwaalumi tubona kulipa aluyando Iwa-Kristo. Kwiinda mumukaintu tubona luyando abulemeko bwambungano. Kwiinda mubazyali tubona luyando abusololi bwa Taatesu wakujulu. Kwiinda mubana tubona luyando, lusyomo, akuswiilila kwamusyomi oonse.

Ciindi cibela zyoonse ezi zyamukwasyi nezisika antoomwe muluswaanano, babonya nyika eyo Leza njayandila bantu boonse. Citondezyo caluyando Iwa-Leza, musalali, abusongo. Mukwasyi cintu cipati cakubelesya kulemeka Leza munyika.

KWAAMBAULA:

Sena micito yako igwasilizya kasimpe kajwi Iya-Leza eyo njooisya bana bako?

Mbobuti mbolailila bana bako?

Inga wacaamba buti cilongwe cako abana bako?

Sena Leza ulalemekwa kwiinda mumukwasyi wako?

KWINDULUKA AKWAAMBAULA

1. Kweendelana a 1 Timoteo 3:4-4, nkaambo nzi n’ganda njiyandisi mumulimo wa-Leza?

2. Pandulula mumabala ako milimo yabbaibele ya-mwalumi, banakazi, bazyali, abana.

a. Mwalumi _____

b. Banakazi _____

c. Bazyali _____

d. Bana _____

3. Ino nintaamu nzi lyamakanze aciiyo eci, alimwi cakuiisya nzi?

KUBALA BBAIBELE KWACIGAMINA

Bala matalikilo 20:1-13. Sena Abrahamu wakazuzikizya mulimo wakwe kumukaintu wakwe Sala. Ncinzi ncoyeeya kuti Abrahamu waalikweelede kucita bwiindene?

Bala Matalikilo 27. Cinzi Rebeka ncaakacitu kuyumya mwaanakwe Jakobo ciinda nakaziba kuti Isaaki waalikuyanda kuleleka Esau? Ino Isaac aRebeka baalibazyali babuti ba Jakobo aEsau? Ino kusala kwabazyali ba Jakobo aEsau kwakanyonyona buti nguzu zyakusala kwabo?

Bala Jobo 1-2. Kapango aka kaambaula amakani amuzike wa-Leza Jobo mbwakalwanwa kunyama asaatani. Lugwasyo nzi mukaitu wa-Jobo ndwakamupa muciiindi camapenzi akucisa?

Bala Ncito 18:1-4; 18:18-28; aliwmi a Ba-Roma 16:3-5. Apostolo Paulo wakabeleka aba Akula aba Priskila mulimo wakwe oonse mumasi aindene anyika. Ino n'ganda yaba Akula aba Priskila yaaliyandisi buti mumulimo wa-Leza? Ubelesya buti n'ganda yako mumulimo wa-Leza?



INJISYO

I YA- RRAIRRFI F

BAMWI BANA-KRISTO

Wakangila mumukwasyi wa-Leza kwiinda muku zyalululwa kwaku Muuya ciindi nuwakasyoma Jesu Kristo mbuli Mufutuli. Eno ujiisi mukwasyi waku muuya antoomwe abazyalwanyoko abacizi abo bakafutulwa kwiinda mulufu, kuzikwa, akubuka kubafu kwa Jesu Kristo. Eci ciiyo cilakusolweda mucilongwe cibotu ncojiisi amukwasyi waku waku muuya.

Ntaamu ya-bala Iya ciiyo eci

KUSWAANANA

Ntaamu ya mubuzyo wiingulwa muciiyo eci

Cilongwe nzi ncenjiisi abana Kristo bamwi?

Ntaamu ya-makanze aciiyo eci

Kukupa luzibo busalala mbuli mubili wa-Kristo mbubeleka mbuli mukwasyi omwe.

Ntaamu mpati ya-ciiyo eci

Weelede kuba acilongwe cigaminima a-Jesu kotaninga kuswaanana abasyomi bamwi.

TUNCALI TWAKUBIKA MUMUTWE:

“Kuliceeci bantu boonse bayoomuziba, kuti muli basikwiiya bangu, mwanooyandana amweenzinyina.” - Johane 13:35

“Pele na tuleenda mumumuni, mbubonya alakwe mbwali mumumuni, tuliji luswaanano umwi aumwi, alimwi bulowa bwa-Jesu Kristo mwana akwe bulatusalazya kuzibi zyoonse.”- 1 Johane 1:7

KUZIBISISYA CILONGWE CAKO AMUKWASYI WAKU MUUYA WA-LEZA.

- A. Bakulana abacizi bako mbaabo buyo bakazyalululwa mulufu, kuzikwa, akubuka kwa-Jesu Kristo.**

“Nkaambo abo mbaakabwene kale wakabakanza kuti bakozyanisigwe mucikozyano ca-Mwanaakwe, akabe mutaanzi akati kababunyina banji.”- Ba-Roma 8:29

“Amubone mbulubede olo luyando lupati ndwaakatupa Taata lwakuti tubandwe kuti mbana ba-Leza, nkabela mbubonya obo mbutubede ncobeni. Nkaambo kaako nyika tiituzi, nkaambo alakwe teeyakamuzi. Nobayandwa, lino tuli bana ba-Lez, alimwi takuna kuyubununwa mbutuzooba, pele tulizi kuti nazoolibona tuzooba mbuli nguwe, nkambo tuzoomubona mbuli mbwabede.”- 1 Johane 3:1-2

- B. Abo batana kuzyalululwa tabajiisi cilongwe kumuuya anduwe, alimwi tabali bana ba-Leza.**

“Nkukwaamba kuti bana bakunyama teensi mbabo mbibana ba-Leza, pele bana balusyomezyo mbibaaba baambwa mbuli inyungu.”- Ba-Roma 9:8

“Nkaambo kaako amuzwe akati kabo, mupambukane, mbwaamba Jehova. Mutaampi cintu citasalali, nenzoomutamula, nzoomubeda mbuli Usowanu, anywebo muzoondibeda bana bangu baalumi abanakazi. Mbuboobo mbwaamba Jehova singuzuzyoonse.”

- 2 Ba-Korinto 6:17 -18

KUZIBISISYA MULIMO WAKO MUMUKWASYI WAKU MUUYA WA-LEZA

- A. Ujisi mulimo kumuuya ku bakulana abacizi bako ba muli-Kristo**

1. Kokombela mukwasyi wako.

1 Ba-Tesalonika 1:2-3; 2 Timoteo 1:3

2. Kobelekela amwi abamukwasyi wako kukumwaya makani mabotu.

1 Ba-Korinto 3:5-10

3. Koabana kulemenwa kwako mumapenzi amukwasyi wako

1 Ba-Korinto 12:24-26; Ba-Roma 12:13-16

B. Ujiisi mulimo wakunyama kuli bakulana abacizi bako muli Kristo.

1. Komvwa kuyanda kwamukwasyi wako alimwi ugwasilizye kukuzuzikizya kuyanda kwabo.

a. Koiisya basyomi mucikombelo cako.

1 Johane 3:16-18; Jakobo 2:15-16

b. Koiisya basyomi bamu zikombelo zimwi

Ncito 11:27-30; Ba-Galatia 6:10

2. Kobelekela mukwasyi wako cakulibombya kwiinda mukupika kuyanda kwabo ambele kwakuyanda kwako. - **Ba-Filipi 2:3-4**

C. Ujiisi mulimo wacigaminina ku bakulana abacizi bako ba muli-Kristo.

1. Kolailila akugwasilizya mukwasyi wako

Ba-Roma 15:1-2; Ba-Hebrayo 13:3; 1 Ba-Tesalonika 5:11

2. Koba aluyando lwamu bbaibele kumukwasyi wako amizezo isalala.

Johane 13:34-35; 1 Johane 3:14-16

3. Kobaabusicamba kumukwasyi wako

Ba-Roma 15:5-7

4. Kosyomeka kumukwasyi wako kwiinda kukwaamba kasimpe

Ba-Efeso 4:15,25,29

5. Kolekelela mukwasyi wako mboonya obo Leza bwaakakulekelela

Ba-Efeso 4:32

Mubandi:

Njiili mipailo imwi yako njoopailila bantu bamukwasyi wako wacikombelo?

Sena kuli mukulana na mucizi wamuli Kristo ngozi kuti uyanda kugwasigwa munzila yakunyama?

Ino inga wabagwasya buti?

KUZIBISISYA BUYANDISI BWAKUSWAANANA AKAMUKWASYI WAKO WAKU-MUUYA WA-LEZA.

NTAAMU MPATI YA CIIYO ECI!

Kuswaanana kwabwini kwamu bbaibele kujanwa mubuntu bwa Mwami Jesu Kristo. Musyomi nakomena mucilongwe cakwe a-Leza, umwi aumwi ulaliswaanganya antoomwe muluswaanano abamwi. Weelede kuba acilongwe cigaminina a-Jesu kotana kuba akuswaanana kwamu bbaibele abasyomi bamwi.

1 Johane 1:1-7; 1 Ba-Korinto 1:9-10

A. Kuswaanana kwamu bbaibele ceecaange cizibwa eco ciswaananya basyomi boonse mubuntu bwa-Mwami Jesu Kristo.

Ujisi mulimo abuumi bomwe ababo bantu boonse bakafutulwa kwiinda mulufu, kuzikwa, akubuka kubafu kwa-Jesu Kristo. Ciyandisi kuliswaanganya abasyomi bamwi mumucito, mumyaambo, amuceenzinyina nkaambo cilakupa coolwe cakuba aluswaanano lwamu bbaibele mubuumi bwako. Basyomi balajatisyanya muluswaanano, kutali nebaswaangana, pele ciindi buumi bwaku muuya nebwaabanwa.

Ba-Filipi 1:3-6; 2:1-2

B. Basyomi balajatisyanya mukuswaanana kwa mu bbaibele ciindi buumi bwaku muuya nebwaabanwa.

1. Luswaanano lulajatisyanya basyomi mukukomba

2 Ba-Korinto 1:11

2. Luswaanano lulajatisyanya basyomi mulusyomo

Ba-Roma 1:12; Ba-Filipi 1:27

3. Luswaanano lulajatisyanya basyomi mumulimo wa-Leza amububelesi

2 Ba-Korinto 8:4; Ba-Galatia 2:9

4. Luswaanano lulajatisyanya basyomi mumapenzi

Ba-Filipi 3:10; 1 Petro 4:13; 5:1; Ba-Hebrayo 13:3

5. Luswaanano lulajatisyanya basyomi munjiisyo

Ncito 2:42; Ba-Roma 16:17; Johane 17:8, 20-21

KUZIBISISYA MBOKONZYA KUMANA NKONDO MUMUKWASYI WAKU-MUUYA WAMULI LEZA.

KAZIBYO KAPATI:

“Kwiinda zyoonse amusungwaale kuyandana, nkaambo luyando ndouvumba zibi zinjizinji.” - 1 Petro 4:8

Pele, kuyakuba ziindi mukati kacikombelo ciindi bana-kristo nibanyemezyegwa abakulana abacizi babo muli-kristo. Milandu eyo kanji ciyumu kwiimana nkaambo kacilongwe nceetujiisi mumukwasyi wesu wakumuuya. Kweelede kubacamba, kuba aziimbo zisunke, akukomena kukumana nkondo eeyi mumukwasyi. Tweelede kubonya Luyando, Busicamba, lulekelelo, akusanina kuli umwi aumwi kuti tukavumbe milandu mice. Aboobo, na mulandu wasinizya kapati, bbaibele liyakutupa milao mbuli mbotu konzya kubamba nkondo akati kabakulana abacizi muli-Kristo.

A. Ndeelede kucita nzi umwi andinyeemya?

1. Weelede kuba uboolelwa ciindi mukulana na muciziaako nayanda luyanzano.

- a. Ncipati kuti ube akukomena kumuuya alimwi kutaba alunyeemo ciindi umwi naambaula anduwe.

Jakobo 3:13-18; Intembauzyo 119:165

- b. Uyakukasya Leza kukubelekela kukubamba nkondo nakuti walizumizya kuti kulisumpila abukali bwako kuti bukweendelezye.

Tusimpi 25:28; 16:32; 1 Samuele 25:17

2. Kolilingula kuti ukazibisiisye kuti toponeni muyama.

Zimwi zyiindi, tooyoozibi kuti micito yako yanyemya umwi. Ciindi noaambilwa mulandu wako, weelede kulilingula kuti ukazibisiisye kuti toponeni kunyama, alimwi kuti buumi bwako bubonya ijwi Iya-Leza.

Matayo 7:1-5; Ba-Roma 14:1; 15:1

3. Koyandaula kuyanzana amukulana na mucizi wakubisizya.

Kozumina akuyandaula kuyanzana cilongwe cako aumwi muntu. Mukulana na muciziaako muli Kristo baaleelede kuba bubotu ambabo.

Matayo 5:23-26; Ba-Efeso 4:26-27

B. Cinzi ncoelede kucita umwi muntu akubisizya?

1. Koya kumbali aayo muntu wakubisizya mukaambaule kubusyu abusyu. Utakavuyi azyaambaula abamwi abo batakoto mutwaambo twanu. Nkondo ziinji zyaakati kabasyomi inga zyamanwa ciindi bobile boonse baambaula twaambo kwiinda mukukomena kwa mu bbaibele amuluyando. Muziindi zinji, nkondo eeyi ilakupa luyando lupati kuli akatika nu, alimwi cilongwe canu ciyakuba anguzu.

Matayo 18:15

2. Nakuti mulandu taakonzya kumanwa kumbali, kumbila lugwasyo lwa kwaambaula amusyomi mupati.

Matayo 18:16

3. Nakuti kaambo kakacilwa kumana, toola mulandu kubweendelezi bwaba kambausi alimwi uulipe kucikombelo.

Matayo 18:17

- a. Bweendelezi bwaba kambausi bulaka bamba cakululama ciindi Muuya Uusalala noweendelezya mayake Leza ngakaanza.

Ba-Hebrayo 13:7,17

- b. Nakuti cilakonzyeka, bweendelezi bwabakambausi bulaleta nkani eyo ambele lya cikombelo munzila yakuiisya kwacikombelo.

Ba-Roma 16:17; 1 Ba-Korinto 5:9-11; 2 Tesalonika 3:6,14

4. Nakuti muntu wakubisizya weempwa akuti uyandaula luyanzano, mpowa uleelede kumulekelela.

Matayo 18:21-22

LUZIBYO AMAKANI AKULEKELELA...

Kulekelela kwakasimpe kutobelwa akweempwa. Nakuti umwi musyomi wakubisizya, mpawo weelede kubapa ceelole cakweepwa akupanga zintu kuti ziba kabuto anduwe. Lulekelelo lwako lweelede kuzwa kumoyo oyo ulibambilide kulekelela mbobonya Leza bwakakulekelela. Lulekelelo ciindi coonse lweelede kukutola kuluyanzano akubambulula luswaanano abakulana abacizi bako muli-Kristo.

Luka 17:3-4; Ba-Epheso 4:32; Ba-Galatia 6:1-2

C. Weelede kotakwe kampenda munkondo yoonse amusyomi umwi.

Kuli micito miyandisi imwi njooeelede kuzwa kulinjiyo kuti utakabi cilebyo kukuyanzana kwa mukulana amucizi umwi wamuli-Kristo.

- 1. Utakaiinki kunyika iisweekede kukubamba penzi yaku muuya ili mukati kamubili wa-Kristo.**
Na kwaba mulandu, kobelesya milao ya-muciiyo eci kukubamba makani kwiinda mu bbaibele. Ukasanganye buyo basinguzu beelede ciindi kikuba mulandu mupati, na nkaambo kakukwabilila mubili wa-Kristo acikombelo cakwe.

1 Korinto 6:1-6; Ba-Roma 13:1-5

- 2. Utakapi saatani ceelelo cakubelesya nkondo kukunyonyona na kunyonyona cikombelo cako.**
Mulimo wa-Leza akweenda kwako awe kuyandisi kwiinda kuyeema kwako, nekuba kusinizya kwabuti. Nekuba kuti wakacitilwa bubi, kopa nkani eyo kuli Leza alimwi wiisiye muaanza akwe.

1 Ba-Korinto 6:7; 2 Ba-Korinto 2:10-11

- 3. Utakaleki kupailila bakulana abacizi bako bamuli-Kristo.**

Kolisungwaazya kukubona kuti ulapaila amoyo usalala.

Matayo 5:43-48; Ba-Roma 12:14

- 4. Utakasoli kuyandaula ceelelo cakupilusizya**

Syoma Leza kukubamaba makani, nekuba kuti takakobambwa mane kutamani.

Ba-Roma 12:17-21; Tusimpi 20:22

- 5. Utakalizumizyi kubambilila kulula kwa moyo mu moyo wako.**

Ba-Hebrayo 12:14-15; Ba-Efeso 4:31

MUBANDI:

Sena wakabisizyako musyomi umwi? Wakacita buti muntu oyo?

Sena kuli musyomi umwi wakakubisizya kale? Ino eco cakacinca buti cilogwe cenu?

Sena uulapenzi aumwi musyomi elyo liyandikana kubambwa?

KWIINDULUKA AKWAAMBAULA

1. Kopandulula cilongwe cako abasyomi bamwi?

2. Lemba milimo yoone yaku bana kristo bamwi, alimwi ulembe mangwalo amu bbaibele agwasilizya yoonse milimo yoone.

a. _____

b. _____

c. _____

d. _____

3. Ino bala lyaluswaanana lyamba nzi?

4. Lemba zikozyanyo zyosanu (5) mbuli basyomi mbobaswaanana.

a. _____

b. _____

c. _____

d. _____

e. _____

5. Weelede kuyandaula luyanzano amuna kristo wakakubisizya. Lemba ntaamu nzyooeelede kubweza ciindi noyandaula luyanzano.

A. _____

B. _____

C. _____

D. _____

6. ntaamu nzi lya makanze aciiyo eci, alimwi cakuiisya nzi?

KUBALA BBAIBELE CIGAMININA

Ncuuba kuli bamwi basyomi kuyaka cilongwe abamwi bamucikombelo cabo. Bala Ncito 2:46-47 aa

1 Petro 4: 8-9 alimwi ulemba zikozyanyo zyanzila njookonzya kubelesya kusamausya beenzu kukuyumyayumya luswaanano mu buumi bwako.

Kobala tulembo tutobela alimwi ulembe zintu zyosanu aomwe ziindene ezyo zibelesyegwa mucizuminano cipya kupandulula luswaanano lwesu abasyomi bamwi.

1 Tesalonika 3:2

Ba-Filipi 2:25

Filimona 1:2

Ba-Kolose 4:7

3 Johane 1:8

Ba-Kolose 4:11

Kobala ba-Filipi 4:1-3. Mulugwalo olu lwa Paulo lwaku cikombelo ca ba-Filipi, uyumyayumya ba Euodiya aba Suntuke kuti ba bambe mapenzi alwiindano akati kabo nkaambo balikueetela penzi bamwi babazungulukide. Sena kooli penzi aumwi musyomi mu buumi bwako elyo liyanda luyanzvano? Cinzi nciwakacita kukujana nzila yakupilusya cilongwe cako? Cinzi ncooceede kucita kuti mulimo wa mwami utakalebwi?

INJISYO

IYA- RRAIRRFI F

NCITO ASIKUPA NCITO

Leza uyakusololela kukubelesya cuuno cako mubusena bwancito yako mbuli busena bwa mulimo wa-Leza wakwaabana abasweekede makani mabotu a-Jesu Kristo. Ncito yako ikupa ceelelo cakuyaka cilogwe abantu bamwi abo mbotakonzyi kuba acilogwe abo. Cintu cipati kukukomena kwako kwakumuuya kuti uswiilisy cibela eci camulimo kweendelana ajwi Iya-Leza.

Ntaamu yabala iyaciiyo eci:

CIINDI

Ntaamu yamubuzyo wiingulwa muciiyo eci:

Ino muzezo wangu ancito yangu asikundupa ncito weede kuba buti?

Ntaamu yamakanze aciiyo eci:

Kukugwasya kuti ube sikupegwa ncito na sikupa ncito oyo Leza ngwayanda kuti ube uzuzikiza mulimo wakwe mubusena bwancito yako.

Ntaamu mpati yaciiyo eci:

Weede kubona ncito yako mbuli busena bwamulimo wa-Leza oko Leza nkwakakubikila kucita mulimo wakwe akumulemeka.

TUPETO TWAKUBIKA MUMUTWE:

“Alimwi oyo uyanda kuba musolozzi wanu, abe muzike wanu nyoonse. Nkaambo alakwe Mwana a-Muntu takazide kumaninwa milimo pe, pele kuti amanine bamwi milimo, akwaaba buumi bwakwe kuti cibe cinunuzyo cakununuzya banji.”- Marko 10:44-45

“Kufumbwa cintu ncmucita, milimo yanu ibe yamoyo woonse, ibe mbuli milimo iicitilwa Mwami, itabi yakubelekela bantu buyo pe.”- Ba-Kolose 3:23

LEZA WAKAKWIITA KUMULIMO WAKWE

Ciyandisi kuswiilila kuti lwiito lwa-Leza mubuumi bwako tabuli bwa cuuno comwe, pele mumulimo wakwe. Leza wakupa mulimo wakuyanzanya nyika muli-Kristo, alimwi ncito yako ninzila yomwe njooeelede kugwasya kuzuzikizya mulimo oyu.

“Aya makani oonse azwa kuli-Leza, nguwe uutuyanzanya kwakwe mwini muli-Kristo akubika mumaanza esu milimo yaluyanzano. Nkukuti milimo yakwaambila bantu Leza mbwaakalibonya muli-Kristo kuti aliyanzanisizye bantu boonse, nkabela mbwatabaelezezyi milandu yabo, alimwi mbwaabika mumaanza esu inkombe yaluyanzano.” – 2 Ba-Korinto 5:18-19

A. Lwiito lwako lwa bwini acuuno cako nkwakubelekela Jesu Kristo abuumi bwako boonse

Ba-Efeso 4:1

B. Leza ukulangila kuti ujanike mumulimo wakwe wakuya ku basweekede benyika ino amakani mabotu.

Luka 19:10; Luka 10:1-2

C. Leza wakwiita akukupa mulazyo wakupona buumi bulipede kukupanga basiciiya ba-Jesu Kristo

Matayo 28:18-20

MUBANDI:

Nceecili cintu cipati ciyandisi mubuumi bwako sunu, ncito yako na mulimo wa-Mwami?

Ino ubelekela buti Leza mubutebuzi bwakwe

Sena mulimo wakusikila nyika amakani mabotu ukumvwisya kabotu?

NTAAMU MPATI LYACIIYO ECI!

Weelede kubona ncito yako mbuli busena bwa mulimo wa-Leza oko Leza nkwakubikila kumubelekela akumulemeka. Kwiinda mukubako oko, weelede kujanana abantu abo bayanda cilongwe a-Jesu Kristo. Walanga ncito yako mbuli busena bwa mulimo wa-Leza, toyoobl abululami Bwa ncito yako. Leza wakubika akati kabantu basweekede mbuli mumuuni munyika yamudima kwiiminina Jesu Kristo. BulangiZI bwako butaanzi ndwa bantu mboiisya kwiinda ncito yacigaminina mumulimo ngojiisi.

Matavo 5:14-16

NCITO YAKO NCECIINDI CEELEDE CAKWIISYA

A. Ibantu basweekede mbojiisi lusweneno lupati abo mbaasincitonyoko

Weelede kuziba kuti bantu basweekede bube bwabo mbwakitayandaula Leza.

Ba-Roma 3:10-11

B. Basincitonyoko bajiisi ciindi cakubona buumi bwako mbuli buposoloji bwamazuba amazuba bwa luzyalo aluyando lwa-Leza.

Buumi bwako mbobukamboni bwa bwini bwa-Jesu Kristo obo mbobayobona basincitonyoko.

Tito 2:12; Ba-Filipi 2:12-16

MUBANDI:

Sena ulanga ncito yako kuba busena mulimo wa-Leza, na ninzila buyo yakujana mali?

Sena ulayandaula ciindi cakwaabana makani mabotu abasincitonyoko?

Sena basincitonyoko balizi kuti uli muna-kristo?

NCITO YAKO IBAMBA MULIMO WAKO WA-LEZA.

A. Mulimo wako wa-Leza mutaanzi mukwasyi wako.

Mulimo wako wakujana bupone bululeme kuti ubambe zintu zyamun'ganda yako.

1 Timoteo 5:8; 2 Tesalonika 3:10

B. Mulimo wako wabili mukwasyi wako wacikombelo.

Kujana bupone bululeme kulakuzumizya kuti ube azintu zyakugwasya mukwasyi wako wakumuuya.

Ba-Galatia 6:10

C. Mulimo wako watatu ngwakuswanya basweekede amakani mabotu.

Bupone bwako bululeme buyakukubambila zintu zyakubika mubantu amakani mabotu.

1 Tesalonika 2:9; 2 Tesalonika 3:8-9

MUBANDI:

Sena ncito yako ilabamba ziyandwa zyamukwasyi wako?

Nzeezili nzila zimwi zyakonzya kubelesya zintu zyako kutola makani mabotu kubasweekede?

WEELEDE KUBA MULANDA WABUTI?

A. Weelede kubeleka mubusena bwancito yako mbulikuti Jesu Kristo ngosimilimo wako

Nekuba buti buyumuyumu muncito mubuzuba obo, mulimo wako ciindi coonse ngwakubonya mumuni wa-Jesu Kristo.

“Nubalanda, amumvwe basimalelo banu baansi kuzintu zyoonse nzibamulailila. Milimo yanu itabi yakumeso buyo yakubotezya bantu, ibe yamoyo omwe cakulemeke Mwami. Kufumbwa cintu ncimucita, milimo yanu ibe yamoyo woose, ibe mbuli milimo iicetilwa Mwami, itabi yakubelekela bantu buyo pe.” – Ba-Kolose 3:22-23

B. Weelede kucita zintu mukukonzya kwako koonse akubeleka canguzu kuti similimo wako akajane coolwe.

Busena mbobelekela tabuponi akaambo kakukupa ncito pe: bweelede kuba ampindu kuti ukakonzye kwiindilizya kubeleka. Leza ulabeleka kwiindila muli nduwe kukuleleka similimo wako, kuzintu zyaansi, alimwi ulabeleka muli nduwe kuiisya basikubelekanyoko makani akumuuya.

“Kufumbwa milimo njaajana maanza aako, kocita canguzu, nkaambo taakwe milimo niiba miyeeyo neluba luzibo nibuba busongo mukabanda moyoojila.”- Mukambausi 9:10

C. Weelede kubikila maano kumulimo wako kutali wabamwi.

Uutakazumizyi kulubizya kwaamwi akutabeleka kabotu kuti kukunyonganye kuti ukaangunuke kuba kamboni mubotu wa-Jesu Kristo mumajwi ako akumuuya.

“Alimwi amusungwaalile kukala caluumuno, akulilangilila makani aanu nobeni, akumana milimo kumaanza aanu mbuli mbotwakumulailila, kuti mukacite ziyanza zibotu kumeso aabaabo bali anze akutabula kantu.”- 1 Ba-Tesalonika 4:11-12

D. Weelede kuba abulemu bubotu kubusena mbobeleka abeendelezi bako.

“Alimwi baambilisye bazike kuti kabalitesya kulibasimalelo aabo muzintu zyoonse, kababakonda, batanoounduluzya, batanookuma-kuma zintu zitali zyabo, pele kabalitondezya calusyomo lubotu loko, kuti balemeke muziyanza zyoonse lwiisyo lwa-Leza Mufutuli wesu.?- Tito 2:9-10

1. Lemeka bwami kwasimilimo wako.- “utanoounduluzyi”

Kusala kulipa kubwami kwasimilimo wako, amuciindi cakuzwangana, kulakuzumizya ciindi cakuba buposoloji bwa-Mwami Jesu Kristo.

2. Lemeka zintu zwasimilimo wako. “batanookuma-kuma zintu zitali zyako”

Kosanina zintu zyamubusena bwa bubelesi bwako, alimwi utakabwezi zintu zitali zyako.

3. Lemeka ciindi casimilimo wako. “kabalitondezya calusyomo lubotu loko”

Kosyomeka kumulimo wako akusungwaala muciiindi coonse cakubeleka kwako.

KWAAMBAULA:

Sena ucijana buyumuyumu kulipa kuli similimo wako mbuli Jesu?

Sena ndenduwe ubeleka canguzu mubusena mbobelekela?

Boposoloji bwako bwa-Jesu bweendelezya buti abusikubeleka mbobede?

WEELEDE KUBA SIMILIMO WA BUTI?**A. Bikila basikubeleka bako bulangizi bweelene abweelera kuli boonse.**

Bikila basikubeleka bako boonse magolelo aaelene alimwi uba bonye kuti ulayanda kwaabamba magolelo ayo.

“Anywebo nubami, amubacite mbubonya, amuleke kubakanza, nkaambo mulizi kuti anywebo mulijisi Mwami uuli kujulu, nkabela kulinguwe takulangilwi ciwa camuntu pe.”- Ba-Efeso 6:9

B. Kopa basikubeleka bako cakuvola ceelene acakweelela kweendelana amilimo yabo.

Utakamanininwi acoolwe camakwebo na mukuliyanda kwako kuti ukalube kuyanda kwa basikukubelekela. Ciindi nobona kuyanda kwa basikukubelekela, inga bakonzya kutaba kwiinda mukubona bweendelezi abusena bwako.

“Nubasimalelo, amucitile balanda banu cakululama acakweelela, nkaambo mulizi kuti anywebo muli a-simalelo kujulu.”- Ba-Kolose 4:1

C. Ciindi coonse ulibambile muzezo wamubelesi.

Weelede kusololela sikubeleka bako, kutali kubeendelezya calunya. Mulimo wako wakweendelezya babelesi bako kuli Jesu Kristo akabe amakwebo acoolwe.

“Mpoonya Jesu wakabaita, wabaambila kuti, Mulizi kuti abo baambwa kuti mbaami kubamasi balabacitila kami-kami, abalo bapati babo babacita mweenzyabubi. Pele nywebo mutabi boobo pe. Oyo uuyanda kuba mupati akati kanu, abe mulanda wanu. Alimwi oyo uuyanda kuba musolozu wanu, abe muzike wanu nyoonse. Nkaambo alakwe Mwana a-Muntu takazide kumaninwa milimo pe, pele kuti amanine bamwi milimo, akwaaba buumi bwakwe kuti cibe cinunuzyo cakununuzya banji.”- Marko 10:42-45

KWAAMBAULA:

Sena babelesi bako balizi ncoolangila kuli mbabo?

Sena bweendelezyi bwako bupa ciindi basikubelekela kubona Jesu Kristo muli nduwe?

UYAKUJANA NKONDO MUMULIMO WAKO

A. Mulimo wako ulakonzya kuba ankondo azintu zyooyanda zyakumuuya.

Eyi nenkondo iyanda kuti uyandaule bweendelezi bwa-Leza mukweelanya zintu zyooyanda. Tokonzyi kuleka mulimo wako pe, na kutainka kukubeleka akaambo kankondo; aboobo, tooeelede kubelesya mulimo wako kuba kaambo kakuleka cikombelo na buumi bwakumuuya.

1 Ba-Korinto 9:25; Jakobo 1:8

B. Mulimo wako inga waba ankondo amilazyo yabbaibele.

Kuyakuba ziindi similimo wako naayoyanda kuti uucite cimwi cintu citeendelani ajwi lya-Leza. Weelede kuba akusala kwamu bbaibele kuti uucite ciluleme, na uuli kwabilile ku tepaulo eyo yakweendelezyegwa azicito zyacibi amizezo ikuzungulukide.

Ba-Efeso 5:3-12

C. Inga waba ankondo abasikubelekanyoko.

Basikubelekanyoko inga baba batasyomi, weelede kutobela yoonse milao yabbaibele yakubamba nkondo amilao eyo iyandwa mubusena bwakubeleka. Weelede kusala kubula kampenda akulibombya mucindi cakubamba nkondo.

Matayo 18:15-17

D. Inga wajana nkondo kwiinda mukupenyegwa.

Ziindi zinji kupenyegwa mubusena bwamulimo kusika akaambo kamusyomi kutaba alweendo lusalala a-Mwami. Aboobo, kuyakuba ziindi zimwi nkondo njooyookusikila akaambo kakupona kasimpe a-Kristo. Bwiinguzi bulikabotu bwakupenyegwa ngwakupa sinkondo ku Mwami akubula kampenda muzintu zyoonse.

1 Petro 2:18-23; 3:16-17

E. Inga waba ankondo akaambo kaciindi ceelede cakuya ambele mumulimo wako.

Leza inga wabelesya cuuno cako caatala acakuhola cako cipati kubulemu bwakwe. Aboobo, mali manji na cuuno cibotu taazili zibotu ziyandika kuli nduwe ciindi coonse. Kufumbwa mulimo mupya inga walemenena ciindi cako akukuleba kumulimo wa-Jesu Kristo. Ciyandisi kuti uzibisisye kuti ulakonzya kusyomeka kumulimo mupati, akuti tooyoolizumizyi kuti uupatile.

Luka 16:10-13

KWAAMBAULA:

Sena ulangila nkondo a-sikubelekanyoko kuncito yako?

Sena wakaba kale akusala akati kakubelekela Mwami nakubelekela mulimo wako?

SENA UYEEYELA KUNJIZIGWA MULIMO MUPYA?

A. Sena wakapaila akuyandaula lweendelezwo lwa-Mwami?

Leza uyakuyubununa makanze akwe kwiinda mujwi lya-Leza amupailo. Inga waba muzezo mubotu kulemba mbuli Leza bwakweendelezwa kuti ukakonzye kupilukila akwiinduka mumo.

Jakobo 1:5

B. Sena wakayanduala lugwasyo kuzwa kumusyomi mupati?

Kuyandaula nakutobela mulimo mupya inga abamakani anyoongene. Cabusungo kuyandaula lugwasyo lwa mubbaibele luzwa kumusyomi mupati ngolemeka.

Tusimpi 11:14

C. Ino oyu mulimo mupya ucisa buti mukwasyi wako?

Ziindi zinji, milimo yesu icisa ziindi zimwi zyetukonzya kubika mumukwasyi wesu. Aboobo, imwi milimo iyanda ciindi cipati eco cikukasya kuba acilongwe amukazi wako abana.

Tusimpi 27:23-24

D. Ino oyu mulimo mupya uyakucisa buti eco Leza ncaabucita mubuumi bwako.

Kuli milimo ziimwi ziindi iyakulwana nguzu zyako zyakupanga basiciya akubeleka kwiinda mucikombelo cako. Ciyandisi kuswiilila kuti Leza taayookusolole kumulimo oko nkondo kooikalilila.

2 Timoteo 2:4

E. Sena nkocili cintu ncofutatila ncooelede kulangana aco akusola kucibamba.

Leza kanji uyakubelesya ziindi ziyumuyumu kukuiisya kasimpe kabbaibele akuyumya lusyomo lwako muli nguwe. Na wiinda munkondo mubusena bwamulimo, cipati kusola kubamba nkondo eyo kotana yandaula mulimo mupya. Mapenzi manji taamanwi kwiinda mukucinca mbobede buyo.

Matayo 5:23-25

F. Sena oyu mulimo mupya ulakupa kuti uyandaule cikombelo cipya?

Na mulimo wako mupya ulakutola kukuiinka kucikombelo cimwi, mpawo kuyanda kwako kutaanzi kweelede kuba kwakujana cikombelo cimwi mwakubelekela mumo. Induluka muciiya cakujana cikombelo cibotu cipanga basiciya.



KWAAMBAULA:

Ino mulimo wako mupya ucisa buti ciindi cako amukwasyi wako amulimo wa-Leza?

Sena uyandaula lweendelezyo lwa-Leza alugwasyo lwamubbaibele ciindi notumina mulimo mupya?

KWIINDULUKA AKWAAMBAULA

1. Mulimo nzi Leza ngwaakaitila basyomi boonse?

2. Lemba milimo yotatwe eyo ncito yako njeeikupa.

- a. _____
- b. _____
- c. _____

3. Aamba mumabala ako sikubeleka ngoeelede kuba.

4. Muzezo nzi muyandisi wasimilimo ngwaelede kuba awe?

5. Lemba mikozyanyo yotatwe yamisyobo yankondo eyo njookonzya kujana mubusena bwakubeleka.

- a. _____
- b. _____
- c. _____

6. Lemba zintu zyotatwe nzyoelede kulanga ciindi noyandaula mulimo mupya.

- a. _____
- b. _____
- c. _____

7. Ntaamu nzi yamakanze aciiyo eci, alimwi cakuiisya nzi?



KUBALA BBAIBELE KWACIGAMININA

Bala Ncito 18:1-5 a Ncito 20:33-35. Apostolo Paulo waali kuponena buumi bwakuluka matente, alimwi mulimo wakwe wakaubelesya kuba cibelesyo camulimo wa-Leza. Milao nzi njoowaiiya kutu mpango otu eyo njooyobelesya mumulimo wako?

Bala tupeto tutobela alimwi ulembe bbaibele nceelyaamba amakani abantu basala kuba batolo akutaba amizezo yamulimo.

Tusimpi 18:9

Tusimpi 21:25

Tusimpi 19:15

Tusimpi 22:13

Tusimpi 20:4

Tusimpi 26:14

Bala Daniele 6. Mucipati eci, Daniele waali omwe wabeendelezi mukati ka bwami bwa Medi a-Persia. Ino yaalinkondo nzi mpati eyo Daniele njakalangana ayo mukati kacipati eci? Wakataba buti Daniele? Ino kusala kwa Daniele kwakacisa buti bwami abwami bwakwe?

Bala Matalikilo 39. Josefa wakasaambalwa mubuzike kuli Potifara. Ino kampango aka kaamba nzi amakani amoyo wa-Josefa? Ino Josefa wakacita buti kuma tepaulo?



INJISYO

IYA- RRAIRRFI F

NYIKA ISWEEKEDE

Bbaibele lipa mulazyo bantu ba-Leza kuti balyaanzyanye kuzwa ku nyika, aciindi ncoonya eco kabaleta bamaalumi abanakazi basweekede ku Mwami Jesu Kristo. Noyandaula kuvuna basweekede, uyakutambula inkondo izwa kunyika nkaambo ilwana makanze a-Leza atamani. Eci ciyo cilangisisya abuyandisi bwakuba kamboni waluzyalolwa-Jesu Kristo oku kozunda nkondo njootambula kuzwa kunyika.

Ntaamu yabala iyaciiyo eci:

MULIMO

Ntaamu yamubuzyo wiingulwa muciiyo eci:

Uula mulimo nzi uya kubasweekede?

Ntaamu yamakanze aciiyo eco:

Kusikila basweekede kaatakwe kucisa kweenda kwako a-Mwami Jesu Kristo

Ntaamu mpati iyaciiyo eci.

Zumizya kuti luyando lwa-Leza luboneyegwe mumucito yako.

TUPETO TWAKUBIKA MUMUTWE:

“Nkaambo nsiusi insoni ku-Makani mabotu aa-Kristo pe, nkaambo ninguzu zya-Leza zyakufutula boonse basyoma, kukusaanguna ba-Juda, elyo ba-Helene abalo”- Ba-Roma 1:16

*“Pele muntu aakuyanda Leza, oyu muntu ulazibwa nguwe.”
- 1 Ba-Korinto 8:3*

INO NYIKA ISWEEKEDE IKULANGA BUTI?

NTAAMU MPATI YACIIYO ECI!

Zumizya micito yamubuumi bwako kuti ibonye luyando lwa-Leza. Buumi mbozona bweelede kuzuza mulumbe wamakani mabotu. Mulimo wako wakusikila basweekede taukoyoozuzikizigwi kakutakwe uuamba makani mabotu, abuposolozu bubonwa bwa buumi bwakacincwa.

“Zintu zyoonse nzimucita zitabi zyakutongooka nanka zyakukazyanya. Kuti mube bantu batakwe mulandu, bantu benibeni, bana ba-Leza baluzi batakwe kampenda, mukati kabantu bapilingene baleede bamuzukulu uno. Akati kabaaba mulaba mbuli mimuni yakumunika ansi.” - Ba-Filipi 2:14-15

A. Nyika isweekede ikulangilide kuti ibone na uuponena eco ncowakasyoma.

1. Beelede kubona luyando lwa-Leza munzila njozona buumi bwako.

1 Ba-Korinto 8:3

2. Beelede kubona kuti upona buumi bupambukene anzila zya nyika. Weelede kupambukana anyika, pele uutakalipambule kuti ukasweekelwe kusyomeka na kugwasilizya koonse.

1 Ba-Korinto 9:19-22; 2 Ba-Korinto 6:14-18

3. Beelede kubona kuti ulasyomeka muzintu zyoonse.

2 Ba-Korinto 8:21; Ba-Roma 12:17

B. Nyika iyakukulwana nkaambi wiiminina Kristo ano aansu.

1. Saatani nenguzu zilikusule lyankondo njootambula.

- a. Wakaanzanzila zya nyika ino eyo ilwana mulimo wa-Mwami.

Ba-Efeso 2:1-3

- b. Uuyandaula kunyonyona buumi bwako munzila yoonse njakonzya.

1 Petro 5:8

2. Uuyakulwanwa nkaambo Jesu wakalwanwa. Aboobo, nyika iyakulwana musyomi oyo uponena Kristo.

Johane 15:18-21; 2 Timoteo 3:12

3. Uyakutambula bulwani buzwa muzibela zyotatwe zipati.

- a. Muunzi wako mubupati uyookulwana nkaambo taamvwi ijwi Iya-Leza. Bulwani bupati buza kwiinda muzipekupeku, zilembedwe, amukwiya.

1 Johane 2:15-17; 1 Johane 3:13

- b. Bantu basweekede bayookulwana nkaambo tocili wacibela camukwasyi wabo.

Ncito 9:17-23

- c. Beenzinyoko, mukwasyi, basimilimonyoko, abamwi bayookulwana. Oko kulwanwa ziindi zinji nkokuyumu kulangana ako, nkaambo kuli cilongwe cigaminina cilimo.

Marko 6:4; Johane 1:11

Ino mbobuti mbokonzya kuzunda nkondo njolangana ayo?

1. Tantamuka kukulwana ciindi coonse, alimwi vuwa amajwi mabotu

“Kuvuwa kabotu kulalesya bukali, Pele majwi mabi alabusya inkondo.”

-Tusimpi 15:1

2. Leza uyakukupa luumuno abasinkondonyoko nomubotezya abuumi bwako.

“Na inzila zyamuntu zilabotezya Jehova, ulacita kuti abasinkondonyina bakale awe caluumuno.” - Tusimpi 16:7

3. Pailila basinkondonyoko amoyo usalala.

“Mebo ndamwaambila kuti, Amuyande basinkondonyoko, amubakombele bamupenzya.” - Matayo 5:44

4. Yanda basinkondonyoko akubagwasya kuti bajane ncebayanda.

“Amubalongezye abo bamupenzya, ee, amubalongezye, mutatuki pe... Nkaambo kaako, anooli sinkondonyok wafwa inzala, umusanine; afwa nyota, umunywisye, ikuti kukucita boobo ulalundika Makala aamulilo amutwe wakwe. Utazundwi kububi pe, uzunde bubu kukucita bubotu.” - Ba-Roma 12:14, 20-21

Toyomaniziyi nkondo mubuumi bwako, pele inga wazunda inkondo amilazyo yabbaibele. Ujiisi kale luzundo nkaambo ujisi lusyomo mu-Mwami alimwi ujiisi zyoonse zilwanyo zya-Leza. - Ba-Efeso 6:10-20

MUBANDI:

Sena nyika isweekede ilakonzya kubona kuti uuli muna-kristo?

Sena bamukwasyi wako abeenzinyoko bakakulwana kale akaambo kalusyomo lwako muli Kristo?

Ino ncocita cinzi muciiindi cakulwanwa?

INO WIILANGA BUTI NYIKA ISWEEKEDE?

Bantu, milao azizo oko nkokala zicisa mbobona nyika isweekede. Ciyandisi kuswiilisa kuti kasimpe kajwi lya-Leza kalabelesyegwa kubasyomi boonse mukati kazizo amisyobo yoonse.

A. Weelede kuswiilisa cilongwe cako atunsiyansiya.

1. Tunsiyansiya tunji tatweendelani abusalali amakanze aa-Leza.

Tito 1:10-14

2. Weelede kupona buumi bwabuna-leza noiisya mukati katunsiyansiya mokala.

Tito 2:11-14; 1 Petro 2:12

B. Weelede kuswiilisa cilongwe cako amfulumende.

1. Kolipa kumilao yamucisi cako mbuli buposoloji bwa basweeki.

1 Petro 2:13-17; Ba-Roma 13:1-5

2. Kopa mitelo, kupa kumfulumende eco ceelede amulao.

Ba-Roma 13:6-7

3. Kopailila mfulumende yako akupailila lwaangunuko lwako lwakwaabana makani mabotu.

1 Timoteo 2:1-4

C. Weelede kuswiilisa cilongwe cako anyika isweekede.

1. N'ganda yako ilikujulu, kutali munyika ino.

Ba-Efeso 2:6

2. Uli mweenzu buyo munyika.

1 Petro 2:10-12



3. Eyi nyika taaijis cintu cilaampindu citamani cakukupa.

2 Petro 3:10-13

4. Ino wakaba mutumwa wa-Jesu Kristo, alimwi ino nyika mbobusena bwakubelekela kwako kusikila Kristo kuli basweekede.

Matayo 28:18-20; 2 Ba-Korinto 5:18-20

MUBANDI:

Sena tunsiyansiya twako alimwi amfulumende tucisa buti nguzu zyako zyakubelekela Mwami?

ino cilongwe cako anyika kuzwa nuakafutuk cakacinca buti?

Sena inga waamba bantu bamwi mubuumi bwako abo basweekede akuti bayandika kumwva makani mabotu kuti bakakonzye kufutuka?

INO WAABANA BUTI LUSYOMO LWAKO?

Jesu wakapanga basiciiya kwiinda mukubasololela kuti bakambauke.

“Elyo Jesu wakabaambila kuti, Amuboole mundicilile, nkamucitye basikuzuba bantu. Ndilyonya bakasia insambwe zyabo, bamucilila.”- Marko 1:17-18

Na watobela Jesu, mpawo uyakukusololela kuti ulangaule basweekede

“Nkaambo Mwana a-Muntu wakaboola kulangaula akufutula abasweekede.” – Luke 19:10

A. Taalika akuswiilisa eco Leza ncakwaambila kuti ucite.

“Lino wakabaambila kuti kamuya munyika yoonse, mukakambaukile bantu boonse Makani Mabotu.”- Marko 16:15

1. **Leza wakwaambila kuti koya.**

Tokonzyi kwaabana lusyomo lwako natoinko oko kujanwa basweekede.

2. **Leza wakwaambila kuti wiinke akuyookambauka Makani Mabotu.**

Tokonzyi kwaabana lusyomo lwako kotaiinko akukambauka Makani Mabotu.

3. **Leza wakwaambila kuti uuye akukambaukila Bantu Boonse.**

makani mabotu eelede kwiinka kubantu boonse nkaambo Jesu wakafwida akubukila bantu boonse.

B. Langisiya akukswiilila kwako, kutali mamanino.

1. Aabana makani mabotu nkaambo mbolaililwa kucita.

Namicito yako icitwa akaambo kakutaba mubuzyo wakuti, “cinzi ncandaambila Leza kuti ndicite?” kwiinda “cinzi ncetibeleke?” mpawo uyakupima coolwe cako atala akuswiilila kwako, kutali mamanino ako.

“Nkaambo teensi kukambauka Makani Mabotu nkundilikankaizizya pe. Nkaambo milimo eyo nsikonzyi kwiikala. Maawe kulindime nintakambauka Makani Mabotu.” – 1 Ba-Korinto 9:16

2. Utakatepaulwi akuba akucenjela mukukambauka Makani Mabotu.

Mulumbe wa-Makani Mabotu ulaanguzu aulike kutakwe akusola kuupanga kuti usyomeke.

“Nkaambo nsiusi insoni ku-Makani Mabotu aa-Kristo pe, nkaambo ninguzu zya-Leza zyakufutula boonse basyoma, kukusanguna ba-Juda, elyo ba-Helene abalo.” – Ba-Roma 1:16

3. Utakatepaulwi akulitantamuna kukwaabana makani mabotu nkaambo walimvwa kutali bambila.

Leza wakakuzuya kuti utole munyika mulumbe mupati wa-lufu Iwa-Kristo, Kuzikwa akubuka kubafu.

“Mbuboobu mbulubede lusyomo ndutujisi nkaambo ka-Kristo kumeso aa-Leza. Teense kwaamba kuti swebo tulazulila kubeteka makani tubeni, pe, pele buzulizi bwesu buzwa kuli-Leza. Nguwe watuzulizizya milimo yamulongo mupya. Oyu mulongo tuuli wamakani aalembedwe buyo, pe, ngwamuuya, nkaambo makani aalembedwe alajaya, anukuti muuya ulapa buumi.” – 2 Ba-Korinto 3:4-6

C. Upaile kuti Leza akusololela kukwaanbana lusyomo lwako.

1. Paila kuti Leza akazuzye moyo wako aluyando lwakwaambila bantu boonse makani aa-Jesu Kristo.

“Jehova taamusya ngaakasyomezya kale, mbobayeeya bamwi kuti wamuka, pe, pele ucimukazikila moyo nkaambo tayandi kuti bantu bafwidilile, ulayanda kuti boonse bajane ciindi cakweempwa.” – 2 Petro 3:9

2. Paila kuti Leza akupe ciindi cakwaabana makani mabotu.

“Nkabela amutukombele aswebo, kuti Leza atujulile mulyango wakukambabuka ijwi Iya-Leza, kuti twaambe makani aa-Kristo, ngaonya ngingangilide. Amukombe kuti nkaalungululise kabotu mbubonya mbunjelede.” – Ba-Kolose 4:3-4

3. Pailila camba yakwaabana makani mabotu ciindi nojulilwa mulyango.

“Amukombe lyoonse azikombyo ankumbizyo zyoonse zyamu-muuya. Ee, amupangike myoyo yanu cabusungu kumakani aya, mukombele basalali boonse. Ambebo amundikombele, kuti nkapegwe majwi, nkaasame amulomo wangu akuzibya kaanzambwene zintu zisisdwe zya-Makani Mabotu. Ngaonya makani ngindi ngambela uusangidwe anketani. Amukombe kuti ngaambe aya makani kaanzambwene mbubonya mbunjelede.” – Ba-Efeso 6:18-20

CIZIBISYO KAPATI:

Nzila aiilike yakujana mulyango ujulidwe njakukonkomona ali eyo ijulidwe. Ujana milyango ijulidwe kwiinda mukwaambaula abantu, akubabuzya na inga bayanda kwaambaula makani aa-Jesu. Mbangae bantu bakonzya kufutulwa na umwi wakonzya kubabuzya buyo? Mbangae bantu bakonzya kufutulwa nebaalikwiizi nzila?

D. Yaka nzila intete yakukambauka makani mabotu

Kuli nzila ziindene zyakwaabana makani mabotu, pele ciyandisi kuswiilisa kuti Makani Mabotu ciindi coonse ajisi Lufu, kuzikwa, akubuka kubafu kwa-Jesu Kristo.

1 Ba-Korinto 15:1-4

Nzila izizilwe yakuiisya makani mabotu nja “nzila ya-Ba-Roma.”

1. Weelede kuziba kuti uuli sweekede kotana bona buyandisi bwalufutuko.

“nkaambo boonse babisya, akulela kubulemu bwa-Leza.” –Ba-Roma 3:23

2. Weelede kubona kuti cibi cako cakazwa kuli Adamu, alimwi kuti wakabetekelwa kulufu lutamani lupanbukene aa-Leza.

“Mbuboobo cibi mbucakanjila munyika kumaanza aamuntu omwe buyo, alwalo lufu nkaambo kacibi, nkabela mbubonya obo lufu mbulwakazida bantu boonse, nkaambo kakuti boonse babisya.” – Ba-Roma 5:12

3. Weelede kubona kuti cibi cako citola kulufu, pele Leza ukupa lufutuko mbuli cipo buyo kwwinda mukulipa kwa-Jesu Kristo.

“Nkaambo cakuvola cazibi ndufu; pele caabilo ca-Leza mbuumi butamani bwamuli-Kristo Jesu mwami wesu.” – Ba-Roma 6:23

4. Weelede kuziba kuti Jesu wakakufwida zibi zyako.

“Pele Leza, walo ulatondezya luyandisyo lwakwe kulindiswe boobo, nkaambo nitwakacili basizibi Kristo wakatufwida.” – Ba-Roma 5:8

5. Weelede kwaamba kuti Jesu ngu-Mwami, akusyoma mumoyo wako kuti wakafwa akubuka alimwi kuzwa kubafu.

“Iyakuti, Anooli wazumina kumulomo kuti Jesu ngu-Mwami, akusyoma mumoyo wako kuti Leza wakamubusya kubafu, noti kafutuke. Nkaambo kumoyo kulasyomwa kuti kube bululami, akumulomo kulazuminwa kuti kube lufutuko.”

– **Ba-Roma 10:9-10**

6. Weelede kulilila izina lya-Jesu kuti ufutulwe.

“Ikuti umwi aumwi uulilila izina lya-Mwami ulafutuka..” – **Ba-Roma 10:13**

ALIMWI INGA WAABANA MAKANI MABTO KUBELESYA KAPETO KOMWE.

“Nkaambo obuya Leza mbwaakayandisya nyika, wakapa Mwanaakwe simuzyalwa alike, kuti umwi aumwi uumusyoma atafwidilili, pele abe abuumi ubutamani.” – **Johane 3:16**

“Nkaambo kakuti luzyalo ndolumufutisizye nkaambo kalusyomo, nkabela makani taazwi kulindinywe nubeni, ncipo buyo cizwa kuli-Leza. Teensi makani aancito zyesu, pe, kuti kutabi muntu uulikankaizya.” – **Ba-Efeso 2:8-9**

“Oyo iwatakazi zibi Leza wakamucitya kuti abe zibi nkaamba kandiswe kuti swebo tube bululami bwa-Leza mulinguwe.” – **2 Ba-Korinto 5:21**

MUKOZYANYO....

Jesu waamba kuti nzila ailike yakuya kuli Leza njakwiinda mulinguwe. Nzila ailike yakulekelelwa njakuzumina alusyomo eco Jesu ncaakatucitila mulufu, kuzikwa, akubuka kubafu kwakwe.

“Jesu wakamwaambila kuti, Ndime nzila, ndime bwini, ndime buumi. Takukwe uuza kuli-Taata, pele muli-ndime.” – **Johane 14:6**

Jesu nenzila....

Bbaibele lyaamba kuti bantu boonse bayofwa muzibi zyabo nakuti tabafutisizidwe kucisubulo cibeledede kwiinda mubulowa bwakatilwa bwa-Jesu Kristo. Jesu wakaba nzila yalufutuko lwako kwiinda mukufwida busena bwako aciingano, akuzikwa kumazuba otwe amasiku otatwe, akubuka alimwi mukuzunda cibi alufu.

Jesu ngobwini...

Kasimpe ka mbwabede Leza kalakakwa abantu kwiinda mukusala kwabo kulikomba beni azilengo. Jesu ngobwini mbobalangaula alimwi bantu beelede kumukomba mbuli Leza omwe wabwini.

Jesu ngobuumi...

Bantu boonse bazyalilwa mucibi, alimwi bakabetekwa kukupambuka kuzwa kuli-Leza mulufu lutamani lwa muziba lya-mulilo. Bayandikana buumi ubutamani obo bujanika muli Jesu Kristo.

E. Ulibambile kwaabana bumboni bwako.

Inzila yomwe igwasilizya kuti kwaambaula kwiindilizye njakwaabana kaano kako. Bumboni bwako bulaanguzu.

“Lino bakamuzunda kubulowa bwa-Mwanambebele akujwi lyabumboni bwabo, nkabela buumi bwabo teebakali kubuyandisya pe, bakazumina nikuba kufwa.”

– **Ciyubunuzyo 12:11**

Bumboni bwako bupa cikozyanyo cipona ca mbuli buumi bwako mbobwakasanduka nkaambo kamakani mabotu. Bumboni bwa apostolo Paulo mu bbuku Iya Ncito 22 nenzila mbotu yakuyaka bumboni bwako.

1. Walikubede buti kotakwe Kristo?

Paulo wakaamba mukowa wakwe, waalikuzwa, cikolo abupaizi bwakwe mbwaalikutobela - **Ncito 22:3-5**

2. Ino wakamuswaangana buti Kristo?

Paulo wakaamba bugaminina mbwaakalangana a-Kristo.

a. Paulo wakaamba amakani akujanwa a-Leza. Wakalangana amumuni wa-Leza, kuyeeyela kwa muntu pe. - **Ncito 22:6**

b. Paulo wakaamba amakani akupegwa mulandu wacibi. - **Ncito 22:7**

c. Paulo wakaamba amakani akuswaangana Jeus. Lufutuko ndwacigaminina kutali bupaizi pe. - **Ncito 22:8-9**

d. Paulo wakaamba amakani akulipa kubwami bwa-Jesu. - **Ncito 22:10**

3. Ino buumi bwako bwaka cinca buti?

Paulo wakaamba amakani ambuli Leza mbwaakatalika kubeleka mubuumi bwakwe.

a. Paulo wakaamba amakani akulipa kwakwe kuli-Kristo mbokwakamanina kukulipa kwakwe kubazike ba-Kristo. - **Ncito 22:11-13**

b. Paulo wakaamba amakani akutembula bweendelezi bwa-Leza mubuumi bwakwe. - **Ncito 22:14-15**

c. Paulo wakaamba amakani akutobela ntaamu ntaanzi yakutobela Mwami kwiinda mulubizyo. - **Ncito 22:16**

d. Paulo wakaamba amakani akukomena nekuba bube bwakwe bwa kale. - **Ncito 22:17-20**

4. Ino nduwe ni muli-Kristo eno?

Paulo wakaamba amakani akuyanzzana basweekede a-Kristo - **Ncito 22:21**

MUBANDI:

Sena ulabeleka kukulangaula ciindi cakitola makani mabotu ku basweekede?

Sena kuli nzila njoojisi njooyandisya kubelesya kwaabana makani mabotu?

KWIINDULUKA AKWAAAMBAULA

1. Pandulula nkaambo nzi uujana nkondo kuzwa kunyika.

2. Lemba zintu zyoatwe ezyo zyaanba cilogwe cako aanyika. Kolemba amangwalo agwasilizya.

- a. _____
- b. _____
- c. _____
- d. _____

3. Pandulula mubuce mboobuti tupeto tutobela mbotukugwasya kuzunda nkondo izwa munyika.

Tusimpi 15:1

Matayo 5:44

Tusimp 16:7

Ba-Roma 12:20-21

4. Malailile nzi osanwe akwiiya kwaabana lusyomo lwako?

- a. _____
- b. _____
- c. _____
- d. _____



e. _____

5. Ntaamu nzi yamakanze aciiyo eci, alimwi cakuiisya nzi?

KUBALA BBAIBELE KWACIGAMININA

Kweelede kuba bube bwakuyanda kwaabana abamwi mulumbe mupati wa-Jesu. bala tupeto tutobela. Nguni waambwa mutupeto oto? Ino muntu amuntu waamba nzi amakani aa-Jesu nakamana kumuswaangana?

Johane 1:40-41

Johane 1:45

Johane 4:28-29

Ncito 9:18-20

Ncito 18:25-28

Ino mumboni bwako bwakacinca buti kuzwa nuwakatalika kwiiya?



Kapeto nzi nkoyandisya kubelesya ciindi noaabana makani mabotu? Ino nkaambo nzi uulakayandisya?

INJISYO

IYA- BRAIRRFI F

CUUNO CALUBETA

Bbaibele lilaambisisya kuti buzuba bomwe bantu boonse bayooima ambele lya-Leza kulanga lubeta. Kuli bana-kristo, lubeta luyakuba kubetekelo lya-Kristo. Oko milimo abukombe bwesu kuli-Mwami Jesu Kristo nkoyoobetekwa. Weelede kulindilila buzuba obo oko nkoyolyaambilila kuli-Kristo.

Ntaamu yabbala lyaciiyo eci:

MILIMO

Ntaamu yamubuzyo wiingulwa muciiyo eci:

Ino cinzi ncoyolyaambilila kubetekelo lya-Kristo?

Ntaamu yamakanze aciiyo eci:

Kubamba musyomi kuti alangilile kumakani atamani kwiindila mukabika milongolongo yakulyaambilila kwesu kwamamanina kuli Mwami Jesu Kristo mbuli muzike wakwe.

Ntaamu mpati yaciiyo eci:

Uuyakubetekwa mbuli muzike wa-Jesu Kristo.

TUPETO TWAKUBIKA MUMUTWE:

“Nkaambo toonse buyo tuleelede kuboneka kubetekelo lya-Kristo, kuti tukatambule umwi aumwi cakuvola ceelede camilimo yesu njitucita mumubili yesu, niiba mibotu niiba mibi.”- 2 Ba-Korinto 5:10

“Aboobo, toonse buyo tuleelede kulyaambilila makani esu kubusyu bwa-Leza”- Ba-Roma 14:12

INO MBETEKELO YA-KRISTO CINZI?

Boonse bantu bapona aano aansi bayobetekwa a-Leza:

Basweekede bayoobetekwa, akujanwa amulandu alubeta lwaacuuno cipati cituba, pele bafutisidwe bayoobetekwa ambetekelo Iya-Kristo.

“Lino mbuli mbokubede kuti bantu kabanga kabafwa lweendo lomwe, elyo babetekwe.”

- Ba-Hebrayo 9:27

“Bantu banji balayandaula kubotezya mweendekezi, pele kuli-Jehova muntu nkawajana lubeta lubotu.” - Tusimpi 29:26

A. Bumwi buzuba musyomi oonse uyolibonya amebele Iya-Mwami Jesu Kristo.

Leza uyanda kuti ukabule kampenda kubusyu bwakwe ciindi noyolibonya amebele Iyakwe.

“Lino nywebo kuciindi cakamana mwakali kule, nkabela mumyoyo yanu mwakali basinkondonyina Leza nkaambo kamilimo mibi, pele sunu wamuyanzanya. Wamuyanzanya kukufwa mumubili wakwe uufwika, kuti amwiimikizye kubusyu bwakwe cakusalala acakubula kampenda acakutaba amulandu.” - Ba-Kolose 1:21-22

“Lino Leza siluumuno mwini amusalazya koonse koonse, kuti myoyo yanu amyuyaya yanu amibili yanu zyoonse ziyobolwe cakulondoka acakutaba akampenda mane kusikila kukuboola kwa-Mwami wesu Jesu Kristo.” - 1 Ba-Tesalonika 5:23

B. Basyomi boonse bayolyaambilila milimo yabo yabuna-kristo kubetekelo Iya-Kristo.

“Pele webu ubetekelanzi munyoko? Alimwi webu usampaulilanzi munyoko? Nkaambo toonse tulelede kwiimba kubetekelo Iya-Leza. Nkaambo kulilemebedwe kuti, Mbwendu muumi (mbuboobu mbwaamba Jehova), Ncobeni mazwi oonse alandifugamina, amilaka yoonse ilalumba Leza. Aboobo, toonse buyo tulelede kulyaambilila makani esu kubusyu bwa-Leza.” - Ba-Roma 14:10-12

Lubeta lwazibi zyo Iya-Leza lwakatola busena acicingano aakaanza.

Kwiindila mukubika lusyomo lwako muli-Jesu Kristo mbuli Mufutuli wako, zibi zyo zyakabadelelwa, alimwi toelede kuyowa lubeta lwazibi zyo.

“Oyo iwatakazi zibi Leza wakamucitya kuti abe zibi nkaambo kandiswe, kuti swebo tube bululami bwa-Leza mulinguwe.” - 2 Ba-Korinto 5:21

“Zibi zyesu wakazilemenenwa mumubili wakwe mwini acisamu kuti tuzwe muzibi, tuponene bululami. Mibunda yawe njiimuponya.” - 1 Petro 2:24

MUBANDI:

Sena wakalibambila kuyoolibonya amebele Iya-Mwami Jesu Kristo?

CINZI NCOYOBETEKELWA KUBETEKELO YA-KRISTO?

NTAAMU MPATI YACIIYO ECI!

Jesu Kristo ukulangila kuti umulemeke abuumi bwako, lino uuyakubetekelwa milimo njowakacita mbuli muzike wa-Mwami Jesu Kristo nowakamana kufutulwa.

“Nkaambo iswe tuli milimo yamaanza aakwe, twakalengelwa milimo mibotu muli-Kristo Jesu, njiyo njakabambide kale, kuti tweendele mulinjiyo.” - Ba-Efeso 2:10

A. Uyakubetekelwa mbuli mbowakayaka antalisyo yalufutuko lwako muli-Jesu Kristo.

Bbaibbele libelesya ingolide, insiliva amabwe mayandisi kubonya milimo ijisi mpindu itamani; alimwi masamu, bwizu amatete kubonya milimo eyo itajisi mpindu itamani.

1 Ba-Korinto 3:10-12

B. Uyakubetekelwa bubotu bwamilimo yako, kutali bunji bwayo.

Leza tayoobeteki bunji bwamilimo njocita, pele misyobo yamilimo njomubelekela ayo. Uulangisisya abusalali bwa muzezo wamoyo wako kwiinda bunji bwamilimo njomubelekela. Luyando lwako lwa-Jesu luyakuleta micito iluleme.

1 Ba-Korinto 3:13

KAZIBYO KAPATI:

Ciindi coonse weelede kucita ciluleme nikuba kuti toolimvwi kucita obo. Uutakazumizyi kuti eco ncomvwa kuba cibotu mumuzezo wamoyo kukukasya kucita mulimo mubotu wa-Mwami. Weelede kubelekela Mwami amoyo uli bombya, kutazumizya mbolimvwa kukukasya kumulimo.

“Leka milimo Yko mumaanza aa-Jehova, nkabela uyoozuzikizya makanze aamumoyo wako.”

- Tusimpi 16:3

MUBANDI:

Ino inga waamba but bubotu bwamulimo ngocitila Mwami?

Ino Leza uulemekwa buti kwiindila mubuumi bwako?

UYAKUCISWA BUTI KUBETEKELO LYA-KRISTO?

Mulimo wako neeulingulwa akulolwa amulilo, mulimo yako itamani iyakukalilila pele milimo yenyama yako iyakunyonyonwa.

“Pele milimo yaumwi aumwi iyoobonwa mbwiibede. Buzuba bwalubeta mbobuyooitondezya mbwiibede, nkaambo obo buzuba buyooca amulilo, nkabela mulilo uyoosunka milimo yaumwi aumwi mbwiibede. Muntu umwi aumwi uuyokokelwa milimo yakwe njayaka alinjiyo uyootambula bulumbu. Pele muntu umwi aumwi uutentelwa milimo yakwe uyoosweekelwa bulumbu bwakwe, nekubaboobo walo mwini uyoofutulwa cakukweepwa kumulilo.”- 1 Ba-Korinto 3:13-15

A. Kuli bulumbu bubi alubeteko

1. Bamwi bana-kristo bayoosweekelwa nkaambo milimo yabo yaalikulangisisya kuzintu zyaansi kutali zintu zitamani. Milimo yabo yaalizintu zitaluleme (musamu, bwizu, matete)

1 Ba-Korinto 3:15

2. Bamwi bana-kristo bayoousa insoni kubuusu bwa-Leza nkaambo nkakutaponena Mwami Jesu Kristo aakusika limwi.

1 Johane 2:28

3. Bamwi bana-kristo bayaakwiima amebele lya-Mwami mucintanda cabo nkaambo takukwe nebakasyomeka kukubelekela Mwami mubuumi bwabo.

2 Ba-Korinto 5:2-3; 2 Johane 8

KAZYIBYO KAPATI:

Weelede kwiibuluka kuti buusu akuyeeyela inga kwaba kwalweeno, amubuumi bwako boonse. Uulakonzya kusowa ciindi cako mubuumi bwamicito yabukombi, kotaciti neciba cintu cilaampindu kuli-Mwami. Leza uulizi myoyo yesu.

“Mutalubi, Leza tacapwi, kufumbwa ncabyala muntu, ulatebula eco nciconya. Oyo uubyala zintu zyanyama ulatebula bubozi buzwa kunyama, pele oyo uubyala zintu zyamuuya ulatebula buumi butamani buzwa ku-Muuya.”- Ba-Galatia 6:7-8

1. Ukazibisisye kuti milimo yako njiya-Mwami, kutali yakuyanda kwanyama yako.

Luka 16:15

2. Ukazibisisye kuti ubika muzintu zyakujulu kutali bulumbu bwaansi.

Matayo 6:19-20

B. Kulibulumbu buliko bwamusyomi wecizuminano cipya alubeteko.

Basyomi boonse bayootambula bulumbu bwakukona mubili ulemekedwe mubuusyu bwa-Leza butamani. - **Ba-Kolose 3:23-25; Ba-Filipi 3:20-21**

Leza ulasyomezya kuti abo bamupengela mubuumi obuno bayooeendelezya anguwe

Ba-Roma 8:16-19; 2 Timoteo 2:11-12

1. Musini wabululani

Oyu musini upegwa kuli abo bayanda kuyubuluka kwa-Mwami Jesu Kristo. Ikuyandisya kwako kweelede kuba kuyoba a-Mwami ciindi coonse.

“Ndakalwana inkondo imbotu, ndakalumana lweendo, alimwi ndakalubamba lusyomo. Eno icasyaala ncakuuyobwedwa musini wabululami, ngwati kandipe kubuzuba obo Mwami, mubetesi uuluzi, pele nsili ndime endike, pele boonse abo bayanda kuyubuluka kwakwe.”

- **2 Timoteo 4:7-8**

2. Musini wabuumi.

Oyu musini uyooppegwa kuli abo bayanda Kristo. Luyando lwabo lubapa nguzu zyakupa buumi bwabo ciindi nibazunda matepaulo akupenzegwa.

“Mutayoowi zintu ezyo nzimuti penzegwe. Amubone, Diabolosi ulawaala bamwi banu muntolongo, kuti mukasunkwe, elyo muyooba mumapenzi mazuba aali ikumi. Kosyomeka mane do kusikila kulufu, lino njookupa musini wabuumi.”- Ciyubunuzyo 2:10

“Ngusicoolwe oyo muntu uukakatila mumasukusyo, nkaambo na wabonwa kuti muyumu, ulapegwa musini wabuumi, ngwaakasyomezya Mwami kulibaabo bamuyanda.”

- **Jakobo 1:12.**

3. Musini utanunsauki

Oyu musini uyooppegwa kulibaabo batakawa mulusyomo, akuti bakaiindilizya bumboni bwa-Jesu Kristo kuli bamwi kwiinda mukulyeendelela kumakani akunyama, kumuuya amumiyeeyo yabuumi.

“Lino umwi aumwi uulwa muzisobano ulalikasya muziyanza zyoonse. Pele balo balacita obo kuti batambule musini uununsauka, anukuti swebo musini ngututi tanbule tuununsauki pe.”

- **1 Ba-Korinto 9:25**

4. Musini walukondo

Oyu musini upegwa kuli baabo baleta bantu kuli Jesu Kristo. Kuli lukondo kujulu ciindi umwi muntu nafutuka.

“Nkaambo ninzi bulangizi bwesu alukondo lwesu amusini wesu wakulikankaizizya kubusyu bwa-Mwami wesu Jesu Kristo kukuboola kwakwe? Sa teensi ndinywe na?”
- **1 Ba-Tesalonika 2:19**

5. Musini wabulemu

Oyu musini upegwa kuli baabo beembela na bakambaukila bantu ,unyika. Kufumbwa musyomi weelede kubika ijwi lya-Leza muli bamwi.

“Ndati, amweembele butanga bwa-Leza buli akati kanu, alimwi kutabi kwakusinikizigwa, pe, akube camoyo omwe. Kutabi kwakuunya kulubono lwaansi, pele kwamoyo uutuba. Mutabaciti kami-kami abeembelwa ndinywe, pele amubabede citondezyo cakutobela, eno aakuyubununwa Mweembezi simutwe, mukajane musini uutanunsauki wabulemu.”
- **1 Petro 5:2-4**

KUFUMBWA BULUMBU MBOYOOTAMBULA MBUBWA-MWAMI.

Kufumbwa mulimo ngowakacita ulaampindu itamani wakazuzikizigwa a-Jesu Kristo kwiinda muli nduwe. Alike ngomutaanzi, alimwi alike nguutambula bulemu.

“Moyo wangu ulisinizye cintu comwe, cakuti oyo iwakamusaangunina mulimo mubotu unyooya buulondola mane kusikila kubuzuba bwa-Jesu Kristo.”- **Ba-Filipi 1:6**

“Nkaambo ngu-Leza uubeteka mumoyo yanu, mbuli mbwayanda, akumupa inguzu zyoonse nzimubula niziba zyakukanza niziba zyakucita.”- **Ba-Filipi 2:13**

Kuli mukozyanyo njoopegwa mu bbuku lya Ciyubunuzyo mbuli bapati bali makumi obile abane nibakawaala misini yabo ku cuuno caBwami ca-Leza akumupa bulemu. Inga waba amoyo nguwenya, akupa boonse bulemu kuli-Mwami Jesu Kristo kuli eco ncowakacita mubuumi bwako.

“Abalo bapati bali makumi obile abane baliwisya kubusyu bwakwe oyo uukede acuuno cabwami, akumukomba uupona lyoonse lyoonse, akuwaala misini yabo kunembo lyacuuno cakwe, akwaamba kuti, Nduwe uuelede, O Mwami, kutambula bulemu alulemeko anguzu, nkaambo nduwe wakalenga zintu zyoonse, nkaambo kabukanze bwako nkizibede, ankizyakalengelwa.”- **Ciyubunuzyo 4:10-11**

MUBANDI:

Cinzi ncoolangila kuyocitika ciindi noyooba kubetekelo lya-Kristo?

Ino kasimpe kabetekelo lya-Kristo kacisa buti nzila njoolanga buumi bwako?

INO MBOBUTI MBOKONZYA KULIBAMBILA BETEKELO LYA-KRISTO?

A. Langisya buumi bwako kuzintu ezyo zilaampindu zitamani.

Yeeya, bbaibele libelesya ingolide, insiluva, amabwe mayandisi kwiiiminina milimo ijisi mpindu itamani; alimwi musamu, bwizu amatete kwaamba milimo eyo itajisi mpindu itamani.

“Lino alinjiyo muntu ulakonzya kuyasya ingolide niiba insiliva naaba mabwe mayandisi naaba masamu nibuba bwizu naaba matete; pele milimo yaumwi aumwi iyoobonwa mbwiibede...”

1 Ba-Korinto 3:12-13

1. Ingolide yiiminina bu-leza.

Nokomba nikuba kubeleka akulemeka Kristo mbuli Leza, uuyaka ingolide kujulu.

Kulonga 39:30

2. Insiliva yiiminina lununuko.

Ciindi noaambila bamwi bantu muulo ngwakababadelela Jesu, uuyaka insiliva kujulu

Zekariya 11:10-12

3. Mabwe mayandisi aiiminina mauumi abamaalumi abanakazi.

Ciindi noleta umwi muntu kuli-Kristo, uuyaka amabwe mayandisi kujulu.

1 Petro 2:4-5

B. Langisisya kukutembaula Mwami abuumi bwako.

Nakuti Leza eno wakondwa abuumi bwako, uuyakukondwa anduwe ambetekelo lya-Kristo.

“Aboobo moyo wesu tuupengede, pele tulayandisya kupola kumubili akukala ku-Mwami. Nciceeco ncitupangika moyo kuti tumukonde lyoonse, nanka nitucili mumubili nanka nitutamo.”- 2 Ba-Korinto 5:8-9

C. Langisisya akulyaambilila buumi bwako.

Ponena buumi bwako munzila eyo imukondwa, kozibide kuti bumwi buzuba uuyakulyaambilila mbowakamubekela.

“Nkaambo toonse buyo tulelede kuboneka kubetekelo lya-Kristo, kuti tukatambule umwi aumwi cakuvola ceelede camilimo yesu njitucita mumubili yesu, niiba mibotu niiba mibi. Lino tulizi mbukweelede kulemeka Mwami, aboobo tulakombelezya bantu. Kumeso aa-Leza tulabonwa kabotu mbutubede, nkabela ndasyoma kuti kumanjeezeezya aanu aalo tulabonwa mbubonya.”- 2 Ba-Korinto 5:10-11

D. Langisisya akubweeda limwi kwa-Mwami Jesu Kristo

Kulangisisya akubweeda limwi kwa Mwami Jesu Kristo nenjisyo yomwe icitwa mubupone bwa mazuba amazuba amubbaibele. Ciindi nolangisisya kukulangaula Jesu Kristo kubusyu abusyu, kuzyala bube bunji mukati kako.

1. Kuzyala LUKAKATILO mumoyo wako

Jakobo 5:7-8

2. Kuzyala LUKONDO lwakuleta bamwi kulusyomo lwa-Jesu

1 Ba-Tesalonika 2:19

3. Kuzyala BUSALAZI mukati kako

1 Ba-Tesalonika 3:13

4. Kuzyala LUUMBULIZYO mubuusu.

1 Ba-Tesalonika 4:16-18

5. Kuzyala Camba kuti Leza tanamanizya anduwe.

Ba-Filipi 1:6

6. Kuzyala BUSUNGU lwakumanina milimo Mwami kusikila kumamanino.

1 Timoteo 4:1-8

7. Kuzyala BULULAMI bwakuponena munyika yacino ciindi.

Tito 2:11-14

8. Kuzyala LUSYOMO muziindi zyamapenzi.

1 Petro 1:5-7

MUBANDI:

Sena uuponena buumi bwako kuzintu ezyo zilaampidu kutamani?

Sena nkocili cibela mubuumi bwako cakazwa kukulangisisya akuti kuyandika kupilusigwa?

Sena ujisi kufumbwa bube obo buzwa kukulangisisya akubweeda kwa-Jesu Kristo?

KWIINDULUKA AKWAAMBAULA

1. Kweendelana aa 1 Ba-Korinto 3:11-15, cinzi ncoyoobetekelwa kubetekelo lya-Kristo?

2. Cinzi ncetutayoobetekelwi kuzibi zyesu?

3. Misini nzi yosanu eyo njetukozya kuyoopegwa? Kopa bupanduluzi buce amangwali agwasilizya aali oonse.

- a.

- b.

- c.

- d.

- e.

4. Nkaambo nzi tweelede kulangisisya kubetekelo lya-Kristo?

5. Nintaamu nzi lyamakanze aciiyo eci, alimwi cakuiisya nzi?



KUBBALA BBAIBBELE KWACIGAMININA

Kopandulula mumabbala ako mbuli 2 Ba-Korinto 4:16-18 mboikozyanisigwa kubetekelo Iya-Kristo.

Bbala Ba-Kolose 1:21-23. Kweendelana akalembo aka, Leza uyanda kuti bana bakwe bakabule kampenda kubusyu bwakwe. Lucejenzyo nzi lupegwa mutupeto oyu out tukonzya kweetela kuti umwi muntu akabe akampenda?

Bbala Ba-Kolose 3:1-4. Ino kalembo aka kaamba nzi amakani abusena mapenzi ako nkoayobede? Kweendelana akalembo aka, buumi bwako busidwe muli Jesu Kristo. Ino nkookuli nkwabede Jesu cino ciindi? Ino kalembo aka katusyomezya nzi akubweeda kwakwe?

Bbala 2 Timoteo 4:6-7. Apostolo Paulo wakaalibambilde kutulwa kubusyu bwa-Mwami nkaamba walaacamba kuti wakazuzikizya zintu zyoonse nzyaakonzya zya-Mwami. Sena waalibambila kutulwa abusyu bwa-Mwami? Kulipa nzi nkokonzya kupanga kuli Mwami kuti ukakonzye kumumani canguzu?



INJISYO

LYA- BBAIBBELE

Kupanga Basikuzyala

Makanze akuiisya kwa Bbaibele nga kuzyala bana bakumuuya ba-Leza. Eno nkaambo kakuti wakaiiya njiisyo zijanwa mujwi Iya-Leza, casika ciindi cako cakuzuzikizya mulao wa-Leza wakuzyala muli bamwi cakazyalwa muli nduwe.

Ntaamu Iya bala ya ciiyo eci:

KUZYALA

Ntaamu ya mubuzyo wiingulwa muciiyo eci:

Sena mulimo wangu kupanga basikuiiya?

Ntaamu ya makanze aciiyo eci:

Kukubika mulaazyo wakupanga basikuiiya.

Ntaamu mpati ya ciiyo eci:

Ujiisi mulimo wakuzyala cilogwe cako a-Jesu muli bamwi basyomi.

TUPETO TWAKUBIKA MUMIYEEYO:

“Eno oonse ngowakamvwa kulindime kumeso aabakamboni banjibanji ayo koabika kubantu basyomesi abanga balakonzya kuyoofundisya beenzinyina.”- 2 Timoteo 2:2

“Ndakakulemya ansi, ndazyulizya mulimo oyo ngookandipa kuti nkuucite.”

- Johane 17:4

KUSWILISYA MULIMO WAKO

A. Wakapegwa mulimo wakusololela basweekede kuza kulufutuko.

Wakapegwa mulimo waluyaanzanyo mbuli mutumwa wa-Leza wamunyika ino. Ujiisi mulimo wakuyaandaaula abo basweekede muli kristo kuti bakayaanzanywe a-Leza kwiinda mumakani mabotu aa-Jesu Kristo.

2 Ba-Korinto 5:18-20; Luka 19:10

B. Wakapegwa mulimo wakuzuzikiza butumwa bupati.

Matayo 28:18-20

1. Kuzuzikiza butumwa bupati kuyandikana kulikambaukila kwacigaminina.

1 Ba-Korinto 9:16

2. Kuzuzikiza butumwa bupati kuyandikana kuliisya kwacigaminina

1 Ba-Korinto 11:1

C. Wakapegwa mulimo wakukalilila muncito ya-mwami.

1 Ba-Korinto 15:58

NTAAMU MPATI YA CIIYO ECI!

Leza wakapa mulazyo ku musyomi oonse wakwaabana makani mabotu kuli baabo basweekede akuiisya basiciiya. Wakapegwa mulimo wakuzyala cilogwe cako a-Jesu muli bamwi basyomi. Jesu wakatupa mukozyanyo kwiinda mukupa bulemu mwami mumulimo wakamana wakupanga basiciiya.

“Ndakakulemya ansi, ndazyulizya mulimo oyo ngookandipa kuti nkuucite.”- Johane 17:4

1. Jesu wakakambauka kupanga zina lya-Leza abube kuti buzibisigwe kubasweekede
Johane 17:6
2. Jesu wakaiisya basyomi kwiinda mukubaiisya kuti bazibe akucita ijwi lya-Leza
Johane 17:8
3. Jesu wakalizyala mukamwini kwiinda mukuiisya basyomi, alimwi akubatuma kuti bakacite mbubonya kuli bamwi. -**Johane 17:18**

KUSWIILISYA MWAKUSWEENENA KUKUKWIISYA

Kuiisya kwamu bbaibele kuiisya kutamani kwakuba sikumvwa akucita ijwi Iya-Leza, ikuti musyomi akakonzye kukozyanisigwa acikonzya ca-Jesu Kristo.

A. Swiilila ncoisya.

1. Weelede kuiisya basiciya bako amakani a-Jesu.

Upanga basiciya ba-Jesu, mpawo ciyandisi kuti ukaiisye basiciya bako kuti babambe zintu zyoonse zyakaiisya Jesu akumutobela.

Ba-Hebrayo 12:2-3; Matayo 11:29-30

2. Weelede kwiisya basiciya bako njisyo yabwini.

Nzila yomwe yakuiisya njiisyo yabwini njaakwiisya ijwi Iya-Leza mbolibede. Usungwaale kukuisya ijwi Iya-Leza kutali kuyeeya kwako.

Tito 2:1; 2 Timoteo 1:13; 2 Timoteo 3:16

B. Swiilila kuti kuiisya tacilicintu cicitwa buyo, ninjiisyo yamumulimo wa-Leza.

Zintu zicitika mucikombelo zilasika akumana, pele mulimo wa bbaibele uzyala micelo ikalilila. Kwiisya tacili buyo ziiyo zyamu bbaibele zitobelana, kuiisya kwamusyomi umwi mbuli mbwakonzya kutobela Kristo. Ziiyo zibelesyo buyo zyakukugwasya kuiisya ijwi Iya-Leza.

Johane 15:16

C. Swiilila kuti kuiisya takuli kwakupa buyo busonga, nkwakupa kukomena kwakumuuya.

Citondezya cakukomena kumuuya kubelesya kasimpe kamu bbaibele. Basyomi bavwanda balaciyanza cakulisumpula nkaambo kacebazi kamu bbaibele, pele kabajisi kuswiilila kuce mwakutobela Jesu amyuyya yabo. Kwiinda muzikozyanyo zicitwa, weelede kwaabana mbuli kasimpe kamu bbaibele nkoiisya basiciya bako zyoocita mubuumi bwako.

1 Ba-Korinto 8:1-2; 1 Ba-Tesalonika 4:1

D. Swiilila kuti kuiisya kuyanda kuti ulipe cakumanina kukwaabana buumi bwako abasiciya bako.

Weelede kubweza cibela camuzyali oyo upa kufumwa ciyandika kuli basiciya bakwe kuti bakomene. Eci caamba kuti weelede kuba alweendo lusalala a-Leza kuti ukakonzye kuiisya basiciya bako kabotu. Weelede kupa muuya wako. Basiciya bako beelede kuziba kuti ulabayanda alimwi kuti uyanda kubampawo kubagwasya kuti bakomene.

1 Ba-Tesalonika 2:1-10

ZIBELA ZYAKULIPA KUKUIISYA

1. Kuiisya kuyanda kuti ube akusala.

"Anooli muntu uuyanda..."- Luka 9:23

2. Kuiisya kuyanda kuti ucite ncakacite Jesu.

"...kuza musule lyangu..."- Luka 9:23

3. Kuiisya kuyanda kuti ube cipaizyo cuumi.

"....alilube.."- Luka 9:23

4. Kuiisya kuyanda kuti kolipa mazuba amazuba kuzintu zitamani.

"...alitwike ciingano cakwe mazuba amazuba.."- Luka 9:23

5. Kuiisya kuyanda kuti utobele Jesu buumi bwako boonse

"..anditobele."- Luka 9:23

KUSWIILISYA MAGOLELO AKUIISYA

- A. Kutangana mukukomba: kulangisisya kwa buumi bwako
Notalika kuziba Jesu mbuli mufutuli amwami, ulatalika kuona buumi bwako abulangizi butamani. Uyoyandisya kulemeka Leza kwiinda mukutobela Kristo muluyando loonse.
- B. Kutangana mujwi lya-Leza. Nguzu zyabuumi bwako.
Kuswiilila kwako mbuli mbwabede Leza kweelede kukutola kukubala ijwi lyakwe. Ciyandisi kulinduwe kulipa akupona kasimpe ka bbaibele nolibala, akujana eco Leza ncakwaambila.

C. Kutangana mucikombelo: bube bwa buumi bwako.

Kuyanda kwa-Leza mubuumi bwako nkwakujana ijwi lya-Leza alimwi weeledede kuzuzikizya obo kwiinda mucikombelo cako. Ujiisi cipego a-Leza, amulimo mukati kacikombelo ngoeelede kucita kwiinda muciiindi, nguzu azintu zyoonse Leza zyaakupa.

D. Kutangana mumulimo wa-Leza. Makanze aa-buumi bwako.

Ciyandisi kupona buumi bwako kolipede kukuzuzikizya kuyanda kwa-Leza. Kuyanda kwa-Leza abuumi bwako nkwakuti ube siciiya (upone abusalali, buumi buzulide amuuya uzwa kuli Leza) alimwi upange basiciiya (kwaabana makani mabotu, alimwi kopa ezizintu kulibaabo bamaalumi basyoma).

KUSWIILISYA ZINTU ZYAKULANGISISYA KUKUIISYA.

“Eno oonse ngowakamvwa kulindime kumeso aabakamboni banjibanji ayo koabika kubantu basyomesi abanga balakonzya kuyoofundisya beenzinyina.”- 2 Timoteo 2:2

A. Kulangisisya kukupanga njiisyo kube kutaanzi.

Cilongwe cilaakati ka siciiya asikuiisya ciyakuyubununa nakuiisya kuyakubampowa na pe; aboobo, magolelo akuiisya ngaakusitikizya basyomi basyomeka anjiisyo yamu bbaibele yabwini. Njiisyo yamu bbaibele ciindi coonse iyoozunguluka buyo akutobela Jesu.

“Eno oonse..”- 2 Timoteo 2:2

B. Kulangisisya bupone bwacilongwe camwiiya asikuiiya.

Kweeledede kuba siciiya kuti kube kuiisya. Eci ciyakucitika ali bantu bobile; aboobo, cilakonzyeke kuba kwiisya ali bantu bobile na botatwe, pele kweeledede kuba mwiiyi omwe, ababoonse babe basiciiya. ikwiisya taakuli kuiiya buyo bbaibele, na bantu bobile kabakala antoomwe. Kulangisisya mwiiya kupa buumi bwakwe ajwi lya-Leza muli basiciiya bakwe.

“...ngowakamvwa kulindime..”- 2 Timoteo 2:2

C. Kulangisisya kuti kuba kulitabilila.

Kuiisya kuyanda cilongwe caafwi akati ka siciiya amwiiyi. Aboobo, kwiisya takweeledede kubeda kubusena busidwe. Kweeledede kuba butabilizyi buzwa kuli bamwi abo bakonzya kuba bakamboni kuli cicitika, aliwmi akubona magolelo azundwa.

“.. Kumeso aabakamboni banjibanji..”- 2 Timoteo 2:2

D. Kulangisisya kuiisya munzila ikonzya kwiindulukwa.

Koiisya kasimpe kamu bbaibele munzila yuuba kuswiilila, alimwi munzila yuuba basikuiiya bako njoobakonzya kuzyala micelo akuiisya basiciiya baabo.

"..aya koabika.."- 2 Timoteo 2:2

E. Kulangisisya kuiisya basyomi basyomeka.

Kuiisya kuyakwa aali omwe siciiya wa-Jesu unjila mucilongwe aumwi musyomi oyo wakajanwa kusyomeka. Kweelede kuba ciindi cakusitikizya busyomeki, akuiisya takukonzya kubelesyegwa kumusyomi mupya.

"..kubantu basyomesi.."-2 Timoteo 2:2

F. Kulangisisya kukupanga basiciiya abo bayookozya kupanga basiciiya bamwi.

Kaambo akalike nketupa kuzintu ezi ku basyomi basyomesu nkakuti bakakozya kuiisya bamwi munzila njiyonya. Imagolelo ngakupanga basiciiya abo bayookozya kupanga bamwi basiciiya.

"..abanga balakonzya kuyoofundisya beenzinyina.."- 2 Timoteo 2:2

MIBUZYO IMWI NJOKONZYA KUNOBUZYA.

A. Sena Leza inga wandibelesya kupanga basiciiya na nsili mukambausi nanka mweendelezi wecikombelo?

ee. Leza wakakupanga similimo nkaambo ujiisi muuya wa-Leza ukukalilide mukati kako. Leza ulalemekwa kwiinda mukukompama kwako.

2 Ba-Korinto 3:5-6; 2 Ba-Korinto 12:9-10

B. Cinzi nceendikonzya kucita na siciiya wangu wasala kuleka katutana mana ciiyo?

Makanze akuiisya ngakweeta bantu akati kanzila yakuba akusala na balaswiilila Leza na pe. Na siciiya waleka, tacaambi kuti kuisya kwakacilwa pe. Upaile akukumbila Leza kuti akusololele ki musyomi usyomeka oyo ngokonzya kuiisya.

1 Ba-Korinto 15:58; Johane 6:66; Tusimpi 20:6

C. Mboobuti mbondikonzya kuliswaanana asiciiya?

Kobamba ciindi ncookonzya kulipa kukulibambila kupanga basiciiya. Wamana usyome bweendelezi bwa cikombelo cako kuti bakupe umwi muntu ngookonzya kwiisya.

Utalikile kupaila kuti Leza akupe siciiya. Nzila mbotu yakujana siciiya ngakusololele umwi muntu kuli Kristo akutalika kutila buumi bwako muli muntu oyo.

1 Ba-Korinto 9:16

KAZIBYO KAMAMANINO:

Kupanga basiciiya mulimo mupati, pele mulimo uyakuba ampindu mane kutamani. Nakuti tolangisisi, zintu zyamunyika ino ziyakuba matepaulo atamani akukunyonganya kukuzunda buyuumu bwakupanga basiciiya. Saatana awalo uyakusola kulesya buumi bwako kuzuzikizya butumwa bupati.

2 Timoteo 2:2-4; 1 Petro 5:8

MUBANDI:

Mbobuti mbozuzikizya butumwa bupati mubuumi bwako?

Sena ulanga ziiyo ezi mbuli kwiiya buyo bbaibele, na kulibambila kukupanga basiciiya abuumi bwako?

KWIINDULUKA AKWAAMBAULA

1. Nzinzi zintu ziyobile ziyandikana kukuzuzikizya butumwa bupati?

- a. _____
- b. _____

2. Kweendelana aa 2 Timoteo 2:2, nzeezili zintu zyosanwe aumwi nzyoelede kulangisisya noswaangana asiciiya wako?

- a. _____
- b. _____
- c. _____
- d. _____

3. Ngaali magolelo oone akwiisya? Mboobuti mbokonzya kwaamba ncocita kukuzuzikizya magolelo aya mubuumi bwako?

- a. _____

- b. _____

- c. _____

4. Ntaamu nzi yamakanze aciiyo eci, alimwi cakuiisya nzi?

KUBALA BBAIBELE CIGAMININA

Bala 1 Ba-Tesalonika 3:1-3. Apostolo Paulo wakayandisya kuti cikombelo cipya caku Tesalonika cikakalilile, aboobo wakatuma Timoteo kuti akabaiisye. Zyelelo nzi zyaabube ziindene ezyo Paulo zyaakaamba zya Timoteo ezyo zyakamuzumizya kuti aanke ku Tesalonika kuyopanga basiciiya?

Bala 1 Ba-Tesalonika 4:1. Cinzi Apostolo Paulo ncakakumbila akukombelezya cikombelo caku Tesalonika kuti cicite akuiisigwa nkobakatambula? Sena uyeeyela kuti mulimo wako ayebo kucita mboonya obo? Nzeezili ntaamu nzitobela zyosyoma Leza kukweendelezya kuti ucite mumyaaka itobela?

Nziiyo nzi zyobile nzipati zyanzila yakuiisya njowaiiya?

